



同治徐州府志

ル 5
1569
10





凡名
1569
10

同治徐州府志卷第十八上

古蹟攷

夫昭曠之流抗蹤往哲緇素之士取暢山情是以膺膺周原穆
滿欲窮其轍跡茫茫禹甸夷堅特誌其神奇搜古者輟策披圖
結覽者擔簦探勝荒闔離黍空傳故國之吟廢壘叢荆誰是將
軍之樹經通德之里仰止鄭君瞻凌雲之基興懷漢武耀維摩
於百寶弔隨會於九原莫不發思古之深情寄幽棲之慨慕又
况抽毫摘藻剔薛鐫名易感遐心睠勞陳迹緬雍門之逸響芳
躅長畱眺霸楚之層臺流風未邈爰考輯故墟並列名勝作古
蹟攷梵宮冢舍附載斯篇昔賢詠歌依類編錄後之覽者聊以
展物外之思殫賞心之悟而已

古蹟攷

銅山縣

彭城故城

今府治古彭祖國漢以後為郡縣治

詳見紀事沿革表

又方輿紀要

引舊志今城東北八十里銅山下相傳有古彭城廢縣或以

為漢縣蓋治此

唐懿宗敕徐州地當沛野軍本驍雄實為壯國之都固協建侯之制况山河素與土俗甚

殷豈欲削卑挫其繁盛蓋綠比因稔禍或至亂常罪由已招孽非天作桂林叛卒繼有逆謀塗炭生靈首尾周歲殺傷黎庶汚染忠良所不忍言尋加翦滅是以卑其鎮額隸彼藩方近屬大兵已來饑年薦至且聞軍人百姓深恥前非願行舊規却希建節朕每深軫念思致小康特示溷恩復其軍額宜賜宣徽軍綾絹十萬匹助其宴犒必獲周豐其徐州都團練使彭城館驛詩襄君前建國項氏西稜威鵬飛傷楚戰雞鳴悲漢圍年代殊氓俗風雲更盛衰水流浮磬動山喧雙翟飛夏餘花欲盡秋近鷺將稀槐庭垂綠蓮浦落紅衣徒知日暮不見舞雩歸唐錢起三適楚次徐城去家隨旅雁幾日到南荆行邁改鄉邑苦辛淹晦明畏途在淫雨未暮且趨程

木對秋館寒鴉悲古城迷津嘆為客對酒然含情感激念知已匣中孤劍鳴皇甫冉徐州送丘侍御之越時鳥催春色離人惜歲華遠山隨擁傳芳草引還家北固潮當澗西陵路斜縱令寒食過猶有鏡中花又登彭城落日憑危堞春風似故鄉川流通楚塞山色繞徐方壁壘依寒草旌旗動夕陽無戎資上策南畝起耕桑韓愈歸彭城天下兵又動太平竟何時許謨者誰子無乃失所宜前年關中旱間井多死讎去歲東郡水生民為流屍上天所宜前年關中旱間井多死讎去歲龍夔言詞多感激文字為紙灑血以為辭上言陳堯舜下言引芹雖云美獻御固已癡緘封在骨髓歌耿空自奇昨者到京城屢陪高車馳周行多俊異議論無瑕疵見待頗異禮未能連日或不語終朝見相欺乘閒輒騎馬茫茫請空陂遇酒即酌酌君知我為誰薛能彭門解嘲二首嗚嗚吹角貳師營落日身閒笑傲行盡覺文章尊萬事却嫌官職刺雙旌終休未擬降低屈忽遇還須致太平頻上水樓誰會我泗濱浮磬是耳中唯要管絃聲曉吟乍可妨時務淺飲無因致宿醒秦客莫嘲瓜戍遠水風瀟灑是彭城又彭門偶題淮王西舍固非夫柳惲偏州未是都直到春秋諸列國旌旄才子也應無采蘇軾罷徐州往南京馬上走筆寄子由詩五首吏民莫叛援古蹟攷

司台余川符志卷第十八上

二

歌管莫凄咽吾生如寄耳甯獨為此別離隨處有悲惱緣
愛結而我本無恩此涕誰為設紛等兒戲鞭撻遭割截道
邊雙石人幾見太守發有知當解笑撫公前年無使君何自
來花枝衰長紅洗盞拜馬前請壽使君命分惡所向遭災凶
化兒童舉鞭謝父老正坐使君窮人來迎我向南東流入
淮泗送非吾過東南行暫別復還見依然有餘情春雨漲微
夜到彭城過我黃樓下朱欄照飛霞可憐淇上石誰聽月中
聲前年過南京覆老櫻桃熟今來舊游處櫻麥半黃綠歲
如送如昔人事幾反覆青衫老從事坐穩生髀肉聯翩閱
迎路下有轉轂歸耕何時決田舍我已卜田向何許石佛
南畝一金近欲為逃戶將解簪紱賣劍買牛具故山豈不
懷廢宅生蒿櫓便為逃戶將解簪紱賣劍買牛具故山豈不
舟得臨釀字二首彭城古戰國孤客劫登臨又與梁先舒
潭百丈深故人輕千里滿足來相尋何以娛嘉客潭水洗
心老守厭簿書先生罷函丈風流魏晉間且放又徐州送
忽已過水色綠可釀君無輕此樂清且放又徐州送
代仲達少卿此身無用且東來賴有江山慰不才舊尹未
衰廢久清尊猶許再三開滿城遺愛知誰繼極目扁舟挽
同歸去青雲還記否交遊勝絕古城隈又月夜與客飲酒
花下僕在徐州王子立子敏皆館于蜀人張師厚來過

古蹟攷
司台余州府志卷第十八上
三

王方少年吹洞簫飲酒杏花下杏花飛簾散餘春明月入戶
尋幽人裏衣步月踏花影如流水酒清蘂花間置酒清月
發爭捲長條落香雪山城薄酒不堪飲勸君且吸杯中月
簫聲斷月明中惟憂月落酒杯空明湖捲地春風惡但見綠
葉棲殘紅蘇轍初登彭城有感寄子瞻秋捲地春風惡但見
向乾扁舟久不礙何由刊念昔各年此行亦不遠世故方
持一寸及巉絕何由刊念昔各年此行亦不遠世故方如
叢開口治亂根文章風雲起曾瞻灑不遠世故方如山我
道所存橫流一傾瀆萬類爭崩奔孔融漢儒者本自輕曹
誓將貧賤身一悟世俗豈意十年內日夜增濤瀾自叛劉
顛額遊宦豈復安水與火益熱人知蹈憂患豐且自叛劉
欣苟盤桓而况我與兄飽食願依然上願天地仁止此禍
源歲月一徂逝尚能反邱園曾鞏彭城道中百步洪聲潦
初白沙新岸奏舟車一時屠狗英雄盡千載河山戰伐餘
漢舊歌流俚耳韓彭遺迹冠邱墟可憐馬上縱橫畧只在
橋一卷書呂定登彭城遺迹冠邱墟可憐馬上縱橫畧只在
稠春色不隨人事改水聲長近城上流空餘夜月龍神廟無
復州道中彭城古官道日中十馬馳不須懷古重夷猶面
飛向來漢王縞素師美人燕罷項羽啼一時混戰四十萬
昏地黑灘水涓乃知大風揚沙失白晝自是地利非天
王蒼皇問道西一兒一女嬉其危太公呂后去不歸俎上

有生還時未央稱壽太上皇巍然女媧帝中闈終然富貴自
有命造物顛倒直小兒又彭城行連山四圍合呂梁貫其中
河南大都故項王宮晉牧連揚豫虎視北方黃樓賦尚
子樓風流張建封西望唯陽城下與汴水通太平黃樓賦尚
能想遺風邇來千餘年正朔歸江東遺民死欲盡蕭然孤
叢我從南來佛峰滄海變蒼白陵谷代不同朝為朱門貴
戲馬臺憔悴除信物感慨係聽達今朝正重九醉行萬
暮作行旅窮乘何北風逐征鴻又發彭城今朝正重九醉行萬
慮空如此獨醒何野花發歲稔草埋范增塚雲見樊噲旗
意遲遲回首戲馬臺何野花發歲稔草埋范增塚雲見樊噲旗
時節正如此道將何之我愛陶淵明甲子題新詩白衣送
酒來把盞臥東籬元胡士則徐州懷古二首籍也楚世將江
東八千兵儂飽飢骨上國足橫行乘憤西入秦晝錦歸彭
城暗嗚千人廢諸侯莫敢爭竟坐勇力亡漢以寬仁與斯文
六經後百世一昌黎饑寒三十年一朝從隴西生死終不名
感恩報已知徐牧亦何人燕樓歌姬翻傷秦已屬真龍
木樓丈夫出處難淚灑符離堆又徐州春暮三夜雨中開
子萬古空餘戲馬臺燕差碧嶂回日暮黃樓登覽蘇仙不
鼉洶湧清流合塔廟參差碧嶂回日暮黃樓登覽蘇仙不
見使人哀傳若金徐州斷山數里見浮屠水樹微茫映日
舟楫徧經危石過人烟稍近白雲居朱陳縣遠思遺俗楚漢
臺荒想故墟萬古風帆自來往新詩吟罷獨躑躅都刺彭

古蹟攷

司台余州志卷第一

一

七

城雜詩城下黃河去不回四山依舊翠屏開無人會得登臨
意獨上將軍戲馬臺雪白楊花拍馬頭行人春盡過徐州夜
樓眼倍明柳絮飛二月暮樓頭猶有賣花聲歌扇春風
酒香舞裙落日動鴉黃柳邊今夜孤舟發水遠山遙空斷腸
陳孚徐州項王雄豹姿氣欲吞天下大呼渡河來山岳如崩
瓦當其火秦宮血流渭水緒曠目叱諸侯瞻落毛髮酒誰知
陰陵路浩歌淚如瀉惟徐乃故都昔此奠宗社尚想巍臺上
鐵架擁萬馬酒酣筋鼓鳴旌旗蔽原野及今亦何有荒棘秋
滿把皇天祚真主神器不可假豈有時雨師刈人如土荳天
亡君勿悲為君奠壘竽孟梗徐州徐州壓城霜木楮可能回
首風塵下當年縞素從西來仰天伏地聲嗚啞君臣大義日
月白牧馬鳴條此其亞帝王氣象佳蔥蔥舉止却類田舍翁
美人瓊玉是糞土四海正在水火中如龍如虎尚踞城卒
豎子貪天功練魯徐州故城前年秋八月盜入徐州城卒
不滿意深民亂驚殺州人烈火下四面山河明賊酋坐官府
列及脅同盟牧守既宵遁蚩蚩不敢爭唬呼千家裂震傲萬
井砲揭竿立鉤戟斬不縣旆旌鍛礪鋒及合攘刮困廩盈弄
兵晝駭運伐鼓宵餘停我軍隔河守水上星散營有時出數
騎視我百萬輕去年大兵合相國親南征詔出天王旂九月
千里行策馬南渡河北頓泗上兵浮梁駕連舩突騎塵隨
日月動徐荒出震蠻荆逆虜馘在眼良家望全生豈知七

日戰網漏橫海鯨斯民不自白殺氣嚴秋聲俯仰萬古迹今
日煙沙平繁華逐飛盡霸王沉餘晶彭門既北墮黃樓亦東
傾戲馬有荒土駐驛無遺名黃埃颯歛崩榛杌攘槍亂穴
竄聽聽廢堵蛇蟻蝶慘慘白骨上颯颯陰雲橫我有感慨淚
淚灑天無情山長水亦遠草木悲風鳴又徐州新城去年定
徐土城此山南阪被山為崇墉阻河即長溝縣官集居民令
下間藪幽戶口多被傷亡庶庶可求流民歸占籍結屋欲網
繆垣壁隔榛棘門戶編荆柵數家有壁立一室欲蓋頭敢求
衽席安庶為生計謀奈何周瘵餘力難及鉏耰藝麥不療飢
種豆安得收大家已顛顛小家有葶藶郡中二千石視古伯
與侯此邦實保障撫養期民休修政恤存沒秉德無競練喪
亂其有涯宸衷方軫憂成廷珪悲徐州城入月風塵起數
郡義軍多戰死良家子女復何辜盡作黃河水鬼髑髏填
海幾時歸千古沈冤無處洗王師如雷上來賊船夜研浮
橋開守橋將軍不敢敵狂瀾倒瀉聲如雷三山回望平如掌
野曠猶聞金鼓響軍中少年當封侯爭入轅門請功賞江邊
老翁死即休血淚沾襟空白頭明楊士奇夜過徐州聽濤翻
河亂石橫牽船上洪初月明夜中不辨黃樓處惟聽層城鐘
鼓聲薛瑄入徐州去年春正月南泛彭城舟今歲值秋暮北
上遡長流蹤跡信往復景物愜觀遊風寒堤柳落波減岸石
稠白見高城堞蒼出遠山邱何處戲馬臺彷彿燕子樓化遷
無停軌事往不可求陳迹竟泯泯虛名但悠悠覽今亦懷昔

古蹟攷

同治徐州府志卷第十八上

五

發聲遂成禍又彭城懷古二首戲馬臺邊雉堞高參差樓閣
入烟霄運河控引淮黃近驛路通連海岱遙天府豈知成仙
主彭城空復駐英豪大風折木飛沙日想見天心翊漢朝當
年禹跡舊分州走馬南來遂此遊地勢崇迴環翠嶺關城峭
拔枕黃流燒餘豪傑千年冢春老佳人百尺樓周覽未能窮
往事官河又放下洪舟儲確彭城有懷清夜棹歌發高秋客
思生綿綿鄉國夢歷歷水雲程老樹危蟠石衝波怒鬻城白
門樓上月偏傍海東晴楊珍再泊徐州風烟漠漠路漫漫迨
遞偏嗟作客難茂苑音書千里隔彭城月色兩宵看星涵河
影垂平野水觸洪聲瀉急湍更倚五雲瞻北斗清輝玉宇不
勝寒周用至徐州遠戍收宵柝高風動雪車三年同旅雁一
飯厭河魚赤葉寒林曉黃茅野市虛因思溪水上年同旅雁
廬屠隆彭城渡黃河彭城臨廣岸俯仰霸圖空白日照殘雪
黃河多烈風所嗟人向北不似水流東回首滄溟曲山山雲
霧中王衡雨中徐州道上鄉山看在水流東回首滄溟曲山山
明雨人烟芒屨城花飛急流盡雲起大河平一路茫茫白歸
心亂旅程袁懋謙望彭城彭城面面水環匝與城平君不見
馬中赤兔人中布引水灌城走無路茅坤春日踏雪彭城道
中春日獨傷春事稀馬蹄又向雪中歸數家煙火望欲斷幾
樹飢禽寒不飛有客尋詩穿谷口無人載酒欵林扉看山不
覺日已暮千里雲霏生薛衣鄭曉江淮連絕島齊魯入平原
接河源落日東南斷飛濤日夜喧江淮連絕島齊魯入平原

寄語當關者征求無太繁薛岡彭城寇詩二首幸作六帝民
賢聖歷在宥身老桑柘間不知有格鬪戈戟何忽焉一借
組豆郡盜既起朝廷重介胃欲以殺止殺血流汚宇宙政
問宇宙中何民弗從寇民志如奔湍撫我斯后乃信吏政
苛不在猛虎後堂上鮮蒲鞭溝邊餘老幼何况臨刀祖提兵
肯相救髦齡苦行役况丁金革中艱難費輪楫弔古躋雲龍
賊至自淮南所過州里空頭兵下意窺山東洪河不
得濟賊計良已窮一旅儻躡後殲微遺蹤乃計不此出妖
蛟縱故宮清夜坐岑樓浩浩聞北風南山助烈火天地為之
紅國家養豨豨恃以戢狂鋒狂鋒不能敵其誰怒乃躬無庸
竊究患所患求英雄道路有萬目看敘賊退功萬壽祺憶昔
并序神廟初四方無事海內殷富達京師者道彭城余兒時
猶及見之迨今三十餘年軍興以來人物凋耗城郭崩毀今
昔之感為憶昔詩四首憶昔神皇初握衡玉琴轉郭崩毀今
尉侯萬里連三輔圖鑑千秋號百城海內自藏天子富人間
亦有地仙生紛紛絡繹舟車客都向東徐道上行二月天桃
三月紅繡隄芳草任西東垂簾畫閣向東徐道上行二月天桃
中曉隊焚香聞伐鼓春陰試馬競鳴弓挑燈自春秋草荒雨
貌輕衫今老翁士女晨游不解愁百年簫鼓自春秋草荒雨
漲膳脂并花滿春喧燕樓星號王良臨太僕山名樊繪雨
雷侯祇今吹笛橫疎影明月依稀似舊游河流踉蹌依城下
千里奔檣似奔馬遠廊帶山西南青危樓染土東北藉短籬

古蹟攷 同治後州府志卷第十八上 六

小菊對客吟長竿大藥從人打歲時無事過旗亭桑柘陰陰
開萬野又登彭城循河南下詩路接長隄秀窳橫家家風雨
釀清明望窮芳草行人出開徧桃花春水生落日山河臨大
澤極天烽火接高城中原羣盜今方盛聞道西師已厭兵又
彭城九日詩九月九日菊有年者荷女柳平渚田奔雲上山
秋氣急落日下河風影圓雁各謀稻梁地蟹螯竟成時俗
天故鄉意殊不惡問汝此夕何高眠國朝高道素阻雨彭
城驛寄懷李九疑禮部乍失河陰樹難分淮泗山寒烟原上
白秋葉雨中斑鄉夢深宵斷琴聲永日閒遙憐和歌客相憶
渺江關賀燦然泊彭城山多宿雨日暮起悲風賈客行將
絕中涓計已窮叩閭雙闕迴縣磬九州同應有輪臺詔朝來
出漢宮謝筆瀾十六夜彭城對月辭家席未煖望舒已圓
初隱層峰外俄挂高城巔徘徊麗絳闕澗澗未煖望舒已圓
無極忽覺在我前流輝照綺席素波相澄澗玉字何淒清孤
鴻唳中天寒江抱平楚離離含輕烟美人天一
憐但恐佳辰邁望古首舊社粉榆改寒雲芒碭對江楓眠私
尊彭城道中詠古二首舊社粉榆改寒雲芒碭對江楓眠私
火飛渡斬蛇溝博浪飛椎後圮橋進履年無人知偶語况有
素書傳屈大均過徐州詩百戰悲豐沛羣雄問草萊斬蛇雷
大澤戲馬失高臺山向彭城出雲從泗水來蕭條王氣盡父
老有餘哀徐用錫徐州詩天上河流帶郭長鴈賓聲裏搗衣
裳誰言籬菊叢芳晚正是園葵壓擔忙海客難教亭駐鶴坡

公空認石為年來五度奎山塔又看高層挂夕陽宋琬徐
州懷古塞烟漠水增波戲馬臺前振柁過父老能言西楚
事牧兒誰解大風歌呂梁濤落支祁走芒碭雲深雁多安
得長菱塞瓠子不勞壯士挽銀河玉土正徐州渡河楚漢興
亡後雌雄幾戰爭大風過泗上落日照彭城玉斗空遺恨銀
刀久厭兵登艦一長嘯冰雪太崢嶸又彭城懷古八首城上
黃樓天四垂捲簾坐盡楚山姿羽衣吹笛人千古樓下猶懸
五丈旗中原豪傑競亡秦楚漢烟銷泗水濱放鶴亭前一
酒楚山鬻鬻水鱗鱗樓觀峩巖戲馬臺宋公九日此傳杯詩
人猛士如龍虎只愛江東二謝才僕射軍中似父兄紅蓮書
記擅才名重尋汴泗交流處千步毬場草棘生黃葉西陂七
字詩後山詩派石林知南山磬石流脂滑不刻長洲主簿詞
呂梁千仞古所嗟况復層冰如莫邪陪尾山前魯祠北紅泥
亭子漾金沙烟銷陂水半篙碧日出曉山千疊青薺麥依然
春雪裏忍寒招鶴上空亭風雨彭城意黯然東堂松竹沒寒
烟穎濱老去東坡死銅狄摩挲五百年沈德潛和陳樹滋徐
州懷古沛豐千里極橫楚漢紛紜此鬪爭將相王侯甯有
種英雄豈子孰成名山連芒碭雲常合水繞彭城浪不平戲
馬歌風總消歇荒原野成遍春耕周體觀人日次徐州泗上
逢人日長亭許更過春雲迴白首客夢渡黃河舊俗淮南異
前賢沛國多至今小兒女猶唱大風歌黃任彭城道中天子
依然歸故鄉大風歌罷轉蒼茫當時何不憐功狗雷取韓彭

呂城

守四方吳樂晚次彭城薄暮荒城首重迴雲烟芒碭客愁開
三齊驛路連天潤萬里河流動地來戲馬臺前寒日落斬蛇
溝外野風哀狗屠獄掾皆黃土感嘆當年楚漢才鄂容安過
徐州彭城在望夕陽殘九里山頭月色寒影落驚濤渡輕楫
光涵危堞接平灘千秋無端蘇帽彭城道中百里輕裝十
封甬人不見赤松黃石兩無端蘇帽彭城道中百里輕裝十
月間晴明客路自開顏長隄策馬經行處繞過黃河第幾灣
華蘆葦夜半帆風雨下徐州蔣士銓徐州道中智井何知表
窗蘆葦夜半帆風雨下徐州蔣士銓徐州道中智井何知表
待與河魚求麥麩徒將藪澤任舟鮫難行水安土依然芥處
千金市一飽鄧大業徐州詩龍吟虎嘯帝王州地是東南最
上游青嶂四圍迎面起黃河千折挾城流炊烟亂人歸市
杯酒蒼茫客倚樓多少英雄談笑盡樹頭一片夕陽浮

府東南五十里漢縣隋廢詳見紀事沿革表元和志呂城臨泗水高

百四十尺周十七里城東二里又有三城一在水南一在水

北一在水中潭上並高齊所築立鎮以防陳寇舊州志呂梁

古蹟攷

城在州東南呂梁洪東岸明嘉靖四十三年築城周五百餘丈工部分司署在焉又方輿紀要呂梁洪上有二城一日雲夢一日梁王土人謂雲夢為韓信梁王即彭越又洪西岸有尉遲城舊志本方輿紀要呂城下注謂為尉遲敬德所築蓋始於趙孟頫關尉廟碑而紀要於呂梁洪下又有或謂唐武德中尉遲敬德開此洪假龍門呂梁以狀此水之險誤矣云云案敬德未嘗督徐州惟魏尉元用兵呂梁疑是尉城後人訛為尉遲附會敬德明唐文獻夜泊呂城詩何處汀洲晚停棹信楫師雨餘霞散綺風靜柳垂絲野寺鐘聲後夜潮人語時勞勞游子意隴笛不堪吹儲罐宿呂梁有感亦日黃緣宿呂梁黃茅轉盼失前關百年身世如秦贅一髮功名愧楚狂投老計應吾土好懷人情與暮雲長夢同多少關心處清鏡朝來有鬢霜徐捷呂梁次蘇肅韻停傳瞻宋岱扁舟下呂梁烟花暗征路風雨趁歸航觸石魚爭上盤渦鷺獨翔濟川空有志俯仰愧虞唐

廢梧縣

漢縣東晉廢見雷封沿革表路史國名紀漢陽成延為梧侯者今彭城

南陽平故城

劉宋僑立陽平郡魏徙治彭城周廢詳見紀事沿革表方輿紀要在徐州西

濮陽廢縣

劉宋僑置周廢詳見紀事沿革表方輿紀要在州西北五十里寰宇記作舞陽城誤也按寰宇記彭城縣有樊噲墓實無舞陽城近志但有舞陽城不載濮陽縣舊志仍之錄疑說於後攷今本寰宇記既無舞陽城則府志不當錄入即使別有舊本方

古蹟攷

同治徐州府志卷第十八上

七

輿紀要已辨其誤亦宜據顧說為是今從紀要

武安廢城

元置州於此旋廢詳見紀事沿革表方輿紀要在府城南三里舊志

今為廣運倉地

垞城

古崇侯虎國又見沿革表按輿地志垞古嵩國西南有嵩侯廟嵩

崇古通元和志在彭城縣北二十六里兗州人謂實中城曰

垞水經注泗水篇云城西南有崇侯虎廟道淪遺愛不知何

因有此方輿紀要蓋南北朝戍守處也今謂之茶城為運道

所經明嘉靖末黃河北徙城遂為漕黃交會之衢

呂布城

方輿紀要在州東南八十五里八十疑六元和志曹公故城

在彭城縣東南六十五里呂梁東岸或言曹公築此以圖呂

布西岸有城臨水是布之所固也號曰呂布固寰宇記呂布

城在縣東南五十里又引魏地形志呂布自下邳與曹公相

持築城於此今地形志無此文舊志在呂梁南二十五里一

名戰臺塹壘猶存

彌黎城

舊志在府城西南水經注獲水東逕彌黎城北劉澂之永初

記所謂彭城西南有彌黎城者也方輿紀要稱志云今州南

二里有古迷劉城舊州志亦云今城南五里許太山下有迷

劉城俗稱劉城臺相傳漢軍敗於楚不知高帝所在處蓋即

古蹟攷

同治徐州府志卷第十六

彌黎之訛也

食城

方輿紀要載在徐州下云州西北百二十里曰灰城又二十里有倉城皆昔時頓兵貯糧之所按倉蓋食字之誤以境地攷之當入銅境今縣西北有石城砦卽此詳建嘉慶元年河決奪食城河浸沛縣知河以城得名也防攷

胡山城

銅山縣志崇禎間築以禦流寇今廢

徐州左衛城

在雲龍山東麓見兵防攷

舊營

魏書恩倖傳掃靜徐義恭並彭城舊營人今無攷

高冢戍

在州南見范增墓

下磕戍

在州東南魏書尉元傳劉宋泰始二年薛安都以彭城降魏詔張永攻之軍於下磕

磧泉戍

在州東南呂梁山東通鑑梁將蕭弄璋伐魏取呂梁磧泉二戍方輿紀要磧泉在呂梁東是也

戲馬臺

水經注作掠馬臺

在城南里許項羽因山爲臺以觀戲馬故名寰宇記宋武北

古磧攷

同治徐州府志卷第十八上

征至彭城九日會將佐百僚賦詩於此元嘉二十七年魏太
武南侵立瓊屋於戲馬臺以望城中蘇軾云臺高數十仞廣
袤數百步有事則可用屯戍與城相表裏舊志循磴而上傍
有石崖雜勒古歲月名氏文皆隸書筆法遒勁剝落不可讀

明天啟間戶部分司嘗移署其上入遂名戶部山宋謝靈運

苦旅雁連霜雪凄凄陽井井賦皎皎寒潭潔良辰感聖心雲旗

與慕節鳴笳戾朱宮蘭厄獻詩哲餞冥光有孚和樂隆所缺

在宥天下理吹萬羣方悅歸客遂海隅脫冠謝朝列彌棹泊

在渚指景待樂闋河流有急瀾浮驂無緩轍豈伊川途念夙

心愧將別彼美邱園道唱焉傷薄劣謝瞻風至授寒服霜降

休百工繁秋日迅商薄清穹聖心眷佳節揚鑾屏行官四筵霑

輕霞冠中堂起流絲桐扶光迫西汜歡餘宴有窮逝矣將歸客

芳醴有終臨流怨莫從歡心歎飛蓬唐儲光羲登戲馬臺作

君不見宋公仗鉞燕后英雄踴躍爭趨走小會衣冠呂

梁壑大徵甲卒礪礪口天門吹動浮雲居人滿日市朝變

軍泛泛樓船游極浦搖歌吹動浮雲居人滿日市朝變

沈晨霧開彭城烈烈秋風來少年自苦未得意日暮蕭條登

古臺唐張籍送遠曲戲馬臺南山簇簇山邊飲酒歌別曲行

人醉後起登車席上回樽勸僮僕青天漫漫覆長路遠遊無

家安得住願君到處自題名他日知君從此去曹鄴和謝豫

章從宋公戲馬臺送孔令謝病碧樹杳云暮朔風自西來佳

人意山水置酒在高臺不必問流水坐來日已西勸君速歸

去正及鷓鴣啼宋蘇軾與舒教授張山人參寥師全遊戲馬

臺書西軒壁兼簡顏長道二首古寺長廊院行此軒偏慰

旅人情楚山西斷如迎客汴水南來故遶城路失玉鈞芳草

台林亡白鶴古泉清淡游何以娛庠老坐聽郊原琢磬聲竹

杖芒鞋取次行下臨官道見人情天寒菽粟猶棲故日暮牛

羊自入城沾酒獨教陶令醉題詩誰似岐公清更尋陋巷顏

夫子乞取微言繼此聲賀鑄戲馬臺秦蛇已中斷劉項方

龍戰叱咤沮風雲睢盱走靈電鴻溝一畫天地開楚王洗劍

東歸來新都形勝控淮泗龍山絡谷營高臺重瞳登覽何為

古蹟攷

司台余川存志卷第十八

二

八千兵昔日中原幾戰爭追鹿已無秦社稷近雖方歎楚歌
聲英雄事往人何在寂莫臺空草自生回首雲山青臺蠹黃
流依舊迹彭城文天祥九月九日遊戲馬臺黃花弄朝露古
人化飛埃今人哀古人後人復今哀世事那可及淚落萊黃
杯元岑安卿詠戲馬臺彭城負劍河為障南屹崇臺勢雄壯
重瞳奮跡入秦回諸侯攬轡皆東向酒酣感馬升崔巍髮翻
鬣振雲烟開倚鞭四顧示無敵指揮貔虎心雄哉黃金間行
亞父去帳下茫然失謀主楚歌聲合貴重圍昔日名騅空故
步千餘年積恨氣未消繞臺泗水撞飛濤林彥華戲馬臺詩
蛇隨斷飛赤龍長驅疾足平關中鴻門玉碎亞父死彭城
氣隨飄風沐猴御尊真成戲調服羣鴛棄天驥一騅豈解踏
九州事去空歌時不利宋公不復登此邱弔古有客悲黃樓
明方孝儒詠戲馬臺蓋世英雄酒一杯悲歌只使後人哀生
平費盡屠龍技今日空留戲馬臺曾榮詠戲馬臺繞隄春樹
翠重項羽遺都舊蹤城外高臺空戲馬戲馬戲馬戲馬戲馬
龍英散晚州濃薛瑄戲馬臺八千兵渡大江來戲馬戲馬戲馬
雅哉何事烏江雖不逝高臺翻使故人哀馬戲馬戲馬戲馬
壯哉臨泗水沐猴戲馬無面復江東霸圖已逐寒烟滅故壘空
有臺紅習禮戲馬獨攜一樽酒西楚登高臺昔人陳跡
夕照對酒欲飲仍停杯憶昨重瞳起西楚登高臺昔人陳跡
今寂冥對酒欲飲仍停杯憶昨重瞳起西楚登高臺昔人陳跡
步軍門劍舞失眞王咸陽一炬成焦土鴻溝向用東西盟

命失道趨陰陵艾旗斬將竟何勇愛姬恨血千年青可憐明
月長如素曾向當時照歌舞年年九月西風來秋草黃花舊
時路孤城聞笛去不回臺下行人類往來登臨不盡萬古意
落日孤城聞笛去不回臺下行人類往來登臨不盡萬古意
諸山怯齊魯只有彭城氣不降盤踞山河待西楚重瞳眞是
奇男子暗啞叱咤江東起橫行中原助沛公祖龍變爲白蛇
死鴻門不肯魚肉人轉眼刀俎及已身假使當年成王業豁
達大度甯非仁英雄無命終難濟寄奴等閒亦稱帝莫言豎
子不足爲天亡我非戰之罪日暮停鞭感廢典青燐白日肯幾
層層誰將垓下虞姬淚戲馬臺前哭范增徐淵凝九日宋公
戲馬臺飲饒九秋何清肅大化收元工寒露泣菊圃回風搖
蕙叢入夜欣沈鱗薄背歎冥鴻彼美懷故山聖心夙所崇登
臺雜賓從張樂宴晴空河光匹練白楓葉四山紅幽巖叢桂
樹高嶺落梧桐撫時心悄悄感舊思仲洗竿爵無算升歌
樂有終分手望浮雲靄靄大東袁枚戲馬臺弔宋武帝自
披衲襖博千場萬馬登臺劍有光一逐水仙歸大海三擒天
子出咸陽白紗帽急金甌小野葛燈懸玉
獨忙可惜雄心當暮齒關中父老易沾裳

東巡臺

三國志魏文帝紀黃初六年八月帝遂以舟師自譙循渦入

古蹟攷

司台余制好志卷第十八

三

淮從陸道幸徐九月築東巡臺

利國監

在州北少東九十里史記平準書桑宏羊請天下郡國置鹽
鍊官漢書地理志彭城沛縣下邳有鍊官唐書地理志有秋
邱治宋史地理志置利國監主鍊官寰宇記監本秋邱治務
也今置利國監於此又寶豐監在府治東宋史地理志元豐
二年置鑄銅錢八年廢

西楚故宮

在府治舊志引蘇軾答范純甫詩重瞳遺蹟已塵埃惟有黃
樓臨泗水自註云郡有廳事俗謂之霸王廳相傳不可坐僕
拆之以蓋黃樓

清東學館

蕭寶夤築見虛績傳今無攷

大彭館

在城西南唐時郵傳所經亦為迎餞之地以古大彭國為名
唐書崔彥曾傳咸通九年龐勛作亂殺觀察使崔彥曾於大
彭館舊唐書時溥傳軍人大呼推溥為畱後送支詳於大彭
館即此

任山館

唐書崔融附傳彥曾命都虞侯元密伏甲任山館擊賊互見山川

山

毬場後圃

古蹟攷

太平寰宇記在徐州城角韓退之為張僕射節度推官屢以

擊毬為諫唐韓愈沐泗交流贈張僕射沐泗交流郡城角築

旗新秋朝涼未見日早結束來何為分曹決勝約前定百

馬攢蹄近相映毬驚杖奮合且離紅牛纓緩黃金羈側身轉

臂著馬腹霹靂應手神珠馳超遙散漫兩閒暇揮霍紛紜爭

變化發難得巧意氣龕謹聲四合壯士呼此誠習戰非為劇

不可得安坐行良圖當今忠臣

彭祖樓

水經注彭城東北角起層樓於其上號曰彭祖樓寰宇記魏

神龜二年刺史元延明移彭祖廟於子城東北樓下俗呼樓

為彭祖樓明一統志舊有石刻彭祖樓三字久毀順治間淮

徐道項錫允移建南城與井宅相離失古意矣唐盧綸賦得

德宗歸徐州幕四戶八窗明玲瓏逼上清外欄黃鶴下中柱

紫芝芝生每帶雲霞色時聞簫管聲望君兼有月幢蓋儼層城

鮮無題彭祖樓新晴天狀濕潤徐國難聲上下洪極目澄

謝公誰致此樓潛惠可憐風身妨潦倒師彭祖妓擁登臨媿

我萬家殘照在河東

燕子樓

明一統志在徐州城西北隅事見關盼盼傳南畿志在州解

中嘉靖舊州志謂在張尚書舊第中俗傳城西北角樓恐非

是唐關盼盼燕樓三首樓上殘燈伴曉霜獨眠人起合歡

燕樓中思悄然自埋劍履歌塵絕紅袖香銷十一年適看

鴻雁岳陽回又覩元禽逼社來瑤瑟玉簫無意緒任從珠網

任從灰白居易和關盼盼詩三首徐州故張尚書有愛妓曰

盼盼善歌舞雅多風態予為校書郎時遊徐泗問張尚書宴

子酒酣出盼盼以佐飲歡甚子因贈詩云醉嬌勝不得風嬌

壯丹花盡歡而去爾後絕不相聞迨茲僅一紀矣昨日司勳

員外郎張仲素續之訪子因吟新詩有燕子樓三首詞甚婉

麗詰其由為盼盼作也續之從事武甯軍累年頗知盼盼始

末云尚書既沒歸葬東洛而彭城有張氏舊第第中有小樓

古蹟攷

司台余州府志卷第八

四

尚在于愛績之新詠感彭城舊遊因同其題作三絕句滿簾
明月滿樓霜被冷燈殘拂却床燕樓中霜月夜秋來只為
曲疊在空箱羅衫色似烟幾回欲著即潛然自從不舞霓裳
說白楊堪作柱爭教紅粉不成灰宋蘇軾嘗到尚書墓上來見
盼佳人在空鎖樓中燕古今如夢何曾夢覺但有舊燕子樓
空異時對南樓夜景為徐浩嘆陳師道燕樓詩綠暗連村
柳紅明委地霞畫梁初著燕廢沼已鳴蛙鷗沒輕春水舟橫
著淺沙相逢千歲語猶說後庭花陳薦敬燕樓詩射新
孤兔遊兒猶住水邊樓風清玉簾慵欹枕好珠簾懶上
鈎殘夢覺來滄海闊新詩吟罷紫蘭秋樂天才思如春雨斷
送殘花一夕休元陳孚燕樓詩長相思久別離東風不暖
殘燕支乳鴉困柔鸞悲櫻桃泣紅賦靡蕪綠滋牙牀琥珀
枕夢君不知劉炳燕樓詩紅賦靡蕪綠滋牙牀琥珀
金索翠眉香裏宿鴛鴦春風人問無此樂杏梁塵暗帶黃
黛鎖眉峰掩畫樓燈殘去不歸樓中寂寞減容輝合歡枕冷
長在織錦機寒恨永違青鏡自嗟鸞獨舞畫梁無復燕雙飛
只今艷骨成塵土空有行人弔落暉何喬新詠燕子樓彭飛
城下汴水流弔江皋訪燕樓畫簷綉杏何許但見
掠水雙燕愁憶昔南陽張僕別文武兼資擅聲價集旛龍

蒞名藩赫奕威聲振東夏貞心妙質關家姬妾容冠世兼能
詩明珠貫得侍尊俎擊毬張宴常相隨山房邃閣歡未足豈
料清歌成慟哭從茲但詠柏舟詩不唱秋娘金縷曲十載樓
中只獨眠霜晨月下淚涓涓却嗟老大滄陽婦忍抱琵琶過
別船徐渭燕樓子樓下春後惟枝在燕子樓空苦恨生昨淚
幾行因擁髻當年一顧水傾城分爲翡翠籠俱老訝道泉臺
伴不成猶幸分香臺上妾更無一個哭西陵國朝張彥聖燕
子樓懷古人去臺空燕不回淒涼滿地碧生苔羅裙石色添
新恨翠幙花風起舊哀香夢總隨雲影盡芳魂常
共雨聲來傷心司馬今何在鶯蝶無須亂自猜

鮮碧堂

舊五代史湘陰公贊傳有鳥翔集鮮碧堂按贊為徐州節度
時使院即今府署

黃樓

明一統志在州城東北隅宋蘇軾為守時增築徐城以捍水
作樓堊以黃土曰土實勝水嘗與客游其上嘉靖志俗傳謂

古蹟攷

同治徐州府志卷第八上

左

卽城東角樓蓋非故處矣本朝屢圯屢葺最後同治十一年

徐海道吳世熊重修宋蘇轍黃樓賦熙甯十年秋七月乙丑

至使民具畚鍤畜土石積芻茭完室隙穴以爲水備故水未

而民不恐自戊戌至九月戊辰水及城下者二丈八尺塞東

西北門水皆自城際出雨晝夜不止子瞻衣褻履屨廬於城

上調急夫發禁卒以從事令民無得竊出避水以身率之與

城存亡故水大至而民不潰方水之淫也汗漫千餘里漂廬

舍敗塚墓老弱蔽川而下壯者狂走無所得食槁死於邱廬

林木之上子瞻使習水者浮舟楫載餽餌以濟之得脫者無

數水既涸消朝廷方塞澶淵未暇及徐子瞻曰澶淵誠塞徐

則無害塞不塞天也不可使徐人重被其患乃請增築徐城

而民益親於是卽城之東門爲大樓焉至以病徐也故水旣去

水徐人相勸成之轍方從事於宋登黃樓覽觀山川弔水之勝

遺迹乃作黃樓之賦其辭曰子瞻與容遊於黃樓之上客仰

而望俯爲嘆曰噫嘻殆哉在漢元光河決瓠子騰蹙鉅野行

盜淮泗梁楚受害二十餘歲在漢元光河決瓠子騰蹙鉅野行

魚鼈郡縣無所天子封祀泰山徇佯東方哀民之無辜流死

不藏使公卿負薪以塞宣房瓠子之歌至今傷之嗟唯此邦

吾願千載河東傾而南洩蹈漢世之遺害包原濕而爲一鏡

水迴泮而不進環孤城而爲海舞魚龍於隍壑閱帆檣於睥

曉方飄風之迅發震輶鼓之驚駭誠蟻穴之不救分間閭之

橫潰幸冬日之旣迫水泉縮以自退棲流枿於喬木遺枯蚌

於水裔聽澶淵之奏功非天意吾誰賴今我與公冠冕裳衣

設凡布筵斗酒相屬飲酣樂作開口而笑夫豈偶然也哉子

瞻曰今夫安於樂者未知樂之爲樂也必涉於害者而後知

之吾嘗與子憑茲樓而四顧覽天宇之弘大繚青山以爲城

古蹟攷
司台余川守志卷第十八上
夫

昔之居此者乎前則項籍劉備後則光弼建封戰馬成羣猛
士如林振臂長嘯風動雲興朱閣青樓舞女歌童勢窮力竭
化爲虛空山高水深草生故墟蓋將問其遺老既以變而
無餘矣故吾將與子弔古人之既逝問河決於疇昔以傾
月墜携扶而酒出於秦觀黃樓賦太史蘇公守彭城之明年
治河決之變民以土而生又因修繕其城作黃樓於東門之
以爲水受制於土而黃樓之環瑋故取名焉樓成使客高郵
秦觀賦之其辭曰惟黃樓之環瑋故取名焉樓成使客高郵
斥丹雘而御雲氣而取法於中央列千嶺而環峙今交二水
而奔騰而陵奮其攫擊以遺公兮慰其平日之憂勤繫大河之
初決兮狂流漫而藉天作以遺公兮慰其平日之憂勤繫大河之
罔出而侮人兮崎嶇過而垂旌微精誠之所羨慮異日之復
不倫朝夕以味遠兮固前識之所羨慮異日之復
壓之以茲樓時不可復得兮姑從容而浮遊儻登臨之信
美以爲待兮笑言樂而忘時發哀彈與豪吹兮飛鳥起而參
差振所思之遲暮兮綴明月而成詞噫變故之相識今適傳
馬之更馳元之自詒將苦逸之有數兮疇而遊嬉豈造物之
今惟元之自詒將苦逸之有數兮疇而遊嬉豈造物之

古蹟攷

同治後州志卷第一

七

之知其故今緬險夷而皆宜視蛟龍之過前今暫不介乎心
思正余寇之崔嵬兮服余佩之焜煌從公於樓兮聊徘徊以
徜徉陳師道黃樓銘熙甯十年京東路安撫官臣某稽首言
河決澶州南傾淮泗彭城當其衝夾以連山坻以呂梁流泄
不時盈溢千里平地水深丈餘下顧城中井出脈發東薄兩
隅西入通瀕南壤水垣土惡不支百有餘日而後已守臣蘇
軾念惟流亡爲天子憂夙夜不怠以勞其人與發戍兵固弊
應卒外爲長捷乘高如虹以殺其怒內爲大堤附城如環以
持其潰築二坊於南門之外以適南山以安危疑發倉庾明
勸禁以惠困窮以督盜賊宣布恩澤巡行內外吏民嚮化興
於事功法施四邑誠格百神可謂有功矣宜有褒嘉以揚郡
縣十月二日甲子奏京師明年元豐正月甲子制誥諭意臣
軾惟念祗承謨訓人神協力同敢曰爲功以速大戾而明揚
獎無以報稱乃作黃樓於東門具刻明詔以承天休而百姓
外使諸侯陳師道爲之銘臣甫道伏惟呂尚南仲內撫百姓
人以盡其才君之明也臣能報其功也幸甚也臣道又惟感而
各盡其道以行而化之者德也制法明教之者道也治人成
功者道也昔之詩人歌其政事則弁其道而傳之聲名而
播之盡道云爾臣不佞昧死上黃樓銘其詞曰皇治惟戒修
臣之盡道云爾臣不佞昧死上黃樓銘其詞曰皇治惟戒修

明法度協和陰陽十有一年天災時行河失其防齊魯梁楚
千里四達潰亂散亡皇仁隱憂臨道信臣以惠東方羸老不
窮安慰撫養發散積倉流人如歸居人忘危完聚靡傷天敘
地平明聖成能人神效無荒皇功不居歸休臣民邇遠揚
縣祇畏允迪聖護終事無荒皇功不居歸休臣民邇遠揚
守臣拜手夸原大休嘉使民不忘改作黃樓以臨泗上德修
常庶民無佞原始要終銘之石章以告成功以揚德聲永
無疆國朝吳者德重修黃樓記徐州地濱大河易被水患宋
蘇文忠公守徐州時河決澶淵所至泛溢及州城下公預為
備當水勢且急公令民勿出身伍夫卒殫計力為防捍城卒
以全夫以公之學術經濟所盡心於民者豈有量哉此固其
一且諸制水之義既平乃增築其城以建樓於城之東聖以
取諸制水之義既平乃增築其城以建樓於城之東聖以
河帥黎襄勤公督河十二所宣房盡瘁歲以安瀾告余承乏
徐州重以襄勤公之將就也乃請於襄勤公撤而新之公
曩績慨然於黃樓之將就也乃請於襄勤公撤而新之公
欣然以爲宜樓舊在東門上至金末猶如舊後乃徙東北
歲久而圯重建於我朝順治戊戌襄河同知相魏公喬
魯再建於康熙壬寅知府東萊姜公焯乾隆甲辰鄉魏公喬
宗純皇帝南巡天章炳燠勒碑樓中前賢遺跡不亦
彰歟自古勝跡之傳皆以人重賢士大夫有足表見於當世

其生平遊轍所止一堂一亭偶然而爲之者雖閱千載人常
求其址於荒烟蔓草間或踵而作焉以存其舊娛覽之地猶
然而况於政績所寄其稱名小而取義大者乎存斯樓以垂
永久尤必有得於公之居心行政也已其是役也工既成
三月告竣擬擬黃樓口號百川反壑五稼登場初成百尺之
樓適及重陽之會高下既休番鍾之勞歲歲年共睹
萊黃之美恭維知府學士民人所恃憂樂以時度餘力而取
義材因備災而成勝事起東郊之壯觀破西楚之浮名賓客
如雲來四方之豪傑鼓鐘殷地疎萬目之觀瞻實與徐民長
爲佳話一新柱石壯嚴圍更值西風落帽辰不用游從誇燕
子直將氣燄壓波神山川尙遠當時國城郭猶飄飄去塵誰
凭闌干賞風月使君畱意在斯民又九日黃樓作去年重陽
不可說南風夜半千瀝發水穿城下作雷鳴泥滿城頭飛雨
滑黃花白酒無人問日暮歸來洗鞵鞵豈知還復有今年把
瓊對花容一呷莫嫌酒薄紅粉靨勝泥中千柄鋤黃樓新
成壁未乾清河已落霜初殺朝來白露如細雨南山不見千
尋刺樓前便作海茫茫樓下空聞櫓鴉軋薄寒中人老可畏
熱酒澆腸氣先壓烟消日出見漁村遠水鱗鱗山鬢鬢詩人
猛士雜龍虎楚舞吳歌亂鵝鴨一杯相屬君勿辭此景何殊
泛清雲又十月十五日觀月黃樓席上次韻中秋天氣未應
殊不用紅紗照坐隅山上白雲橫匹素水中明月卧浮圖未

古蹟攷

司台余川子示卷第廿一

七

成短棹還三峽已約輕舟泛五湖為問登臨好風景明年還
憶使君無又太虛以黃樓賦見寄作詩為謝我在黃樓上欲
作黃樓詩忽得故人書中有黃樓詞黃樓高十丈下建五丈
旂楚山以爲城泗水以爲池我詩無傑句萬景驕莫隨夫子
獨何妙如流脂朱蠟爲摹刻細妙分毫釐佳處未易識當有來
清滑又次韻和劉貢父登黃樓見寄並寄子由二首清派連
淮上黃樓冠海隅此詩尤偉麗夫子計魁梧世俗輕瑚璉巾
箱襲武夫坐令乘傳遠奔走爲儲須邂逅我已失登臨誰與
俱貧貧倉氏粟身聽治家撫會合難前定歸休試後圖映田
未可買窮鬼却須呼二水何年到雙洪不受艦至今清夜夢
飛轡策天吳與子皆去國十年天到一偶數奇逢惡歲計拙集
枯梧好士餘劉表窮交憶灌夫不矜持漢節猶喜攬桓須清
句金絲合高樓雪夜俱吟哦出新意指畫想前撫自寫千言
賦新裁六幅圖傳看一座聳勸著尺書呼莫使騷人怨東游
不到吳蘇轍次韻劉貢父登黃樓懷子瞻二首青山開四面
白水遶三隅野潤時聞籟人閑舊據榻船雷上客遺跡問
田夫無取膝王遠可樵飛濤隱睥睨落日麗浮圖同舍新持
節專城敢遽呼未迎行部駕已放下淮艦試問登消暑如何
楚與吳再和藹藹才名世駭駭日轉瞬一時間接游平昔共
樓梧攬轡真壯士擁旄良文夫塵埃脫縈緇水石慰霜須勝

地來相失清樽未暇俱射餘空見帖鑄罷祇觀樵歸計何常
決徂年貴早圖檻中終爲食講上恥聞呼顧我干羊羸平生
一釣之黃樓樓角不須滿也復試遊吳郭祥正黃樓歌君不見彭
門之黃樓樓角不須滿也復試遊吳郭祥正黃樓歌君不見彭
簾鉤黃河西來駭奔流頃刻十丈平城頭渾濤吞撞怒鯨躍
危堞僅若孟浮斯民囂坐恐化魚鼈刺史當分天子憂
植材築土夜連晝神物借力非人謀河還故道萬家喜非公
何以全吾州公來相機疊巨石屋成因以黃名樓黃樓不獨
排河流壯觀彈壓來諸侯重簷斜飛擊驚電密瓦瑩淨蟠蒼
虬乘險往求寘賓客酒酣詩興橫霜秋沉思漢唐跡陳祖神
節仗仁義中一洗兵甲休朝廷尊郡縣肅彭門子弟長
宗遊長歡遊隨五馬但看紅袖舞華筵不願黃河到樓下水
鑄登黃樓何可甯浮雲更悠悠傷心澤畔客憔悴楚蘭秋胡
東流水流何可甯浮雲更悠悠傷心澤畔客憔悴楚蘭秋胡
謚登黃樓何可甯浮雲更悠悠傷心澤畔客憔悴楚蘭秋胡
欄處廟江湖總繫愁明王禕詠黃樓昔讀黃樓賦頗疑過
鋪張今晨獲登覽始覺詞致長緬懷澶淵決彭城預爲防于
年文章守恩德遺此鄉只今河爲患居人極災傷誰爲任民
社乃復尋故常山川如昔時遊子多慨慷長風城上飛雨
濕我裳摩挲舊碑刻欲去重傍徨何喬新詠黃樓黃河西來
坤軸折濁浪排空天欲裂彭城老稚哀啼自分闔門作魚

古蹟

司台余川符志卷第十八上

亢

龍仁明太守眉山翁誓以隻手障其衝指揮徒旅荷畚葦長
溪隱起如晴虹波恬浪靜民安堵共喜更生歌且舞九重下
詔修褒嘉拯溺禦災非小補飛樓高壓城之東張筵會客何
雍容後山作銘頌瀆賦筆力直與造化爭瓊鬼神遊入表知
何處處得穹碑照今古當年舒李今何如羈鬼啾啾泣烟雨
國朝江廷璠登黃樓城上黃樓覆女牆憑高極眺入蒼茫簷
前山色侵朝重檻外河聲入暮長砥柱功垂名不朽羽衣人
去事難忘萬家烟火平臨處一曲笙歌送夕陽吳錫鯉黃樓
作長洪萬頃接樓前人去樓空六百年白酒黃花幾重九羽
衣明月一神仙憤王何處尋祠廟水伯曾來聽管絃五丈大
旗干柄鋪關心
憂樂是前賢

子亭

唐書崔融附彥曾傳徐有子亭下瀦水為沱彥曾導清河灌
之鐫石龍首注溜蔽以屋徐人謂屋覆龍於文為麗清河崔
望也為吞噬云今失攷

七里亭

唐書時溥傳支詳宿七里亭為陳璠所殺屠其家今失攷

快哉亭

在城東南舊志宋熙甯末李邦直持節徐州即唐薛能陽春
亭故址構建郡守蘇軾名曰快哉後名奎樓俗名拐角樓宋陳師道快哉亭詩城與清江曲泉流亂石間夕陽初隱地暮靄已依山度鳥欲何向奔雲亦自閒登臨興不盡稚子故須還

望拱亭

蘇軾詩刻云僕在彭城大水後登望拱亭偶為此詞已而忘
之其後徐人有誦之者徐思之乃知其為僕詩也宋蘇軾登望拱亭詩
河漲西來失舊磯孤城渾在水光中
忽然歸壑無尋處千里禾麻一半空

放鶴亭

在雲龍山上宋雲龍山人張天驥建屢圯屢葺又有來鶴亭

古蹟攷

司台徐州府志卷第十八上

年

在子房山明霍維華建今廢
 宋蘇軾放鶴亭記熙甯十年秋
 堂水及其半屏明年春水落遷於故居之東山張君之麓升高
 而望得異境焉作亭於其上彭城之山岡嶺四合隱然如大
 環獨缺其西一面而山之亭適當其缺春夏之交草木際
 天秋冬雪月千里一色風雨晦明之間俯仰百變山人有二
 鶴甚馴而善飛旦則望西山之缺而放焉縱其所或立於
 陂田或翔於雲表暮則望東山之缺而歸故名之曰放鶴亭郡守
 蘇軾時從賓客僚吏往見山人飲酒於斯亭而樂之揖山人
 而告之曰子知隱居之樂乎雖南面之君未可與易也易曰
 鳴鶴在陰其子和之詩曰鶴鳴于九臯聲聞于天蓋其為物
 清遠閑放超然於塵埃之外故易詩人以比賢人君子隱德
 之士狎而玩之直若有益而無損者然衛懿公好鶴則亡其
 國周公作誥誥衛武公作抑戒以爲荒惑敗亂無若酒者而
 劉伶阮籍之徒以此全其真而名後世嗟夫南面之君雖清
 遠閑放如鶴者猶不得好之則亡其國而山林遁世之士
 雖荒惑敗亂如酒者猶不能爲害而况於鶴乎由是觀之其
 爲樂未可以同日語也西山人忻然笑曰有是哉乃作放鶴
 招鶴之歌曰鶴飛去兮西山之缺然高翔而下覽兮擇所適
 然歛翼婉將集兮忽何所見矯然而復擊獨終日於澗谷之
 間兮啄蒼苔而鼓琴躬耕而食兮其餘以汝飽歸來歸來兮
 冠草履葛衣而鼓琴躬耕而食兮其餘以汝飽歸來歸來兮

西山不可以久置元豐元年十一月朔八日記明董昌重
 修雲龍山放鶴亭記按史記秦始皇遊歷王氣漢祖心自
 疑避匿山中呂后軻得之曰季所居有雲龍山其得名當以此山
 子斬白帝子蓋龍德也彭城之有雲龍山其得名當以此山
 有放鶴亭隱君子張天驥故居蘇子瞻所爲作記者雖至今
 不廢然荒祀久矣高邑潛頴張大夫以分倉庾至數登其
 巔弔古懷賢將撤而新之念徐方震鄰重以微水時詘舉窳
 疇躅四顧節縮俸入度材採石徒庸工作之直取之宮中公
 帑不煩民壯觀矣落成之後余適以事還朝大夫就山登
 而觴之曰吾聞傳舍何常忽則易人茲山於我何有哉第侯
 高能賦大夫之事也周爰咨詢則使臣之職也職也民之失德乾侯
 以愆我有旨酒嘉賓式燕地主之禮也堂成而三善舉焉非
 直奇情吏隱之間而已不可以無記余惟子瞻而三善舉焉非
 謂國君之寵鶴不若山人之積乃倉之糧曾孫如京如砥之粟以
 論也使衛公有公劉乃積乃倉之糧曾孫如京如砥之粟以
 此進戰孰能勝之而鶴之積乃倉之糧曾孫如京如砥之粟以
 羽嘗自王其地矣羽起徒步摧強秦鉅鹿之戰威名豈出淮
 陰下而終以不振蓋高祖有鄴侯能輓關中粟以濟軍興之
 命而羽爲漢軍絕餉道故其強易弱耳今天子懲鄒滕之役
 一洗脂膏之陋庶幾士飽馬騰以伐萌於不戰是桓文之烈

古蹟攷

同治徐州府志卷第一

三

也衛誌云乎哉山三面距水瀾漫無際壹似西湖之孤山孤
山林君復放鶴處也子瞻習於西湖者乃萃蒼悲壯之區恍
然激灑空濛之致而靚面若忘不為拈出何耶豈陵谷之變
昔與今殊將山川之靈待時而顯耶黃魯直以飛仙目子瞻
儻其化鶴復還不但歌城郭之是而已大夫以爲何如大夫
名璇高邑人宋蘇軾放鶴亭送蜀人張師厚赴殿試詩二首
雲龍山下試春衣放鶴亭前送落暉一色杏花三十里新郎
君去馬如飛忘歸不覺鬢毛斑好事鄉人尚往還斷嶺不遮
西望眼送君直過楚王山元虞集放鶴亭山人不受北山移
春雨開田種紫芝昨日華陽真逸到借令過海問安期明屠
隆彭城江陵君仲父邀登放鶴亭彭城刺史龍爲友文章所
地劈天手提招搖弄北斗鴻蒙元氣日告罷羲和六龍在
人間岳瀆風雨輓輓隨公走鴻蒙元氣日告罷羲和六龍在
公後竭來高卧黃茅岡賦詩載酒傾秋缸彩臺十丈五丁巨
靈不敢扛斷岡裂石作亭子勁風瀟瀟開八窗長河烟銷落
日紫鐵蓬乍起魚龍撞呼來碧海月千頃目送青天鶴一雙
自公神遊去冥極雲壇芝蓋無消息亭今兀兀吞寒烟鶴亦
茫茫隨空碧霜花不蝕蒼崖碑知是山靈護真蹟時移代謝
浩劫灰我與使君今復來一日蘇軾棄我去千秋華表令人
哀有酒空教亭下吐春風又綠巖前苔山崔嵬水潔洞弔古
亭放鶴亭仍在山曲斜陽送一杯與君爛醉白雲堆余捷放鶴
亭放鶴亭仍在山曲斜陽送一杯與君爛醉白雲堆余捷放鶴

自飛躍帆檣候往來登臨重懷古萬壑共興哀張垣登放鶴
亭次霍司馬韻絕巖孤亭試此攀蒼茫天地有餘閒鶴跡已
去雲猶在龍氣雖絕巖孤亭試此攀蒼茫天地有餘閒鶴跡已
圖間登高倍切伊人思何日乘風遠關國朝魏喬介放鶴
亭雲龍山下茅亭趾天外修翎何處來一水勢從西極下千
帆遙指海門開斷蛇事業餘荒草戲馬悲歌空古臺却憶當
年蘇太守清風琴鶴其徘徊尹繼善登雲龍山放鶴亭二首
鶴去空亭在何須問假真登臨多勝境領畧少閒人石壁橫
懸榻佛山半露身坡公遺跡下歲歲柳條新雲龍山寺日落
里望中收野水消桃汛田家遍麥秋花迎山半寺日落郡西
樓未盡躋攀興偷閒擬再遊谷應泰張坦公先生放鶴亭招
飲春風楊柳盡垂絲湖海飄零對酒后忽憶彭城今夜雨滿
庭芳草鶴歸遲解元秋夜登雲龍山放鶴亭當年放鶴人何
處月滿空庭此日名亂石崎嶇南北路黃河襟帶古今情千
家燈火連徐市九里烟雲接漢營回首林泉霜色動山草
樹盡秋聲蘇峭放鶴亭雲龍邱壑全非昔亭子依然倚碧坡
太守豐碑埋蔓草山人茶竈冷巖阿馬嘶客路登臨少
鶴入秋空歲月多爲問西湖林處士一般風景興如何

黃茅岡

在雲龍山

宋蘇軾詩醉中走上黃茆岡滿岡亂石如羣羊岡
頭醉倒石作牀仰看白雲茫茫歌聲落谷秋風

古蹟攷

同治徐州府志卷第十八

長路人舉首東南望拍手大笑使君狂明伍餘福黃菊圃何
 哉坡老酷好奇亂茆不翦岡纍纍揮毫石上破千古山光樹
 色蟠蛟螭我今弔古問坡老紫芝孰與黃茅好霸圖王業空
 戰場白鶴飛去烏騅亡惟有山容插霄漢九里不關河流長
 柳炎黃茅岡黃茅岡負彭城郭遠引林巒散村落登登石磴
 近人紆漠漠嵐光向日薄背巖細草滿平坡出洞開雲度孤
 壑爛然醉我東風前摩挲石壁誰能鑄疎才自笑有狂興苦
 無佳句如坡仙國朝劉廷璣黃茅岡滿邱亂石亦不平一醉
 坡仙即著名慚愧宦遊經幾處簿書堆裏送浮生蔣佩黃茅
 岡晚眺踏破空山色亭開望欲迷水村秋草路人影夕陽隄
 遠浦孤帆盡荒城暮靄低一天憑眺與都在大河西徐用錫
 黃茅岡石詩黃茅岡上羊躑躅三百羣天人在大西徐用錫
 烟雲初平叱不起子卿牧難馴風流五百人揮彩筆磊塊吟
 壇與酒社沾漑到今人刻之竟無血一朝失嗔岫丹壘美輪
 與紫翠亡精神蕭條空石床詩史訝云云草埋亭鶴骨月冷
 石狗魂孰謂其名在不與形似倫本無角獸識只是口津津
 孔氏雷籛牲其禮曰千鈞一卷曷足貴昔賢咳唾存倉卒柳
 州柳野火相與焚鹵莽召南棠收兒摧為薪役夫豈所責吾
 黨須諍論我歌非此悼時世輕先民

萃墨亭

在城東南百步洪洲上明成化中主事尹珍於洪東崖石間
 得石刻一蓋軾守徐時筆也因建亭洲上名曰蘇墨陷石壁
 間又於亭旁建清風堂正德末亭壞主事李香築臺重建更
 今名自為記又有追勝亭在蘇墨亭旁亦尹珍建躡雲亭在

舊學宮內主事吳嶽建今俱廢

明鄒守益萃墨亭記昔蘇文忠公惜山人張天驥詩僧道

潛乘月遊百步洪紀十六字于石成化庚子督洪主事尹君
 廷用獲之水中作亭於洪之洲以覆之名曰蘇墨旁建清風
 堂追勝亭士君子各賦而記之比年河決豐沛徐多水患亭
 悉圯正德已卯陸君德如葺之比復圯嘉靖二年李君汝蘭
 輦石築基復作亭其上置蘇墨及諸碑刻賦咏名之曰萃墨
 子將之廣汝蘭以記請嗚呼十六字之存毀於東坡何加損
 而諸君倦倦收拾壘然戚其淪沒者豈繁重其墨將重其人
 也文忠公天才駿逸而記問浩博有傲睨一代凌厲萬類之
 氣舉寵利窘困不足以縛之故立朝守官侃侃自立而野叟
 緇流江風山月無往而非超然之境世之愛仰之者如朱鳥
 黃鶴冥不可睹雖其殘翮零羽猶將珍而藏之彼冒利怙權
 以擠公者不啻梟獍之聲聞而惡之矣凡登斯亭撫斯墨者

古蹟攷

司台余州守志卷之六

三

其揚然尚友于公正直自持勿隨人頰仰以日進于高明庶
後之愛仰之者亦將復如公也汝蘭才充而年富沛然有願
學之志因貽此以勉之並以諭後之督洪事及四方之來遊
者明夏言百步洪萃墨亭彭城城邊秋繫舸黃河漲發波濤
大隔水遙看水部衙有亭岌巖山之左我聞此亭新落成築
臺累石見高情百年麗藻星辰聚千秋遺墨烟雲生憶昔坡
翁守茲土月中之遊誰與伍張老還攜鐵篋歌潛公自袒袞
裳舞一時清興真可憐片石題名今宛然那知埋沒黃塵下
復得摩挲碧檻前古人踪跡今不朽文章照耀看身後昭代
諸公盡才彥西涯東白俱山斗登臨嘯咏古今同人代推遷
感慨中悠悠白日浮雲外杳杳波砥柱東亭中我是初來
客臨風重灑淋漓墨芒碭山前木葉飛滿天鴻雁悲秋色呂
梁白浪高崔嵬盤渦轉石鳴萬雷天關撼折地軸動吁嗟氣
勢何雄哉北風蕭蕭卷江水落日吳帆下千里夏子高歌爲
誰起作亭主人豫章李季東陽徐州洪蘇墨亭書坡老石刻
我昔彭城初泊舟岸行百步觀洪流手披荒蕪看古石上有
坡翁舊時刻沙衝水齧四百年字畫半滅風神全我行見此
三歎息此物乃在風塵間冬曹尹君真好事自掃巖巖作蒼
翠山靈助喜河伯愁白日驪珠照平地孤亭素壁高巖巖登
堂見子如見翁山人在前僧在後尚憶扁舟遊月中崖端刻
頌唐宗業水底沉碑杜預功直將談笑爲故事似與百戰爭
英雄高才直節古今少片石價比千金同出與不幾見

觀道亭

况我異世懷高蹤懋若一榻數千本偏使西海揚清風何喬
新咏蘇墨亭都水主事山陽尹君治徐州洪得蘇文忠公題
名于亂石中其文曰郡守蘇軾山人張天驥詩僧道潛月中
遊君洗滌汗垢識爲坡書昇置其視事之所作亭以覆之翰
林學士徐先生題其亭曰蘇墨過而覽者咸有賦咏焉噫君
之於文忠公之遺墨寶愛之如此則於公之平生風節所向
慕者深矣彭城太守眉山翁雄詞勁節人中龍叩閣連疏詆
新法一麾來此綏疲癯雲龍山人亦超絕每遇仙禽遡天末
詩僧况復有參寥恥與貫休較工拙長空月白玉宇秋扁舟
載月汎邊游塵襟蕩滌殆欲盡便疑身世在瀛洲瓊樓貝闕
涼如洗月華倒懸金尊裏酒酣俯視塵中人囊盃醢雞飛復
止醉磨山骨題姓名金戈寶劍何稜稜不知埋歿幾百載夜
深尚有虹光騰多才水部偏好古得此方珉硤上土削苔滌
垢識坡書寶愛不啻波陽鼓芳亭彩檻深且崇壯夫昇來置
其中細觀頓覺心神肅姿媚豈與黃庭同吳興墨妙委芳
草學士新題名更好千年化鶴倘來歸再與摘詞美萃老

舊志在呂梁洪塔山巔上有先聖石刻像明嘉靖時主事張
鏗建亦名川上書院列子孔子觀乎呂梁或謂卽子在川上

古蹟攷

同治後州府志卷第一

七

處國朝邵大業重修塔山觀道亭記呂梁山稍南曰塔山有
嘉靖工部員外郎孔氏墳張鏗分司洪上時所建久就圯由
山而南至河濱則有故宮三楹亦奉孔子石刻像二楹壁頽
然每夏秋水漲輒沒於驚濤齧浪之中志不載與建之由而
稱呂梁舊有城意者廟隨城立城壞而廟與俱廢歟乾隆丙
戌余過其地登山臨河怒焉傷之越丁亥孔氏六十八代孫
傳洙巡檢茲地因與謀所以新之者傳洙曰亭未盡圯也請
還其舊奉司寇像而撤廢宮之材建堂於亭後奉石刻像一
其易訖其可乎余曰可哉於是傳洙踴躍興事而縣令施君
恩祖與一時紳士慕道者釀金鳩工欣然樂從不兩月有堂
巍然有亭翼然石垣塔兒靡不具舉三石像咸得所位置余
率僚屬仰瞻俯拜而高望而遠思肅如穆如也竊維聖迹所
廟自郡縣建立外例不得私祀而勒像尤非制也顧聖迹所
到後世榮之往來張皇其事如石門懋下問津請見諸勝迹
鑄像立石所在都有論者謂其希心聖賢不悖於道塔山近
呂梁舊說莊子所稱觀水曰洪事即茲地而附之者謂羅川
之歎發於此是不為無稽矣彭城自漢唐宋以來名勝羅川
如歌風戲馬之臺雲夢舞陽之城逍遙秀楚之堂陽春放鶴
弔古之徒遊其地者亦無不循文考跡形諸志乘而名公碩
甫

如恨不及見者知夫尼山之所經道脈之所存其倍徒什百
於前所稱者不待知者辨也顧忍聽其汨沒於荒烟蔓草中
哉且茲故閔子張之鄉也其於聖門為尤近而風俗好尚
近義知恥昔人謂類於齊魯其於茲亭不更有繫歟傳洙請
伐石紀其事乃為著其興廢本末而並發其
義以見此役之非徒為好古而已是為記
銅山志又有觀
瀾亭在洪之東澣狀元亭在大觀堂北聚益亭在大觀堂東

逍遙堂

在府治後蘇軾與弟轍嘗宿此各有詩宋蘇軾和弟詩并序

會宿於逍遙堂作兩絕句讀之殆不可為懷因和其詩以自
解余觀子由少曠達天資近道又得至人養生長年之訣
而余亦竊聞其一以二為今者宦游相別之日淺而異時退
休相從之日長既以自解且以慰子由云別期漸近不堪聞
風雨蕭蕭已斷魂猶勝相逢不相識形容變盡語音存但令
朱雀長金花此別還同一轉車五百年間誰復在會看銅狄
兩咨嗟蘇轍逍遙堂會宿詩并序轍幼從子瞻兄讀書未嘗
一日相舍蘇轍壯將宦遊四方讀帝蘇州詩有云那知風雨夜
復此對床眠惻然感之乃相約早退為閒居之樂故子瞻始
為鳳翔幕官留詩與轍日夜雨何時聽蕭瑟其後子瞻遷守
古蹟攷

餘杭復移守膠西而輟流滯於睢陽濟南不見者七年熙甯
十年二月始復會於瀘濮之間相從彭城畱百餘日時宿於
道遙堂追感前約作小詩二首道遙堂後千尋木長送中宵
風雨聲誤喜對床尋舊約不知飄泊在彭城秋來東閣涼如
水客去山公醉似泥困臥北窗呼不起風吹松竹兩淒淒國
朝卻大業道遙堂詩并序彭城郡署道遙堂有蘇公舊額今
無存矣余思復之而難其書詩人童二樹言於越中故相家
見道遙樓三字為魯公書乃屬樞之而別取晦翁明倫之揭
補堂字額成神采煥然用以光還舊物其庶乎作長歌紀其
事用諸廣文玉森韻坡公遺翰渺無有法物一去繼誰某後
賢安擬筆如椽譬若銀瓶易瓦甌魯公舊揭道遙樓越相珍
之播人口童君為我楷模來孰補堂字晦翁叟人豪天挺三
百年事業文章各可久集蓉為裳腋為裘寶器應煩巨靈守
高懸廳事爭先窺兀與黃橫關丹騎猗維我公非常人經濟
宏深托杯酒高談雄辨落星辰渺慮沉思察箕帚濟
河倒流誰尾曉者拮据手芒鞋竹杖樓城闌軍門一呼汗且
走大難削平百廢興半尺詩囊懸在肘先憂憂民後民樂遠
懷周曠良非偶賤子服政蚊負山摺拄皇皇擊左右戴星出
入不敢康常恐迂疎負升斗仰窺鴻鵠飛詎以非倫誇
向友喜當 聖朝勤求瘼親入窮簷網戶牖祛除毒龜植
桑麻百萬霜顏變黎首循陔度陌多恬熙歲稔時和感高厚
遭逢極盛得委蛇竊與邦人同樂壽雲龍白尺高巍巍千頃

黃流東圃阜道遙堂上歌
道遙勝跡甯同草木朽

秀楚堂

舊志在州治內明一統志宋元祐中知州孫覺建自記云廣
陋適中侈儉合度燕中起居既便且安歲久圯康熙六十年
知州姜焯重建

明善堂

在府治後明一統志宋元祐中知州杜純建久廢康熙十三
年知州孫枝蕃建樓於故址

會墨堂

在呂梁下洪明嘉靖二十三年主事陳洪範建度趙孟頫碑
及諸石刻故名

古蹟攷

懸水村

在呂梁洪蘇軾荅呂梁仲屯田詩亂山合沓圍彭門官居獨
在懸水村自注懸水村呂梁地名

雍門村

寰宇記雍門城在彭城縣東南五十里桓譚新論云雍門周
彈琴見孟嘗君是也州志作雍門村在呂梁洪北又有雙井
村銅山志云在洪之東南泉源出勝雲山東西二井相向井
有鮒旱浚之則雨又有白鶴村在今五鄉地宋嘉祐七年其
地生麵國朝張念祖雍門村詩聲勢方矜養上恩曠車豈念
易黃昏沙盡猿鶴隣同化華屋山邱總斷魂誰把七
弦彈太古能令一曲感王孫雍門
遺響傳千載流水斜陽何處村

彭祖宅

舊志在城西北隅宅有井有石刻彭祖井三字宋陳靖彭祖
觀井圖銘并
序酒化中予將命之狄邱道由彭門有客得彭祖觀井圖以
為賦中有臺人物山林森然蓋狀其佳象幽致表繪事之工
子無取所慕惟彭氏面井而覆之以輪背樹而纜之以繩凭
杖斂躬踟躕而迎視然若將墜也嗚呼古人臨事而懼之
有若是檢身遠害之有若是後之君子得無效歟予實好古
歷考其迹於傳記雖負而難信且夫子云竊比於我老彭亦
其驗也故作銘於座右曰至哉古人遠害全身戰戰兢兢恒
若履冰朽索之馭納隍是慮天子則之鴻休永據有而不怠
係於苞桑諸侯則之其國必昌若舟弗濟夕惕而厲大夫則
之其家孔巖直哉惟清執虛如盈士子則之其道元亨不爭
在醜無愧屋漏庶人則之其食孔阜吾省子行吾慎子守竊
比老彭式介眉壽唐皇甫冉彭祖井上公旌節在徐方舊井
莓苔近寢堂訪古因知彭祖宅得仙何必葛洪鄉清虛不共
春池竟盥漱偏宜夏日長聞道延年如玉液欲將調鼎獻明
光

廉里

水經注龔勝居彭城廉里後世刻石表其里門又云彭城西

古蹟攷

同治徐州府志卷第十八

三

北舊有楚大夫龔勝宅即楚老吳勝處也

思亭

宋徐州甄氏墓室也今不詳所在宋陳師道思亭記甄故徐

授鄉稱善人而家益貧更數十歲不克葬乞貨邑里葬其父
母昆弟凡幾喪邑人憐之多助之者既葬益樹以木作室其
傍而問名於余余以謂目之所視而思從之視干戈則思關
視刀鋸則思懼視廟社則思敬視第宅則思安夫人存好惡
喜懼之心物至而思固其理也今夫升高而望松楸下邱壠
而行墟墓之間荆棘莽然狐兔之迹交道其有不思其親者
乎請名之曰思亭親者人之所不忘也而君子慎之故為墓
於郊而封薄之為廟於家而嘗禘之為衰為忌而悲哀之所
以存其思也其可忘乎雖然夫自親而下至於服盡服盡則
情盡情盡則忘之矣自吾之親而至於忘之者遠故也此亭
之所以作也凡君之子孫登斯亭者其有忘乎因其親以廣
不肖異思後豈不有君曰博哉子之言也吾其庶乎曰未也賢
登其邱墓思發其所藏者平於是蓬然流涕以泣曰未也吾
為君記之使君之子孫誦斯文者視其美以為勸視其
惡以為戒其可免乎君撫涕而謝曰免矣遂為之記

石佛井

在雲龍山興化寺寰宇記井在石佛山頂方一丈二尺深三

里自然液水雖雨旱無增減或云飲之愈疾時有雲氣出其

中去地七百餘尺舊縣志云井在放鶴亭左亦名飲鶴泉今

智又有曾子井在象山楚王井在楚王山南楚元王時鑿

彭城劉氏三里

彭城劉氏同出楚元王後宋武帝時劉氏分為三里以別帝

族左將軍劉懷肅居安上里豫州刺史劉懷武居叢亭里舊

唐書劉子元傳劉知幾論彭城叢亭里諸劉是也宋氏帝族

居綏輿里今蕭縣綏輿山即其地

續上

古蹟攷

同治徐州府志卷第十八

三

漢書韋孟家本彭城後徙於鄒作詩曰夢我瀆上立於王朝應劭曰瀆上孟所居彭城東里名近志謂之孟徙里

石經院

在戲馬臺古臺頭寺

宋蘇軾留題石經院三首葱菴門前路天矯庭中檜枯枝鵲踏消瘦皮纏鶴骨高頂轉龍腰窈窕山頭井潛通伏澗清欲知深幾許聽放鞭轆轤聲

張山人園

在黃茅岡下宋山人張天驥隱居於此今雲龍書院即其地

宋蘇軾過雲龍山人張天驥郊原雨初足風日清且好病守亦欣然肩輿白門道荒田咽恐蝸可掃孤童臥斜日病馬放閉門空雀噪西風高正厲落葉紛可掃孤童臥斜日病馬放秋草墟里通有無垣墻任摧倒君家本冠蓋絲竹開鄰保脫身聲利中道德自濯澡躬耕抱羸疾奉養百歲老詩書膏吻頰菽水媚翁媪飢寒天隨子杞菊自撷采慈孝董邵南雞狗相乳抱吾生如寄耳歸計失不蚤故山豈敢忘但恐迫華皓從君好種秫斗酒時自勞又訪張山人得山中字二首魚龍

隨水落猿鶴喜君還舊隱邱墟外新堂紫翠間野麋馴杖履幽桂出榛菅酒掃門前路山公亦愛山萬木鎖雲龍天雷與戴公路迷山向背人在瀼西東薺麥餘春雪櫻桃落晚風入城都不記歸路醉眠巾又遊張山人園壁間一袖烟蘿子盆裏千枝錦被堆慣與先生為酒伴不嫌刺史亦顏開緘緘入麥黃花亂颯颯催詩白雨來問道君家好井水歸軒乞得滿瓶回又携妓樂遊張山人園大杏金黃小麥熟墜巢乳鵲拳新竹故將俗物惱幽人細馬紅粧滿山谷提壺勸酒意雖重杜鵑催歸聲更速酒闌人散却關門寂思斜陽挂疎木蘇轍過張天驥山人郊居南山人散却關門寂思斜陽挂疎木蘇轍蓬麻騎隣里君年三十八三十有歸意躬耕奉慈親未覺鉏耰鄙讀書北窗竹釀酒南園水松菊半成陰日有幽居喜客來時借問子何年起新求西溪石更築前堂址但令三歲熟此計行亦遂堂成不出門清名滿朝市賀鑄遊雲龍張氏山居雲龍山距彭城郭南三里郡人張天驥聖塗築亭於西麓元豐初郡太守蘇公屢登燕於此亭下畜二鶴因以放鶴名亭復為之記亭下有小屋曰蘇齋壁間榜眉山所留二詩及畫大枯株亦公醉筆也壬戌秋余初至徐張惠然見臨繼相招為山中遊昔聞張逸民卜築雲龍山東望結遐想喜得彭城官一語定襟契宛如平生歡招攜屬山休沐投此蘿薜間女僕候門巷青桂雙翠鬢蘇齋軒戶明餅玎火焚椒寶墨鬼神護清詩冰玉寒森然拱簷霽架石排琅玕東趨放鶴亭磴

古蹟攷

司台余川子示卷第十八

七

道披茅菅指顛百村落炊煙林莽間日脚灑平陸兩山如斷
環淒風振晚葉坐怯衣裘單引領紫霄極飄飄如可干緬懷
眉山公五馬來遊盤酣興走顛筆蒼崖削鑿刊午年仲冬月
雪野雲瀾漫掃石坐舒嘯惠泉烹鳳團當時詫盛集千古陋
達安俯仰迹遂陳斯人久泥蟠我來後千日逸躅何由
攀仰懷勝事往俯遵塵路還山靈能不辱時歎白雲關

雲龍草堂

在雲龍山巔

宋蘇軾題雲龍草堂石馨折為督郵腰懸作山人室殊非濮上音信是泗濱石

恭安齋廬

元郡人彭克溫築臨川吳澄為記

故到城

三衛歐陽璨住徐州南五十里有故到城

玉堂閒話

賞心亭

咸通中丞相李蔚自大梁移鎮淮海泊彭門亂後郡寡勝游

之地一日命於戲馬臺西連玉鈎斜道開瓶池沼構葺亭臺

揮斤既畢號曰賞心栽培花木蓄養四方奇禽異畜芳春幾

旬居人士女得以游觀

桂苑叢談

試劍石

在城南漢高祖廟石高三尺餘中裂如破竹不盡者寸相傳

為高帝試劍石蘇轍有銘又九里山上有磨劍石

明一統志

樊噲磨劍跡

宋蘇轍彭城漢高祖廟試劍石銘并序漢高皇帝廟有石高三尺餘中裂如破竹不盡者寸父

老曰此帝之試劍石也熙甯十年蜀人蘇軾為彭城守弟轍實從入廟觀石而為之銘曰維漢之興三代無有提劍一呼豪傑奔走厥初自試山石為剖夜斷長蛇旦泣神母指麾東西秦項授首斂然三尺一夫之偶大人將之山嶽頽仆用巨物靈不復凡手武庫焚蕩帝命下取巋然斯石不尚有舊

八音石

古蹟攷

在學宮大成殿後

臺頭寺

在戲馬臺寰宇記宋武北征至彭城於臺上置臺頭寺

唐皇甫冉

與張補闕王鍊師自徐方清路同舟南下於臺頭寺雷別趙
員外裴補闕同賦雜題一首朝朝春事晚泛行舟遠淮水
思無窮悠揚烟景中幸將仙子去復與故人同高枕隨流水
輕帆任遠風鐘聲野寺迴草色故城空送別高臺上徘徊共
惆悵懸知白日斜定是猶相望又臺頭寺願上人院古松下
有小松裁毫末新生與纖草不辨重其有凌雲干霄之志與
趙八員外裴十補闕同賦之細草亦全高秋毫乍堪比及至
干霄日何人復居此宋蘇軾臺頭寺雨中送李邦直赴史館
分韻得憶字人字兼寄孫巨源二首霜林日夜為泣紅葉黃花
君歸百憂集清歌窈眇入行雲為不行天為泣紅葉黃花
秋正亂白魚紫蟹君須憶憑君說向鬢將軍衰病相逢應不
識理筆西歸近紫宸太平典冊不緣麟付君此事甯論晉載
我當時舊過秦門外想無干斛米墓中知有百年人看君兩
眼明如鏡休把春秋坐素臣又臺頭寺步月得入字風吹河
漢掃微雲步履中庭月趁人池滄燼香初泛夜離離花影欲
搖春遙如金闕同清景想見鹽車轆轤暗塵回首舊游真足夢

木龍寺

徐之高塚城南有木龍寺二有三層磚塔高丈餘塔側生一

大樹縈繞至塔頂枝幹交橫上平容十餘人坐枝杪四面下

垂如百子帳莫有識此木者僧呼為龍木梁武嘗遣人圖寫

焉西陽雜俎

阿育王寺

水經注或言楚王英所造今廢

白塔寺

魏書釋老志太和十九年四月帝幸徐州白塔寺今廢

古蹟攷

一管華髮岸綸山又臺頭寺送宋希元相從傾蓋只今年送
別南臺便點然入夜更歌金縷曲他時莫忘角弓篇三年不
願東鄰女二頭方求負郭田我欲
歸休君未可茂先方議廟龍泉

卧佛寺

在城北南隅中有卧佛像本古剎明洪武二十七年重建

龍華寺

水經注泗水西有龍華寺是沙門釋法顯遠出西域浮海東還持龍華圖首創此制法流中夏自法顯始也其所持天基二石仍在南陸東基堪中其石尙光潔可愛案寺當在城北今失攷

開元寺二

銅山縣志在城南里許中有鐵佛像亦名鐵佛寺明洪武三十年重建一在一鄉三圖金大定二十七年建

興化寺

在雲龍山陽明建文五年建有石琢佛像俗名石佛寺明萬曆佛寺紺閣生涼夜請天石壁分筵籟野氣燈火亂星文山迴餘清籟松長引故人遺踪何可弔紅樹雜秋雲

洪福寺

銅山縣志在城北明正統時修建嘉慶七年移建於大隄寺

五級寺

在城東北齊時建又有寶峯寺一名寶峯院古建現在東平山律住寺在鄭家集古建

洪洲寺

舊州志百步洪西又有一小洲名砥洪臺上有洪洲寺今湮

開化寺

在城東門外舊名興化寺康熙間副總兵惠占春重建改名

古蹟攷

又有神仙寺興佛寺壽聖寺並在府治東龍興教寺華嚴寺並府治北土山寺在黃河東岸寶光寺在府治東南興國寺福應寺並府治西北青龍寺在府治西以上十寺多廢

延福寺

今無攷唐儲嗣宗晚眺徐州延福寺杉風振旅塵晚景藉芳茵片水明在野萬花深見人靜依歸鶴思遠惜舊山春今日誰攜手寄懷吟白蕪

興臺寺

在五鄉九圖唐開元二十三年建又有興明寺在七鄉七圖宋元祐元年建屯頭寺在二鄉八圖金大定三年建禪正寺在五鄉八圖金大定四年建景福寺在呂梁洪龍泉寺在三鄉十三圖俱金大定三年建

七佛寺

在五鄉金陵集元至正初建又有清泉寺在四鄉十圖元至正三年建平山寺在城北平山口古建名四面佛寺因舊有曾子井改建寺於此

三洞寺

在六鄉一圖元至正六年建又有大雲教寺在城北四十里明洪武十五年重建洞山寺在桓山明天順成化間修建興隆寺在一鄉十五圖明天順元年建大雲禪寺在境山一名源流寺俗稱景山寺

顯慶寺

舊志在城東宋陳師道遊顯慶寺晴山堪著眼別意不勝秋小作三年別聊為五斗謀要須乘下澤不待到

古蹟攷

同治徐州府志卷之八

壺頭預恐登臨處長思馬少遊

洪福禪院

舊志在城北百十五里宋崇甯初建金大定初重修又有文殊菴在南門外東南古建海會菴在九里山後

龍興禪院

舊志在寶峰山後金泰定間建有碑香亭院在城東七十里創於元明宣德間重修彌陀院在城東南六十里元建明宣德間修西觀音堂院在城西北隅明洪武中建又有福勝院在治東天聖院在治南崇興院妙覺院並城北一手禪院在城東南又有接引菴在黃河北岸古建道光元年僧定鑑移建於子房山名東山寺禪林有碑記

奉聖禪院

在城東北國朝魏裔魯己亥春日同州牧王公遊奉聖寺觀殿前白果樹鵝比邱泛舟湖上登眺銅山偶爾唱和遂成一時盛事古寺傳何代荒村不記年銅厓浮水面銀杏插門前蒼翰飛朝雨寒花散暮烟登臨攜惠遠其上釣魚船

師子菴

在城北八里古建又有功德菴在雲龍山古建

既濟菴

在南門外里許

大士巖院

在雲龍山陰康熙五十七年建國朝姜焯雲龍山新開大士岩碑記維子自壬辰春來牧是邦執掌勞瘁逾八稔矣幸明神默相時和年豐井閭樂業一似恤予之拙且勞也嬉然相與安焉既用自喜乃以暇崇

古蹟攷

同治後州志卷之八

飾學宮增益往制工甫竣屬河防貳尹王公欲重葺宋張山
人放鶴亭未幾遽以憂去羣情悵悒予遂為嗣究厥功既而
相度亭踞雲龍之椒臨眺四極是云佳勝有議構室其上募
僧居守顧於亭有所障非前良初旨視亭下巖怪石離立坡
陀負土可夷之屋以居僧眾議是之爰鳩工平治不數鋪而
土盡實一鉅石當山肩項廣約十尋莫窮其深厚隱伏土中
其上離立則峯稜外出者耳驚且愛焉懼無以顯石之奇念
是巖稍下為黃茅岡有唐吳道子觀音大士像碑漸剝蝕授
意工人相石之勢開雕膚理為大士化身雷其外即以爲龕
石理緻栗斤削所施易於竹木無幾時遂已告成面手冠衣
各肖其色中白紋一桁橫巨腰圍天然若帶觀者益以爲神
已土人有病疾患苦者來禱輒應州人士請崇宏其宇於是
增工擴地為正殿三楹前為甃駸殿左右為寮舍亭台閣道
名之曰大士巖其形勢呼嶸屹然與放鶴黃茅相峙而非復
前此之踏躑蹉跎矣客或謂曰茲石自清濁既判已蘊是山
經數千萬年雖遇好客如韓蘇諸公尚莫之出至今日得子
乃大顯於人此其遭可賀也余謂於昔賢無能為役特其遺
踪所在稍事修治守土之職然不自意得遇茲石之奇崇
祀大士人祇如其名號靈異足與於善順俗而教亦有補
於政治豈能如柳州次山諸公為山水搜羅放失乎哉客是
亭相為映帶已復為收歸故守亭僧田合今所增計四百三

十畝同主僧世守之庶使
巖與亭與岡相為終古可也
又有太平叢林在南門外俗

稱幽冥鐘

慶真觀

在府東南元吳善呂梁慶真觀記欽惟我世祖皇帝闢大
龜馳嘗見其地統元居極殆有徵也咸宗遯續以元聖仁威
登崇缺號太子文學元公作抗缺元武殿碑悉著其事又道
書相傳其神三月三日降均之武當山天子萬壽節以其日
同故缺歲遺祠官致祭皇慶二年應詔行者誠明中正玄靜
缺法師唐公洞雲也公畢事歸屬子文刻石其山昭我缺曠
代之典子嘗考於缺常禮秩其神又曰黑天帝得並祀南郊
位北故水之神曰玄武水生於一故為道者宗缺宜夫道家
者流崇敬物晉而神宮殆偏乎天缺也彭城呂梁有慶真觀
者道士賈君師弟子所自建也殫囊之餘資羨於眾成至大
三年外崇郊門中屹正殿旁作雲堂缺之屋缺殿內象以玄
武之神鼓鐘鏗鏗晨夕誦祝以延洪我缺可謂勤矣子官遊
京師幾十五年彭城為水陸必遵之道省初涉時猶見其水
湍激奔突齟齬石間順流堵楫閱日失利迺過之奔流黃
捷故持篙挽牽非其缺人則不良於涉後二年過之奔流黃

古蹟攷

同治徐州府志卷第十八

壘

濁泛濫迷岸詢其居人曰此黃河支流也昔漢元光間瓠子塞而梁楚之候復甯宋熙甯時澶淵決而徐人重被其患今河復經於濟涉于泗洩于淮而徐人不見昔者之苦豈非捍防疏遏有神者行乎其間哉缺則賈君建立之功其所以利賴徐人者不小矣君由里人董君秀實佐史中書著其事分玄靜公來求子記且乞銘賈君名德真世為彭城人延祐四年受命於筆山白雲宮遠塵通妙純德真人知慶真觀事其師曰金道明壽七十有九於揚州仙去賈君至揚收其冠劍歸葬彭城銘曰屹屹彭城維古徐方涵彼流水河流湯湯有截有繹環其崇岡中奠神寓師筮其良載翼之廡載峻之堂來室來處奕奕簪裳擊鼓撞鐘吟咏洞章天子穆穆萬壽無疆師道恬澹徐人樂康師德淵淑徐人曷忘碑石我詩地久長天

真武觀

在城東南隅明永樂初建又有白雲觀在府治東白鶴觀三清觀俱在府治南八仙觀在治西南瑞雲觀在治西北今並廢

斗姥宮

在城內西北隅康熙四十一年修建

彭祖墓

寰宇記按彭門記云殷之賢臣彭祖顓頊之元孫至殷末壽及七百六十七歲今墓猶在故邑號大彭焉舊志按一統志彭祖封彭城卒葬焉今不知處元楊少愚過彭祖墓詩七七流當時若解神仙術更許春齡億萬秋

徐偃王墓

在城南六十里周時徐偃王作亂穆王命楚伐之偃王戰敗北走彭城武原山下百姓隨之者萬數偃王死民因鑿山為石龕祀之

古蹟攷

同治徐州府志卷第十八

三

范增墓

在城南里許古名亞父冢宋書張暢傳魏主既至登城南亞夫塚卽此後彭城歸魏置高冢成水經注今彭城南項羽掠馬臺之西南山麓上卽亞父冢也元季有賈胡盜發其冢得

寶劍去明嘉靖中戶部主事岳升表其墓元吳萊盜發亞父冢詩楚王昔

尊楚亞父楚人今發亞父墓南山鑿石下懸棺寶劍燭天知

梁楚關作馳兵場起撞玉斗喚豎子戰肉烏鳶骨蝮蟻鳥江

得死不得葬憤膽冤腸終不死東陵老盜曾膾肝丞相模金

仍置官大儒揮椎小儒唱奇寶拔空蛟龍寒君不見秦皇一

死驪山改亞父猶能數千載我今豈識亞父誰氣於亞父冢上發

銀海虞集范增墓詩并序彭城有盜識寶氣於亞父冢上發

盜詞盜言惟見寶甯知亞父誰項王不相信第子遂與尸黃

城下深銅千載復何爲大河在城東落日在城西過客知真

風千載行人疎家木初盜發亞父冢詩戲馬臺前范增冢英

龍光可鑑剛而鞏斷之不用揮金椎白骨儼然全頂踵寶劍

未化橫蒼虬金玉輝耀氣交擁賈胡致富須臾間棄骨溝中

古蹟攷

論英歌聲盡有餘哀楊策亞父塚何勞向紫臺信道此中人傑在

意反教平勃笑無功墓前芳草侵眸綠遺恨千年尚不窮

楚元王墓

水經注同孝山陰有楚元王冢上圓下方巖石為之高十餘丈廣百許步經十餘墳悉結石也北征記彭城西二十里有

山有楚元王墓舊志今在楚王山下又有古冢數十處皆

贅以巨石相傳為父子孫墓宋傅亮為宋公修楚元王墓教始義隆自遠楚元王積仁基德啟蕃斯境素風道業作範後 常給灑掃案據水經注引戴延之同孝山說墓當屬蕭境惟

王陵母墓

在城西南二里明嘉靖中御史朱衣立碑冢上後為居人所

毀康熙間淮徐同知孫國瑜按舊址衛以石垣建坊墓門朝

孫國瑜漢安國侯王陵母墓碑王陵故沛人與高祖為布衣朝 於南陽久之始以兵屬漢是時楚勢方張項王氣蓋世乃東 嚮坐陵母欲招陵其為羽尊重若此陵固一時人望之所屬 也昔淮陰侯歸楚則勝歸漢則漢勝與亡之故哉使母當時稍 勝誰謂士之去就則不歸楚則徐庶不得為完臣陵不歸楚則 依違遷就於其間陵歸楚則徐庶不得為完臣陵不歸楚則 趙苞不得為孝子矣不備惟是陵素懿直任氣母惟一死以 絕其望使知漢王長者勿持二心陵始慟母讐項終事高祖 定天下為社稷臣呂后朝陵守正不阿罷相歸不朝請者七 年既卒乃得王諸臣呂后朝陵守正不阿罷相歸不朝請者七 隱然一敵國也哉凡此者皆母勿二心之一言教之也迄今 將二千載微獨重瞳久化青燐即高皇原廟亦鞠為茂草矣 而陵母青冢巋然獨存賢母之懿德烈行自足以傳萬世而 余復樹以華表建以豐碑周以圍墻使後之過其傍者嘉慶 皆有所觀感而興起焉聊以為世道人心之一助云爾嘉慶 四年淮徐海道康基田重修南二里有王陵母墓碑徐郡城西

古蹟攷

同治徐州府志卷之六

七

靖中御史朱衣立碑冢側年遠剝蝕康熙五十八年淮徐同
知孫國瑜拓舊址樹華表衛以石垣今經八十餘年墻石傾
圯僅存存者已未夏五余視河至徐道經墓側不忍遺迹沉
淪草莽指資命銅山丁令補還舊制立亭於上以表其阡按
陵以兵屬漢綱目大書之陵時為楚漢爭重歸漢之初未
預為母計論者謂不如徐元直克全其母余謂陵遣使至楚
未必不圖以易母而母知項必蹶漢必與以一死激之非
陵所及知也當其時羽以暗啞叱咤之氣遇陵使東鄉坐
挾以招陵其視母蔑如固謂陵必不能舍而之他乃母以
老姥抗顏不屈慷慨赴死凜凜有生氣羽雖暴戾恣睢亦為
之氣奪大義炳如日星非烈丈夫而能若是乎致死非難也
死而為國家成大業為臣子立綱常賢士大夫所不易得者
而得之巾幗難已陵得終事高祖卒成帝業極言敢諫於高
后欲王諸呂之時出平勃諸人上母之烈亦彰矣王元之作
記稱其賢愈於文母孟母為甚其辭要與陳嬰范滂諸賢母
後先輝映事蹟尤為絕特今時歷千有餘年風流歌絕而斯
墓歸然獨立於高山大河之間天地之正氣川嶽之精英凝
結於是鬼神守護呵禁非常久而不能磨滅其光其言行可
以教忠可以教孝余故表而出之以告後世之為人臣子者
是為記明胡儼王陵母墓詩匆匆窗下取吳鈞使者星馳不
肯留遂使鴻毛輕一死却存馬鬣重千秋國朝李蟠王陵母
墓父老年年薦采蘋細談往事尚沾巾魚龍早識真王者

樊噲墓
錢難降一婦人生使趙苞非孝子死命徐庶作完臣重曉久
化青燐散抔土還留不壞身未有馮王陵母墓仁暴亦已分
與亡了然見人事散天心老嫗日如電兒意難決絕委身敢
雷戀血熱劍花飛骨冷鼎膏澣臣項既不甘王呂豈云善忍
同曲逆侯奇計囚時變母德終不違母
恩永承眷廬墓肯歸來龍門能立傳

震宇記在彭城縣北五十九里明一統志九十五里

劉向墓

水經注彭城北二里有石冢被開傳言是劉向冢未詳是否
舊州志在城西北二里演武場南墓側舊有祠黃河南徙墓
在北岸距河十數步道光二年圯於河今遷於陡山口迤南
明胡儼劉向墓詩千年封事遺編在三尺荒邱
宿草催鴻寶浪傳誰見得藜燈一去不重來

龔勝墓
古蹟攷
司台余刊府志卷第十八

水經注泗水自彭城縣東又逕龔勝墓南墓碣尚存寰宇記

在縣東南三里至今禁芻牧國朝張名宿龔君賓墓詩寸心天地間無慚於幽獨如何弔者

來逃名恨未速顯為先生榮隱為先生辱豈知臣節全即禍亦為福薰燒香自存膏銷明已足大耋莫言天宜笑何須哭

劉公子平墓

銅山縣志城西北九十里

楚王英墓

通志略英光武子封楚王以事徙丹陽自殺詔遣光祿大夫

弔祀以諸侯禮葬於涇元和三年復遣謁者備王官屬迎英

喪改葬彭城今不知處

華陀墓

見祠祀考華陀廟下明胡儼華陀墓詩徒把金鍼事老瞞千

西陵派不乾

凌冢

水經注安陂水旁有石墓宿經開發石作工奇殊為莊構而

不知誰冢疑即澂之所謂凌冢也

劉景墓

魏書劉景傳太和十八年除使持節都督吳越楚彭城諸軍

事大將軍開府徐州二十三年薨於彭城景豫營墓於城西

南與三公主同塋而異穴發石墳崩壓殺人眾復改塋後薨

葬焉今失其處

王仲德墓

寰宇記在縣北四十一里

古蹟攷

司台余州府志卷第十八上

早

錢光弼墓

元時總管在九里山之陰字木魯翀為撰神道碑

權謹墓

城北團山之陽以孝行徵為學士

人八世祖諱邦彥字朝美宋大觀中知冀州扈駕南渡位至
參知政事卒諡質肅公生五子仲日義自河間徙東昌至公
之父執中復徙於沂洪武初挈公自沂徙於益自刻厲讀書
十歲父卒母李氏辛勤訓誨俾公於學既長益自刻厲讀書
以真知實踐為務暇則精研於書數郡守楊節仲延訓子弟
遂罄資以給其行姊適郡人張純蚤卒公為置塋原以葬之
奉寡姊盡禮撫孤甥如子其孝友之篤出於天性然也承樂
丙戌戶部主事呂甯以求賢薦授人微有隙輒安縣其俗舊多
盜發塚既取所藏暴露甚慘與人甚苦之公皆嚴以禁絕與較
暮夜則使人以鉏鋤其禾稼民以逞其私公執渠魁一奸
點數輩恒持里中及有司短脇人以逞其私公執渠魁一奸
人置之於法餘皆屏跡不數月間其廉明仁恕為山東六郡邑
令之首稱庚寅甲午歲人宗文皇帝親征北寇公兩給餉於

沙漢三督軍於青社其他效勞多類此板輿迎母遊就祿
出精誠格於穹壤遷光祿署丞奉職惟謹未幾以目疾歸後
母年九十令終公哀毀幾絕祭葬一如初喪有烏鳴犬來泉湧
負土成墳種柏成林朝夕哭奠常如初貌乘騎浮空而至鄉
人皆以為孝感所致郡守楊秘等交奏仁宗昭皇帝命馳驛
之京及以事聞上曰高聲再讀與眾官聽蓋以公之孝諭羣
臣也特拜文華殿大學士公辭曰臣少孤失學恐不能稱其
職上曰止着東宮學爾孝其餘免爾制書判本曰朕之除卿
嘉汝之孝欲以風勵天下之為君子者他非汝責也恭祀文
皇以公為羣臣班首哭之哀上嘉之賜牛羊首果餌脯醢以
類隨侍皇太子監國南京得輔道體宣宗皇帝繼承大統以
老疾辭遂進秩通政使司參議致仕受白金文綺承衣之賜
仍敕禮官旌其門曰孝子權謹孝行之門承錫其家徯配劉
氏孝敬慈惠寡於言笑終身被服布素夫德婦賢閭里稱之
後公五年卒子男二長曰倫領丁酉鄉薦終養不仕次曰倣
女曰淑安適陸賓孫男三人宗太學生次寶次字孫女三人
俱適土族

楊璉墓

古蹟攷

古蹟攷

且

在駱駝山下明戶部郎中楊璉卒於官葬此

馬蕙墓

城北九里山下李秉撰表

張鶴鳴墓

子房山下

萬崇德墓

在太山東奎山西

陳汝麟墓

在奎山南

明朱國祚陳僉憲墓表天啟辛酉夏余赴召至彭城有諸生三人造余而請則惺源陳公子中涵中

晉衛鎮撫贈昭信校尉娶劉安人生五丈夫子公其季也少而穎異十七歲於學壬午舉於鄉癸未成進士初為長葛令既而調嘉興外艱服闋補山東之清平越四載轉南京虞衡郎普郎中出治通惠河為郎署久之迺擢浙江按察僉事兵備杭嚴公在長葛其俗獷悍好訟即長吏常為所持公縛其豪寘之法境內肅然以能治劇役嘉興治不擾而事集去後恆見思乃坐謫補清平清平疲瘠公滌其煩苛寬其條教民賴以安屬歲大稔蝗起中丞宋公欲以術禳之方士所至紛擾公叱去之而課民捕瘞雖災不害其在蕪湖不半載盜額六千金再權荆州溢額至倍司空薦其廉幹取所上條議頒行之著為令會營建兩宮公督率勤勞蒙上尊之賜其治通惠河疏濬繕築以先之殫心悉力費省而功倍其兵備杭嚴值中使劉成驛騷欲權茶筍青梅諸稅又與諸生為難士民羣鬪訴于公公慷慨激烈必繩以法而中丞劉公欲調停之公歎曰身為法官乃坐視中璫之橫而不禁止乎又奚用此身冠為也遂奏記兩臺徑拂衣去縉紳士民遮道畱之不可得兩臺以病聞予告歸居無何以為薦起補關西而劉成忌公不釋竟以察典中公怡然不以為意闢園構亭蒔花種竹日觴咏其間不問戶外事其論鄉邦利害如濬河築隄增城起梁觀察袁公所為德于徐者其計畫皆本自公公性尤孝友曾撫孤姪葬仲兄即同籍兄弟如任守黃兄樂同魯兄

古蹟攷

司台余州府志卷第十八

七

客死于徐公皆殯之又嘗賑饑民捐糧煮粥活流移數千人此尤其盛德之顯著者初公舉于鄉少保沈公夢四麟遊于庭比揭榜而名麟者四公其一也人以爲瑞徵而卒不得大用惜哉公爲令以循良著權兩關所至盜額治河以精敏稱及僉浙憲以法不得伸而去歸而杜門掃軌以詩書自娛蓋耿介爲操猶潔自好其行誼政績有足多者余故表公之墓以石鐫于鳳凰山之原

董轟墓

銅山縣志明徵士墓在彌勒城商輅爲碑記按彌勒城疑卽

彌黎城

周正墓

在雲龍山迤北郡守張植爲立碑記

李向陽墓

銅山志在焦山東子矣孫幡亦附焉

王烈士墓

在縣境雙溝鎮烈士名載鴻靈壁縣人明季諸生與妻曹氏同殉甲申之難

張瞻墓

在泰山北麓

蘇姑墓

在府廨東北隅國朝石燕修建蘇姑墓亭記署之東偏有蘇姑墓相傳爲東坡少女新守莅任輒祀之上覆小亭繚以短垣飄搖風雨亭圯垣毀者久矣余葺而新之誌歲月于石

九女孤堆

城東土山下有九女孤堆相傳爲古冢

附舊義冢三

古蹟攷

同治徐州府志卷第十八

一在城南二里一在城西南半里一在城西北四里舊志十餘處皆水沒不存

新義冢三

一在雲龍山迤北係徐州府永齡等捐施一在城東係紳民崔振先等公捐又同治九年徐海道高梯買置冢地九畝在雲龍山麓西北

放生池

在南關下洪先農壇後

代理徐州府學教授丁鎮瀛校

同治徐州府志卷第十八中

古蹟攷

蕭縣

故蕭城

古國秦置縣詳見紀事沿革表一統志在今縣西北方輿紀要在今

縣西北十里北征記城周十四里南臨汴水方九里三十步東南遶城有隍西北無隍唐時縣治此城宋時河決又於其南半里築新城北連舊城亦謂之南城明初亦為縣治城周僅四里萬曆五年圯於水乃遷治於三台山南麓即今治也
水經注城南舊有石橋積石為梁高二丈荒毀殆盡亦不具誰所造也今故址無存

古城郛邑幽邱邑

古蹟攷

同治徐州府志卷第十八

杜預云宋地詳紀事沿革表春秋大事表都邑下云城郃幽邱當在今蕭縣界

扶陽故城

漢置縣為韋賢侯國後漢省見沿革表寰宇記扶陽城在蕭縣西南六十五里一統志在蕭縣西南

杼秋故城

漢縣東晉廢見沿革表寰宇記在蕭縣西七十五里後漢書蓋延傳注杼秋故城在今徐州蕭縣西北方輿紀要在蕭縣西七十五里又云在碭山縣東六十里按一統志杼秋故城在碭山縣東又兼存寰宇記說蓋當蕭碭錯壤攷兩縣疆域蕭居碭東南碭境東五十里至侯家口界蕭蕭西北至唐家砦九

十里界碭以道里記之故城當入蕭境或云今其地為吳家

叢林砦若有故碑記之

廢紅縣前漢書地理志作埵續漢志作紅又謂之紅亭水經注又謂之鴻溝亭

一統志在蕭縣西南舊志在今縣西北縣志在舊城西南十八里左傳大蒐於紅杜注蕭西有紅亭疑遠劉昭注續漢郡國志沛國紅縣下引地道記即大蒐於紅之紅又於泰山郡奉高縣下注云昭八年大蒐於紅紅亭在縣西北是兩收其說蓋杜預王隱酈道元皆以蕭西紅亭當魯大蒐地杜有疑詞酈則竟以紅亭為漢紅縣劉昭意謂大蒐之紅容在魯境故兩說兼收沛國之紅實在蕭西故專引地記今從劉說詳見沿革表及攷辨

龍城廢縣

水經注獲水自蕭城東歷龍城不知誰所創築寰宇記龍城在蕭縣東三十里一統志在蕭縣東按龍城縣有二一後魏龍城縣屬彭城郡齊省卽此城也一隋開皇六年改周承高縣曰龍城屬徐州卽故蕭城也見沿革表又龍城按梁書蘭欽傳自蕭縣進攻擬山城龍城疑卽龍城之譌擬山城亦當在縣東北界城址已湮今不可攷互見紀事表

永固廢縣

金史地理志厥堦鎮元光二年升爲永固縣一統志在蕭縣東南四十里永固山下今爲永固鎮舊志本彭城之永固鎮金升爲縣元併入蕭爲巡檢司明洪武十三年廢爲鎮詳沿革表

並攷魏書地形志相縣有厥城或謂之厥固梁書蘭欽傳大通中拔魏蕭城厥固是也又蘭欽傳攻厥固張龍子城不拔張龍子城當與厥固相近在今縣東南不可攷矣互見紀事表

蕭北城

方輿紀要魏收志魏沛郡治蕭縣黃楊城或謂之北城城邑攷北城方九里南去蕭城二十里相傳蕭子避暑處也按城邑攷但言北城並無黃楊之名方輿紀要誤引魏志以附會之說見沿革表攷辨舊志遂引城邑攷蕭城北二十里有黃楊城亦謂之北城是竟謂城邑攷內有黃楊城矣今刪黃楊之目以釋歧誤

英州城

古蹟攷

一統志蕭縣西北五十里建置莫攷元初城址尙存周九里餘城中水可舟至正甲申河決淤爲平陸今俗呼鴈門泊又有黑河廢縣蕭縣志在黑沙相傳卽英州附郭按元以前州縣載在史冊建置可攷並無英州黑河之目惟唐萬歲通天二年契丹陷營州遷其流民移置夷賓州來蘇縣於徐州又移置元州靜蕃縣於徐宋間見沿革表疑英州卽營州之訛故稱鴈門泊黑沙縣皆塞外地名也

皀龍城

魏書地形志龍城縣有皀龍城今堙

曹馬城

一統志在蕭縣西北七十里中有古塔通志相傳曹操嘗駐馬於此又有郭城一統志在舊縣西南二十五里相傳五代周時所築南畿志方二千三百步又蔣蔡城一統志在舊縣西南三十里

聖人廠

縣志在縣東南天門山頂相傳孔子微服過宋經此

澶淵聚

後漢郡國志杼秋故屬梁國有澶淵聚

瓦橋關

掘坊志兩山對峙儼如門戶宋時置關於此

智井

元和志在縣北二百步左傳楚子伐蕭還無社與司馬卯言

古蹟攷

同治徐州府志卷之八

自於智井卽此也實宇記在縣北二百步古蕭城內明伍維翰智井

春耕詩智井琉璃死一犁扶曉春配伊泉下客可有織綃人
國朝在國鑛詩銀牀剝盡餘苔綠泥井空明落眼花我自荒
坳訪茅經人從世外飯胡麻遙天種植春長在異域
征徭事不加寄語嬉游慵子弟莫將地德等閒除

鄭陂

魏志鄭渾傳渾於蕭相二縣界與陂邊灌稻田號曰鄭陂方

輿紀要在蕭縣西北

飲馬池

舊縣志有二一在縣治南半里池東西各一橋東曰伯樂西

曰房星一在舊城西北曹馬城中相傳曹操飲馬處

孝感泉

通志在蕭縣舊城中詳宦續傳

曲里館

方輿紀要在舊縣西三十五里舊州志嘉靖三十四年大河

經曲里館而東有曲里渡今湮

閔子村

通志在蕭縣城南明伍維翰過閔子故里詩從知德行孝爲
先千載流傳閔子賢風起祠前寒徹骨蘆

花如雪
白漫天

丁公故里

縣志丁公山下有丁公里

陽城侯故里

水經注蕭縣南對山戴延之謂之同孝山云取漢陽城侯劉

德所居里名冒山也劉澄之云縣南有冒山未詳孰是也

古蹟故

同治後州府志卷第十八

綏輿里

在縣綏輿山下宋武帝所居

見銅山古蹟攷彭城三里注國朝張符升綏輿里晚眺風日正開閒荒村獨往還蟬聲亂秋葉人影落空山嶺遠松濤合波明極浦環危亭劇縹緲乘興一追攀徐大猷懷古一戰藍田霸氣孤可憐東邸禪皇圖至今山畔青青草指點兒童負奇奴

薛顯故里

舊縣志在薛村山山以姓著

清心亭

縣志在舊治東宋嘉祐六年縣令梅建曾鞏為記梅軾其名

宋曾鞏清心亭記嘉祐六年尚書虞部員外郎梅君為徐之蕭縣改作其治所之東亭以為燕息之所而名之曰清心亭是歲秋來請記於京師屬子有亡妹傷女之悲不果為明年春又來請屬子有悼亡之憂又不果為而其請猶不止至冬乃為之記曰夫入之所以神明其德與天地同其變化者夫豈遠哉生於心而已矣若夫極天下之知以窮天下之理與

夫性之在我者能盡之命之在我者能安之則萬物自外至者安能累我哉此君子所以凶者亦未嘗廢也於是不能累我矣而應乎萬物與民同其吉凶者亦未嘗廢也於是不能累我矣而邪僻之防此君子之所以齊其心也虛其心者極乎精微所以人神也齊其心者由乎中庸所以致用也然則君子之欲修其身治其國家天下者可知矣今梅君之有是亭曰不敢以為遊觀之美蓋所以推本為知之意而且將清心於此其所存者亦可謂能知其要矣乃為之記而道余之所聞者焉十一月五日

南豐曾鞏記

憩鄭亭

縣志在舊縣東郊明隆慶三年知縣唐文華建為士人送別

祖餞之所垂柳萬條攀折殆無虛日

湧雲亭

舊縣志在興龍菴之側順治六年知縣祖永勳建南望湖烟

西眺城陰饒有風景

古蹟攷

同治徐州府志卷第十八

五

聖泉亭

縣志在聖泉山陰寺內

拱翠堂

縣志在縣西北聖泉山下邑人竇敦禮建以延四方賢士

補之拱翠堂記蕭之南稍東五里曰泉山泉山之勢南峙而北屏左則如濤如雲如虎如蛇騰涌擊蹙雜集而相羊右則如車如蓋如人如芝迤迤雍容離立而孤驥中則平原綠野桑柘禾其三閭溝洫什伍而縱橫宜五穀百果衆物皆夥其南踰百里至於汴融萬艘以輸賦於京師以下入於江淮洶以東西通於齊魯趙魏之衝也以下達於淮入海而泉山介其間其境勝而士樂又甚易至也然往來者旁午而泉山介雖余少長數舍間亦莫之聞也過者皆有求於汴泗而無求於泉山而爭驅之惟其憧憧而過者皆於汴泗而無求於泉山故泉山雖近而莫之聞也夫野老常居之林以為樵蘇為適亡聚而泉以為為區以飲牛馬千野老常居之林以為樵蘇為適

古蹟攷

古蹟攷

古蹟攷

固無情於所遭而遺天地之美為可惜又或謂人語人而不能美或不知擇而居之或如嶧山靈巖或有名秦已來或名天下四絕處與齊境諸泉皆清冷鳴射如線如珠仰出奇異以皆在東北下國僻處故問者往往不道也而實君師道世有名於昔者則雖近而莫之聞也拂衣去讀書賦詩不以取名居於蕭恬淡嗜好嘗為一尉即拂衣去讀書賦詩不以取名而自娛故能獨得泉山而居之而愛然不以語人不以誇之大之曰此樂人所秘吾非不能與人同之從我者寡也然士之慕君者時往焉故泉山因以知名而師道沒十年其子明遠始以其四達而望皆山也則以拱翠名之曰雖然不能盡也頃余固以問師道於徐之君子後請佐宋都始識明遠於國子生中出師道詩讀而愛之而明遠因道拱翠勝絕且圖其園以來求文為記而余未至泉山也然少游吳愛富春至守令當求富春然吏居不可久也又竟不得况田畝耕稼終身優游之樂哉又嘗聞膠西牟山有老人七八輩不出山食其山中藥皆百餘歲耳聰目明意甚慕之而念不可以遠墳墓欲築室故緡城東以老而緡去山遠相其原阜見似山者而居間泉山之往來余懷可知矣而明遠方年少氣銳日夕治其業為揚名顯親事則雖其居之勝草木日茂沼檻日

修而有時去之得不為獲鶴林澗之辱且拒哉昔漢隱者王
儒仲與令狐子伯交後子伯為楚相而其子為郡功曹子伯
因遣子奉書儒仲車服甚寵而儒仲子方耕見客不能仰視
儒仲愧焉其妻曰始君志何如今子伯之貴孰與君高而漸
兒女子乎儒仲崛起而笑曰有是哉遂共終身隱與君高而
師道潛德不愧儒仲而明遠溫恭慕義非儒仲子比且功名
可求也其成有命則明遠固不得以彼而易此也宋陳師道
詩千年茅竹蔽幽奇一日堂成四海知便有文公來作記尚
須我輩與題詩至人但有經行處寶蓋仍存老朽枝能事向
來非迫促經年安得便嫌遲國朝王士毅訪拱翠堂遺址仍
鞞席帽訪林垞寂歷僧寮書不扁殘礎盡迷春草綠頽垣仍
繞亂山青翠博此地留陳跡絲竹中年已懶聽白社風流何
處問鄰堪憫
張讀蘭亭

仰止堂

舊縣志在三仙臺山又有虛谷堂舊縣志明嘉靖十九年知

縣孫重光建於聖泉山半耆民高鳳重葺明李禹仰止堂記

有白茅岡去城僅里許舊惟藍伽祇林村人膜拜嘉靖初邑
侯姚江朱公左建東嶽殿禹王廟三賢堂上建玉皇臺下建

祭馬王廟又於旁建仰止堂以為上宮通神之所玉皇東嶽無
甚悼之萬歷甲戌豫章宋侯來令吾蕭邑丞趙君佐之鳩工
庀材并新三賢之像既成宋侯索生為記以生誦習於上而
熟其事也顧生愚且陋第承命不敢以不文辭夫道極於聖
賢次之學者之希賢在心其心而已使心三賢之心雖不觀
其像而賢自在也不然即日觀其光矣益焉噫是豈宋侯祀
賢之意哉生嘗頌宋侯之政而原其心矣遷儒學以崇教化
主文衡以振士風以豈弟為度以廉靖砥節以綏和敷理籍
籍以賢良稱蕭之士民共戴仰之則其新堂以塑像也非徒
為祀賢之彌文矣蓋三賢蕭之風教所開也吾人蕭人也君
子之取善直欲上友乎千古矧三賢為蕭之先哲志在希賢
者登斯堂也思齊之願吾知其勃然興矣故祀三賢者為道
也為吾蕭士也自是蕭之後學彬彬乎景行不怠而與善同
歸則士而賢賢而聖者在茲尚何古人之不相及哉三賢
者何閔子騫顓孫子張顏子柳也侯名焯江西豐城人趙丞
名景昌北直隸薊州人

車牛阪

舊縣志縣西南二十里相傳閔子覆車處又有拜將臺在舊

古蹟攷

同治徐州府志卷之八

城南六十里天臺在天門山名皆無攷明徐繼芳過車牛阪有感詩阪道崎嶇叱

吉星臺

頓來絮衣寒透北風哀令人卻憶芸瓜客昔日車從勝母迴
舊縣志在龍山知縣管為國建曰羅星臺後知縣祖永勳改名立石其上又文璧塔在龍山絕巘知縣康煒建

九聖寺

舊志在紅亭鄉晉大安間建又有積善寺通志在蕭縣紅亭鄉宋嘉祐三年建

華巖寺

舊志在縣東門外古城厲壇東國朝王估遊華巖寺贈承芳上人詩誌公耽習靜半偈悟空明鎮日焚香坐階前碧草生夜鐘清澗壑花雨散春城寂歷楠林晚時聞梵唄聲又一徑聯花市千峯對石林書長

客到門閉似山深洗鉢鏡潭影烹茶就竹陰永懷方丈室蠟屐屢相尋

壽聖寺

一統志在蕭縣舊城南四十五里金大定中建又智鄉亦有壽聖寺

顯慶寺

通志在蕭縣里仁鄉宋咸平元年建

開皇寺

舊志在孝義鄉金大定四年建

白雲寺

通志在蕭縣孝義鄉明洪武元年建又有石佛寺宋建福壽寺新興寺俱金建朝陽寺元建俱在樂善鄉

古蹟攷

同治徐州府志卷之八

天門寺

一統志在蕭縣東南三十五里山谷中元至正中建

明孫重光遊天

門寺記寺距邑東南六十里許蕭之名勝處也昔徐守楊君勸農於是予思追往政竊媿未能歲庚子仲春八日率僚屬修祀事於顯孫氏之墟循故典也事既憩湖濱四顧山光流蒼入座其東南數峯突兀如畫簷碧於層巒之間維時有朱生琥者告曰斯即所謂天門寺者也寺有天棗語者似涉荒唐請往稽以剖羣疑何如予聞而躓之乃陟重岡涉溪流而東入谷口兩山對立若重城復道勢入空冥路由其中嵐光暝色倏忽幻化不可為象沿溪而前復里許石益瘦氣益肅又前有石為梁跨於修澗度梁為寺門僅一楹入門引眺松栢蒼鬱之中禪宮在焉北倚諸峯巖峯雄峙若灑天之雲下臨碧殿衣冠就列履寫交集香霧燭霞冲蒙於庭牖頓覺神清氣定萬慮皆空恍疑身出塵界不識所謂兜率寶坊復何似也乃命僕夫汲山泉烹巖茗采園葵薦湖粳食已徐步階除時山空夜靜積息滿鳴月魄當空松陰匝地因與二三子闌幽明道古今追隨廣歌望谷而止歸而假寐雲堂漏下已二刻矣厥明命駕有僧進而懇曰寺有二泉甘苦異味了無名稱請賜品題僉往觀焉循寺之東數步許灌莽之下有涌泉仰出石竇竇類盆盜探之深丈餘水色紺碧西流穿亂石

問涼涼有聲若鳴琴又若佩玉珊珊至梁而止其一苦者已涸廢其途泉隨溢出子劫而飲之嘆曰水弗苦以甘泉而苦人之為善未至者亦若是爾吾儕因泉問道請名以益可乎眾皆唯唯唯泉之東復畝餘山勢迴合巖無往徑石壁磔破如削上多新篁古柏意惟猿猱可度山之北為仙人洞在半壁懸崖間去地約六仞卉木紛披烟雲靄靄可望而不可攀有劉生道者奮衣而升至斷崖力盡而返寺南天棗樹數株虬幹龍枝千百年物也根盤大石莫窺其痕洵異觀哉又西為飛昇石石勢崿呀擬青蓮隱約隨嵐湧出雖守寺僧亦未能至也石西為薜蘿巖巖盡奇石以草得名更多修藤壽柏禪室僧房環其左右相與席地其下命酒賦詩而歸斯會也邑博士三人諸生六人皆有事於墓祀者並志之國朝縱司灼遊天門寺詩振衣窮天門攀籐復附木日落不見人松風下謾謾張名宿詩二首一綫崎嶇入寺門山圍廟宇畫長昏當頭蹲虎懸崖石掉尾乖龍老樹根澗水流殘蒼靄在巖花落盡碧苔存平生欲結山僧侶讀罷華嚴與細論風吹磴道響天門亂木森森夾岸昏陡拔雙巒遮日脚斜開一路入雲根孤筇獨立人誇健古壁留題跡尚存睥睨羣山卷石小壯不須論

皇藏寺

古蹟攷

同治徐州府志卷之八

九

即瑞雲寺通志在蕭縣東南七十里黃桑峪唐時建舊府志

云元至正間建國朝張太平宿皇藏峪瑞雲寺詩孤雲飛不定偶駐此山頭且聽今朝雨奚論何處樓佛龕經卷潤香几篆烟浮起坐聞清磬飄然世外遊

龍泉寺

龍泉寺

通志在蕭縣東南六十里國朝馮士澍龍泉寺詩龍泉山色淡如畫古寺荆扉傍岫閑我欲入

山訪高隱一聲清磬鶴飛來

騰雲寺

一統志在蕭都仁鄉唐太和元年建又有鬱溝寺龍壽寺靈

光寺白土寺普照寺俱金建成陽寺五眼泉寺俱元建龍駒

嘴寺明建以上八寺俱在都仁鄉

嶂山寺

舊志在嶂山麓明成化間重修又隆興寺在姬村山陰崇福

寺在丁公山俱明建孝義寺在舊縣北三十餘里延壽寺在

縣西南三十里寶峯寺在舊縣東十一里涼樓寺在縣東北

十五里

聖泉寺

舊志在聖泉山陰金明昌二年建寺有古槐明李三才題聖泉寺詩清泉折

入梵王家門外高低踏軟沙日暖風前開補衲不知身上落松花

藏馬寺

舊志漢高祖藏馬處在丁公山之西

冒山寺

在冒山明孫重光憩冒山寺蕭寺饒佳境公餘此憩遊山形隨地變水勢抱村流日靜松篁晝風清禾黍秋吟懷

古蹟攷

發天際咫尺即丹邱陳策次韻羣屐餘高興溪山逐勝遊生
涯甘白屋名簾負清流碁局能消日文章易感秋憑欄登眺
處招手喚浮耶

建鳳法輪禪院

舊志在縣西北三十里又有報恩禪院在縣南四十里大明
禪院正覺禪院俱在縣南五十里明化禪院在舊縣西二十
里興寶禪院在舊縣西南五十里徐里禪院北大理院俱在
縣南七十里大理禪院在舊縣西北五十里興佛禪院在舊
縣西五十里文明禪院在城南門內即火神廟禪室也

向東禪院

縣志在西山麓明宗鉉重九日友人招飲向東禪院詩青霜
逸興人能健在即頑仙黃花映日香盈袖紅葉烘雲落滿筵
共戀招提清景好不辭障帽月明前國朝祖永勳巳丑六月

六日向東禪院願經忽大雷雨一龍破柱而飛同人競往觀
之一時限韻賦詩以紀其甚巽蛟飛來訝有神風雲變化異
凡鱗欲看真相休驚走才灌之而使山塵古澗泉流杯是渡
僧門月冷佛為賓從今快擊三千浪莫向泥蟠悵隱淪陳宏
泰和前韻詩久聽梵唄禮金神舍利光中見躍鱗浮世雲烟
空色相濟時雷雨不風塵從茲觀海難為水始信朝天利用
寶莫忘禪家眞實語要超凡劫度沈淪

廣濟禪院

縣志康熙間邑人吳殿英創修土人呼爲吳氏叢林又有接
引庵在西門外借登庵在東門內竹林庵在霧豬泉東竹林
最盛

千佛庵

縣志在車牛阪國朝王份遊車牛阪因憩千佛庵贈巨川上
嶺樹翠影落僧樓未識園中趣聊從物外遊此間容少憩眞
覺類浮鷗久被浮名誤茲成物外緣因君新置酒使我愛逃

古蹟攷

司台余剛守志卷第十八

禪勝地消塵劫雄心醉佛前
可能空色裏少許悟真詮

興龍庵

縣志在龍蟠山嶺國朝祖示勳重修龍蟠山興龍庵碑記余

嗟峨崇人懷抱及抵蕭則見城東之山曰龍蟠者峯盡兀起
頂平數畝許人入郡必由其上亦遠谷之周行也殿巋然
在荆榛中不特鳥啼之外了無烟火且破脊頽簷與城中廬
舍等三菩薩像露處將就土余甫下車心甚惻然念蕭之人
民風號雨泣蓋頭無茅茨余咨嗟悲憫之不暇而妙相莊
嚴亦復作如是觀菩薩抑憐衆生苦即現衆生苦而爲說法
乎年來如理亂絲結之解之百事粗具乃捐資鳩工一新此
山之宇望獲金碧不忍動民間毫末又爲之擇僧住持俾行
者瞻眺如在蓮花光中城中居民近少葺屋四方百工漸集
于市一日政暇偕祖生箕芳陳生開先王生所貴入山頂禮
香臺翼然坐鎮茲土庇蕭之人民得安衽席之上鐘鼓新報
正未有艾旣而周望四陬東則直走彭城道也楚重瞳之戲
馬臺張留侯之吹簫嶺也北則黃河橫來近漢高祖之歌風
臺也南則龍駒黃桑翠鬱之際有高懸之果老洞也西則平
疇如掌歸德之梁王園也睇彼古今感慨係之因語二三子
此間當刺一亭收湖山之氣登高作賦端於是乎在若東出

之築項之老頭陀請名此庵題爲興龍夫山曰龍蟠駸駸乎
有欲動之勢亭曰湧雲從龍也鳳嶺嶺雲正相掩映蕭亦舊
號龍城名之曰興龍不亦宜乎案邑乘古龍城即在此山北
之東轉野人曰今年夏一龍破柱而飛在西山麓霖雨百里
慰大旱望我侯之典蕭大都若是余輟然而笑曰其然豈其
然乎二三子懇援
不律而記之石

真武觀

通志在蕭縣三仙臺南明建乾明觀在縣西南五十里

玉虛觀

通志在縣南五十里縣志注曹國舅蟬蛻於此

太虛觀

舊志在縣南五十里又有棲真觀在舊縣西七十里大道元

元觀在縣東南五十里碧霞宮在爛石山

古蹟攷

同治庚子年示

三

蕭世子墓

舊志在城西北三十里

閔子墓

一統志在宿州北七十里閔子鄉騫山之南墓前有祠通志在蕭縣縣志案寰宇記閔子騫冢在符離東北九十里符離縣即今符離橋本宿州治自元廢縣移州於南當時必以北境太遠分屬於蕭故元時墓地已入蕭縣不當執古記以爭也案金元光二年升立永固縣墓在永固境元併入蕭即屬蕭境

子張墓

一統志在蕭縣南三十里掘坊村舊志與閔子墓有司並以

春秋致祭掘坊志墓高丈餘廣圓一百二十弓
馬鬣鬱峨岷嶷茲乃黃祀事過不獨書紳重東魯定教假蓋
異西河山光雲影中流見社鼓漁柳隔岸多俯仰古今增感
慨不堪木葉下層波

申詳墓

掘坊志在子張墓東南數武

宋玉墓

明一統志在蕭縣西南三十里縣志案廣輿記襄陽有宋玉墓似較此處為是又有丁公墓縣志縣南十里即高祖斬以徇衆者案寰宇記在豐縣此蓋因丁公而傳會也又通志有呂蒙墓在蕭西南六十里縣志案吳志蒙本傳蒙卒於公安墓安得在此姑仍之以傳疑耳舊府志縣西南六十里又有

古蹟攷

展雄墓蕭志案盜跖老死牖下墓不應在此博物志云盜跖冢在大陽縣西

陶謙墓

一統志在蕭縣東南陶墟山國朝徐大猷弔陶謙墓漢季無幸已識王孫幡帛空兒戲浮屠誤國恩孤墳沈石碣闕恨此山付

蔣橫公墓

舊縣志縣南三十里漢光武封大將軍逸道侯贈顯忠公今後裔有在蕭者

楚王墓

魏書地形志龍城有楚王墓今不可攷蓋卽楚王山下墓也傅汝礪墓

舊府志在舊城南二里許

孟驥墓

舊府志在舊縣西北七十里姬家村

鄭恕墓

舊府志在白茅山南知縣王衮樹碑墓前舊志明靖難兵至蕭不屈死葬此嘉慶十六年知縣潘鎔創建墓門上題丹心

碧血四字永禁樵採明李三才鄭墓詩三仙臺畔見孤墳風下里落寒雲國朝縱司灼詩白茅山下墓雲寒憑弔忠魂淚屢彈外吏不聞謀宋或此心早已惡蕭鸞孤城既破身何惜二女隨亡節更完碧血一區應化鶴仙居南望路漫漫

謝祐墓

舊府志在白茅山陽祐爲縣教諭卒葬此縣志諸生每以清

古蹟攷

同治徐州府志卷第十八

七

同日相率奠之

御史馬津墓

舊府志在縣東綏輿里鳳凰山陽

方塘處士墓

舊縣志在縣東五里石門旗山之陽劉鑒字彥章嘉靖七年葬此

白侍郎墓

舊縣志在縣西南七十里又有康仁墓在舊城西北隅薛夫人墓在栲佬山下以上三冢無攷

雙相公墳

縣志明生員王欽陞與弟欽中同守城死寇難合葬於冒山之東土人呼為雙相公墳

吳隱君墓

縣志葬諸生吳邦倚歸安嚴少宗伯我斯題碑曰吳隱君墓古冢

舊縣志凡六十餘所又有湖北按察使張道祥墓在鳳凰山徐州副總兵張大瑞墓在沈家峪江西按察使張道源墓在彭溝湖廣寶慶副總兵張大謨墓在陶墟村馬山下福建建甯鎮總兵袁政墓在紅亭鄉刑部員外郎張振嗣墓在穀山附義冢

舊府志有三一在舊縣西一里一在南二里一在北半里縣志新增孫家莊東冢地十五畝黃集東冢地十八畝汪樓南

古蹟攷

同治徐州府志卷第十八

古蹟攷

冢地三畝俱邑人孫守良捐置又乾隆五十八年署知縣宗
守買置冢地八畝餘在龍山下

碭山縣

故碭城

漢縣晉廢見紀事沿革表方輿紀要城在今縣東三里又有梁城舊
志列附錄下稱嘉靖志云邑境有梁城即漢梁國城不知處
所近志則云漢梁懷王都即秦碭郡廢城梁孝王更築之遺
址猶存今縣治居其東北隅新通志遂據縣志以燕喜臺即
梁王平臺并載入梁園今案梁孝王國在睢陽即懷王舊地
平臺梁園並在睢陽本傳及水經注甚明與碭縣無涉今縣
西南遺址大抵金元以來遷徙故蹟未必梁王所築也宋陳

山懷古山名芒碭勢穹崇漢祖嚴祠翠靄中紫氣應時騰碧
落素靈何處泣秋風孤鳴陳涉孤墳壤金盡梁王石室空畢
竟乾坤歸有道謾誇扛鼎力英雄明王挺行碭山詩平陸水
云云蒼芒勢不分魚龍樹杪見鷄犬壑中間野渡多秋色孤
舟半夕曛風波漫劉慄昏墊正如焚區城外波如沸城中竈
已沈還將細柳意聊弭大隄心此日金為障他年翠作陰狂
瀾何所極延佇一長吟彭堯俞遊碭証夫家卧滄州上詩舫
魚舟浮遠浪渴來復作看山遊清夏濃嵐開畫幃雨後羣山
添黛綠雲錦石髮如新浴逸峯恬壑接平原雉雉叫鶯相斷
續林岫稀疎草木繁居人尚指漢家村精靈久闕真人死陵
谷萋萋白帝魂覽勝兼存懷古意世間興廢須臾事零風碎
霧滿山來急喚同遊扶我醉劉琬過舊城暗淡烟雲日已斜
蕭條隄畔數人家依稀景物渾如昨寂寞荒城半野花香朝
朱彞尊道中懷古舊社紛倫改寒雲芒碭收山風吹野火飛
渡斬蛇溝高弼春日黃河閱工至碭山書所見二首河干緩
轡踏平沙雨潤輕塵風物嘉清磬數聲聞野寺吹烟幾縷望
田家淡黃嫩綠三眠柳姹紫嫣紅四照花到眼春光行處好
却令使客惜年華滾滾黃流怒浪翻遙看近矚德銷魂河邊
淤地偏收麥隄外人家亦聚村土堰堡夫憐餓鬼雲
梯掃手羨飛猿柳枝折盡椿形古羣立沙灘勢若蹲

故魯城

古蹟攷

魏書地形志碭縣治魯城案古碭縣晉廢宋復置魏因之蓋宋魏時並治魯城也北齊廢城今湮未詳所在互見沿革表

故麻城

舊志在縣東北二十五里今為麻城集左傳昭四年吳伐楚

取棘櫟麻彙纂曰碭山縣有安陽城即故麻城也後漢謂之

麻鄉光武時蓋延嘗駐兵於此詳紀事表魏書地形志安陽孝昌

二年置治麻城元和志寰宇記皆云隋開皇十八年改為碭

山縣唐宋因之金圯於水遷治保安鎮屬河南永城界元還舊治明

嘉靖四十一年圯於河遷治小神集今縣東南二十里四十四年復

還舊治萬曆二十六年復圯於河始遷今治詳沿革表案碭山舊

治有五一為碭城漢縣也一為魯城宋魏縣也一為麻城隋

以後縣也一為保安鎮金縣也一為小神集明縣也舊志及

方輿紀要皆以兩漢之碭縣為即唐宋之碭山不知魏治魯

城已非漢舊何況唐宋至宋魏之碭齊廢入安陽而城壘荒

埋不復還治隋改安陽曰碭山是就安陽治所也金治保安

鎮是由安陽故治南遷也元還舊治是仍歸安陽也明治小

神集是復山安陽南遷也乃紀要悉注於漢之碭城下而於

麻城則云隋廢入碭山縣注碭山縣下則又云隋改安陽曰

碭山建置不符恐非實錄

狐父聚

方輿紀要在縣南三十里曹參擊秦將司馬卮於碭東破之

取碭狐父卮是也漢書曹參傳注師古曰狐父卮二縣名也

古蹟攷

同治徐州府志卷之六

六

亦作狐父城

香城

縣志在縣南水經注獲水又東穀水注之上承陽陂陂中有香城是也

燕喜臺

縣志在舊城東里許有臺有亭取魯侯燕喜之意以名臺臺下有池曰華池唐李白與邑令劉碭山秋夜泛舟燕喜亭池飲酒賦詩唐李白秋夜與劉碭山泛燕喜亭池詩明宰試舟不盡天空交相宜令人欲泛海只待長風吹明劉景星懷古荒臺寂寞草芊芊幸有傳詩重謫仙明宰風流俱不泯可無陳蹟紀當年國朝郭浩詩柳色湖光繞檻開千秋明月幾登臺謫仙去後留題少却愛農歌到耳來陳福承詩太白曾遊處茲臺千載傳我來尋勝跡秋草滿寒烟落日飛初雁平舉接遠天空餘故城水淼淼夕陽邊

渠亭

縣志在縣南為朱梁文惠太后誕育之地

心遠亭

縣志在城東里許元邑人成簡卿所築虞集嘗於此賦詩元集賦碭山成簡卿心遠亭作亭臨河河水渾草樹遶屋啼鳥間夢回枕上彭城雨日送簷間芒碭雲歸來黃菊有佳色坐老青山無垢氣但願樽中嘗得酒曲阿莫問舊參軍國朝郭浩詩孤亭如笠倚晴曛地僻惟應鷗鳥羣千載有心誰共遠風流長憶舊參軍

松峯菴

縣志在南郊里許明僉事御史李穩歸隱於此棠陵方豪有詩贈之

滄浪井

古蹟攷

縣志在縣北一里滄浪廟內天旱取其水禱雨即應又有福井在城中明崇禎間知縣蔡一熊鑿

沛王里

舊志云在縣境又有朱温宅在縣北午溝里名衣錦鄉又有小明王宅小明王即韓林兒也宅在禮河之陰元史劉福通傳自碭夾河迎立之即此今俱湮

傅頴公宅

縣志在舊城儒學西北隅今湮

永慶寺

在舊縣治乾隆辛亥重修又有壽聖寺在縣東北崇教坊立頭寺在縣東保安社土山大寺在北門隄外迴暈寺在縣西

北浮溝社觀音寺在南門外銅鐘寺在縣北段莊社

湘山廟二

縣志一在城南隅一在楊家集又有祖師廟在城東五里

定國寺

在馬昂社康熙間重修又有白塔寺亦在馬昂里縣東陳村社有大明寺縣南有白雲寺渠城社有興國寺南大覺寺使莊社有雲臺寺趙九社有資聖寺柳莊社有吳莊寺又有崇壽寺釋迦院大覺院俱廢

白衣廟

縣志在北關又有紅山廟在西關外

聚仙宮

古蹟攷

在縣北三十五里市力集又有青華觀全真觀俱廢

陳勝墓

漢書陳勝傳莊賈殺勝葬碭高祖時為勝置守冢于碭水經注穀水東逕安山北即碭北山也山有陳勝墓

廣王墓

縣志在城北二里葬梁太祖兄全昱舊志旁有安莊王友甯墓又縣志梁祖追高祖黷為肅祖曾祖茂琳為敬祖祖信為憲祖父誠為烈祖四陵並在舊城北午溝里

宋黨太尉墓

縣志在城南三十里宋太尉進葬此進朔州馬邑人有碑記元曹郡公墓

縣志在城北三里葬元御史中丞曹甫贈魯郡公

元曹文貞墓

縣志在城北三里許葬元集賢學士曹伯啟諡文貞

元成郡公墓

縣志在城東二里許葬元列大夫成克敬贈上谷郡伯

明劔甲墓

縣志在城南三里許明都察院右僉都御史黃正死普安縣子孫葬其制敕及所遺劔甲於此子琰南京龍虎衛鎮撫有勇力善引強貫堅與父死國事昆季葬其兜鍪弧矢於劔甲墓側

李僉憲墓

古蹟攷

同治徐州府志卷第十八中

三

縣志在縣南郊外葬浙江按察司僉事前巡按山西監察御

史李穩

薛桓襄墓

縣志在城西南十里許薛家口葬永國公薛顯

邵孝子墓

縣志在小神集七里許葬忠烈公祖良卿又有邵封君墓葬忠烈公父重聘俱有墓碑

邵忠烈墓

縣志在邵家寨西半里許葬保定府同知邵宗元有碑

朱烈婦墓

縣志在縣西庸信里葬尚希堯妻朱氏明副使王樞為立碑

墓側

國朝汪義士墓

縣志在城南三里許葬義士汪廷對又有汪典簿潤墓在城東三里許

王孝子墓

縣志在城東三十里毛城鋪北葬孝子王世耀

杜烈女墓

縣志在定國寺東三里葬戴允讓聘妻

徐奇烈女墓

縣志在西郭外半里許葬魏典聘妻有坊有碑

附義冢

古蹟攷

同治徐州府志卷之八

三

縣志有三一在城北厲壇一在城東官道南一在城西社稷壇南

豐縣

古豐城

古國路史作豐漢縣及今因之見沿革紀事表案方輿紀要謂舊城圯於

水蓋指明嘉靖五年移治事也詳河防攷嘉靖三十一年於舊治

築城今縣治城也詳攷續漢郡國志劉昭注豐縣下引地道

記曰去國二百六十州六百維千二十五里案晉太康時沛

國治相豫州治項故云然宋文天祥豐沛懷古秦世失其鹿泗間當時數公起四海王氣開至今尚想見龍光照人寰我

來千載下甲古煥如潛白雲落荒草隱隱芒碭山黃河天下

設兩關明李東陽豐沛懷古小縣蕭條野水濱舊時遺跡尚

三章號令憶西巡南畿亦是今豐沛莫作秦京甲古人舊榜

古豐桃花行武陵桃源事絕奇桃花流水莫可追問津漁人

今已逝扁舟欲往將何之余遊古豐西郭外武陵佳景忽在

茲桃花迴文機或如赤城霞乍起或如楓岸葉低迷或如丹

如寶婦迴文機或如赤城霞乍起或如楓岸葉低迷或如丹

乃曉日照芙蓉宛似洛神波囊絳雪猶疑明妃灑淚濕胭脂

脂悠然共坐花陰下不覺心曠而神怡更饒夢浪相掩映綠

雲繚繞掣虹霓如遊扶桑五萬里之玉洞直窺瑤池三千歲

之仙姿沽來新豐酒痛飲倒金卮處處桑麻含宿雨村村鷄

犬出東籬置身已在桃源內安問秦漢與軒義人生對景當

感慨多沉吟漫憶漢山河粉榆社古湮塵土厭氣臺荒長薛

蘿故里不聞崇廟祀雄心寄大風歌當年湯沐成鷗夢回

首斜陽滿綠波國朝吳助豐邑懷古西京龍去鼎湖枯大澤

猶傳此一區故里漫嗟粉社杳新豐曾似漢時無柳營壘廢

仍千縷榆莢錢飛尚五銖自古雄才多遠畧楚猿秦鹿敢同

邀帝城

古蹟攷

方輿紀要邀城在縣西南二十里相傳漢高還鄉父老邀之於此因名亦曰邀駕城又有偃王城在縣北五十里相傳徐偃王所築縣志云宋王偃所築中多古錢古鏡之屬每遇霧日城垣臺榭森然畢具霧收即止父老多見之又云宋王偃嘗都此案史記田敬仲世家齊滅宋宋王偃走死於温並無都豐之文徐偃王遠都淮上境地不應至此恐皆附會說也縣志又云有司馬城在縣西北三十五里漢浮陽侯司馬耀所封邑有鐵碑記司馬勛績互見碑碣攷縣志又云苗城在縣西南十八里漢功臣逢喜封邑今爲集案史漢功臣表不載其人古地志亦無記及之者疑好事者增入志乘皆不足據

馬維垺

明一統志縣東北里許俗傳卽漢高帝師馬維先生是也死葬於此

中陽里

史記高祖生於豐之中陽里及爲天子遣使祀之一統志中陽里在城東北有坊漢廟在焉五代漢高祖建宋宣和三年重修

高祖故宅

魏書地形志豐有漢高祖舊宅寰宇記古宅在城內卽高祖故宅述征記豐水東九十里有高祖故宅縣志九十里當作九里

丁蘭里

古蹟攷

舊志城東十二里丁蘭鎮相傳漢孝子丁蘭曾居此

蕭何宅

縣志縣東門北城下

盧綰宅

縣治西北隅漢書盧綰傳與高祖同里縣志宋建炎間改其

地為永甯寺

明鄜頭盧綰故宅春水靡蕪三月雨夕陽城郭幾家煙野禽不解與亡恨猶自飛飛下碧川國朝盧世昌詩朝來策馬過中陽傳說吾家舊日王綺歲已為天子友故居曾傍太公鄉生逢羊酒稱雙慶老借雲龍守一方不用停鞭幾回首漢家宮闕半滄桑

粉榆社

漢書郊祀志高祖禱豐粉榆社顏師古注以此樹為社神因名晉灼注社在豐東十五里後漢書郡國志注引戴延之西

征記縣西北有漢祖廟為亭長所處

龍霧橋

縣東北九里漢書高帝紀母媼嘗息大澤之陂夢與神遇是時雷電晦冥父太公往視則見交龍於上已而有娠遂產高祖縣志每遇歲旱祈雨輒應至今沿之寰宇記大澤在縣北六里縣志仲井在大澤南見山川攷

厭氣臺

寰宇記在縣城中漢書秦皇以東南有天子氣故東遊以厭

之因築此臺

宋王禹偁屢氣臺銘古之王者築靈臺視雲物察氣候之吉凶知政教之善惡苟理合天道垂休降福則必日新其德以奉之化失民心為妖作沴則必夕惕其躬以懼之如是則變禍福而反災祥不為難矣烏有築高臺壓王氣行巫覡之事禦天地之災者乎羸政之有天下也始以利嘴長距雞關六國而擅場復以鈎爪鋸牙虎噬萬

古蹟攷

同治徐川府志卷第十八

臺

方而擇肉終以多藏厚歛蠶食兆民而富國然後成五嶺築
阿房驅同孔之書盡付回祿感神仙之術但崇方士收大半
之賦則黔首豆分用參夷之刑則楮衣櫛比鯨鯢國政螻蟻
人命原膏野血風腥雨腫六國嗷嗷上訴求主天將使民息
肩於炎漢故望氣者云東南有天子氣於是祖龍巡狩築臺
以厭之殊不知民厭秦也詎之於天子氣於是祖龍巡狩築臺
獨厭天厭民而自王乎向使築是臺告天引咎遷善樹德封
六國之嗣復萬民之業薄賦斂省徭役銷戈兵鼎祿禱除高
斯之暴政修唐虞之墜典下從人望上答天意則王氣不厭
而自銷矣劉項之族何由而興哉某游豐沛之間過臺之舊
址思古覽今悵然有懷灑翰濡毫遂為銘曰臺之築兮救秦
之衰厭之不得為漢之基氣之厭兮慮漢之昌厭之不得速
秦之亡秦之厭漢其惟一身漢之厭秦乃有萬民高臺巍我
王氣氤氳秦政已矣漢德惟新決決前古茫茫後塵故國蕪
沒荒臺草萊行人環竦惻愴斯文又梁灝詩天生王氣何能
厭羸氏空勞築此臺今日我來臺上看殘春寂寞野花開元
袁遵道詩西出咸陽駕上東倉生辛苦眼
遭逢古來有德惟天命厭氣臺空夕照中

鳳鳴塔

縣志在東門外南又有鳳凰卵在縣東北泡河邊有土阜十

餘堆以像鳳卵正德二年黃河入泡沙淤又有鳳凰膝縣志
豐縣舊城週圍九里許城四角高三丈餘城之西南獨高四
丈餘相傳為鳳凰膝垂左翼于東南右翼于西北各長數百
丈今兩翼河淤惟膝高丈餘明初建天王寺於上後廢萬歷
間復建河伯祠又廢

朱陳村

縣志村惟朱陳兩姓居之故名離縣二十里在趙莊都穆南

濠詩話在縣東南一百里唐白居易詩徐州古豐縣有村曰

稜聲札札牛驢走紆紆女汲澗下水男採山上薪縣遠官事
少山深民俗淳有財不行商有丁不入軍家家守村業頭白
不出門生為村之民死為村之塵田中老與幼相見何欣欣
一村惟兩姓世世為婚媾親屬居有族少長游有羣黃鷄與
白酒歡會不隔旬生者不遠別嫁娶先近隣死者不遠葬墳
墓多繞村既安生與死不苦形與神所以多壽考往往見元

古蹟攷

同治徐川子志卷第一八口

三

孫我生禮義鄉少孤且貧徒學見是非祇自取辛勤世法
貴名教士人重官婚以此自桎梏信為大謬人十歲解讀書
十五能屬文二十舉秀才三十為諫臣下有妻子累上有君
親恩承家與國事望此不肖身憶昨舊游初迨今十五春孤
舟三適楚羸馬四經秦書行有飢色夜寢無安魂東西不暫
住來往若浮雲離亂夫故鄉骨肉多散分江南與江北各有
平生親生者終日別死者隔年聞朝憂卧至暮夕哭坐達晨
悲火燒心曲愁霜侵鬢根一生苦如此長羨村中民采蘇軾
題朱陳嫁娶圖二道何年願陸丹青手畫作朱陳嫁娶圖聞
道一村惟兩姓不將門戶買崔盧我是朱陳舊使君勸農曾
入杏花村而今風物那堪畫縣吏催租夜打門

杏花村

縣志在縣東南十五里

唐張籍詩一去瀟湘頭已白今朝始見杏花園春從來遷客應無數重到花

前有幾人杜牧詩清明時節雨紛紛路上行人欲斷魂借問酒家何處有牧童遙指杏花村國朝盧世昌前題二首紛紛雨過草痕肥蒨店深深半掩扉一例杏花開似昔青帘輕颺燕雙飛何必尋春恨較遲杏花新放兩三枝酒家亦是尋常事不及風流杜牧詩李甘霖懷古二首細雨微風踏杏花禽聲啼喚綠楊斜牧童歌入白雲去不見當年舊酒家村墟幾

吳康鎮

處長煙蘿四野青青草色多舊日使君曾一到至今猶自憶東坡

方輿紀要在縣南唐文德初朱全忠敗時溥兵於此今縣南

有吳康里案今縣轄十八里其南為大烏里恐即大吳之訛

三娘井

縣志縣南二十五里襄田集中井濶八尺覆以巨石外有四

小井圍之上有古碑云李三娘井相傳即澆麻處今淤

柳毅坡

縣志縣西門外上有將軍祠有古碑今淤

鳧鷖亭

宋縣令關景仁建

采姚雲詩序豐縣公宇之背子城之東隅有亭其上曰四望舊矣治平三年錢塘關

古蹟攷

同治後州府志卷第十八

公彥長以進士來宰是邑視事之暇而登覽焉病其棧棟欄
 楯之朽敗不足以蔽風雨而延賓客也於是易新名而完
 壯之又作詩其上以賦其事豐人嘉誦而喜傳者方領曳裾
 之外門門稚子林野匹夫同之於乎其聲譽之琅琅也粵
 三十餘年單父馬公以世胄之賢為令是縣愛其陂池游衍
 魚鳥出沒無有江湖之態芟荷菱芡有清適之境佳木秀竹有
 山林之氣又嘉公能寫咏其事而傳遠後人也於是迭出新
 意以廣和之言約而義豐辭勻而意遠不戾於古不愧於今
 信乎與作者同風也豐人安公之政而嘉公之咏樂與二公
 之詩俱傳不朽故特鐫於石以久歲月而且屬雲序之於是
 遂書云關景仁詩古有鳧鷖詩喜物遊太平今見鳧鷖樂為
 作鳧鷖亭夜安洲渚樓畫無羅網驚羣嬉固儔匹適意相飛
 鳴春風藻荇稠夜雨波瀾清時以王澤深遂此微物生飛
 枕秦臺繚繞寒蕪城俯目瞰清泚日羨鳧鷖情自惟縣合職
 朝夕親編氓土瘠民半餒役頻民少甯嗟爾多感迫豈與鳧
 鷖并我心徒爾嗟奈何存典刑爾勞憫以恕爾重移之輕庶
 幾皆有樂共戴君聰明民安令亦暇臨流解塵纓卒歲可歸
 去白髮南山耕馬建中詩古豐千歲遠漢皇實此生雉堞皆
 榛荆故魏徙都城縣宇構臺上臺基起秦嬴四達半農桑前
 池澄流清東偏特起亭題曰鳧鷖名傳是關合建下瞰連高
 豐亭興三十載繼踵多賢英開軒堪眺望景趣江湖并春夏
 菱荷茂秋三十載繼踵多賢英開軒堪眺望景趣江湖并春夏

豐西亭

元傅若金詩遙山寂寂對危亭壞礎欹沙柳
 自青四海久非劉社稷千秋猶有漢精靈

興教寺

縣志舊為永甯寺在縣治東北二百五十步北齊天保二年
 改白塔寺周天和六年燬隋開皇元年重立尋改道成寺大
 業初又廢唐上元間重興改重光寺尋復改永甯寺建炎間

古蹟攷

司台余州府志卷之八

庚

遷東北隅盧縮故宅金大定間僧普靜修建元至元間僧文秀重修大德時僧法澍屢葺明洪武間僧通改爲今寺河決寺廢知縣任惟賢重建於縣西北隅順治十年邑人渠燦撤舊殿重修今廢

大聖寺

縣志城北四十里唐貞元十七年建又城東十里有寶垆寺城北十八里有鄭家寺城東北四十里有繇口寺城東北二十里有停臺寺城東北十五里有賈家寺城東三十里有登雲寺城東南四十里有春臺寺城南二十里有許家寺城南三十里有萬陳寺城南五十里有曲房寺

銅鐘寺

縣志寺在城西南二十里釣臺村中又有馬莊寺舊名清涼寺在城南九里又有土橋寺在城南三里今廢又有苗陳寺在城西南十五里石甕寺在城西南二十五里呂垆寺在城西三里光慶寺在城西十里卽夾河灘寺

福勝寺

縣志元至正三年建在城西南二十里又有應封寺在城西四十里臥佛寺在城西北十里褚莊寺鯖鱖寺楊莊寺俱在城西北二十里羊苗寺在城西北二十二里今廢劉莊寺在城西北三十里胡莊寺在城西北三十五里安國寺首羨寺俱在城西北四十里洪坊寺在城西北五十里韓村寺在城北十五里清垆寺在城北三十五里今廢觀音寺在城西四

古蹟攷

十里名教寺在城北五十里丁蘭寺在城東北十二里賀珣寺在城東北四十里

崇福寺

縣志在城西北三十里丁莊集大定元年建又有千佛閣在城北二十五里忽城寺在城北三十里彌陀寺在城南五十里劉家寺在城南二十里皇城寺在城西南十五里王彥寺在城南二十五里報恩寺在城北五十里

邀帝城寺

縣志城西十八里

聖泉寺

縣志在城內東南隅又有望彭菴在南門外迤西準提菴在

南門外隆興菴在東門外迤南慈雲菴在南門外白衣菴一

在西門外一在華山迤西

洞真觀

縣志在城隍外東北隅元至正六年雲真子建至正二十五年改爲曲阜宮有碑記又有三清觀在南門外西王母殿在西門外南華觀在城南四十里棲雲觀在城北五十里和光觀在城西北四十里今廢天和觀今淤

燕王陵

縣志在縣東南三十里東華山中

齊王陵

縣志在縣東北二十五里漢齊王肥卒葬於此

古蹟攷

同治徐州府志卷第十八中

三

秦王墓

縣志在縣西五里許有塋地四十畝

楚王墓

縣志在縣東北此墓本嘉靖舊志

越王墓

縣志明萬歷時華山東麓因大雷雨忽崩裂露古墓有碣石云越王之墓人就視見一人臥石棺中衣冠如生頃卽爲灰土香爐供具皆陶器

莊伯墓

縣志無攷在縣西二里許今淤

馬維墓

縣志縣東北里許見前

周勃墓

縣志在城東北十二里明初漢碑猶存至今子孫世業八十餘畝

周亞夫墓

縣志在絳侯墓左明正德間文安賊過見有神牌懸門卽斂兵去知爲亞夫塚云

雍齒墓

縣志在城北九里許今淤

孫光溥墓

縣志光溥宋將墓在西門外相傳有塋地四十畝今淤

古蹟攷

同治徐州府志卷第十八中

三

李康靖若谷墓

縣志在縣北五十里棲雲觀前子學士淑墓附

袁學士遵道墓

縣志在華山西北又遵道高曾祖墓在華山西麓元姚燧袁

袁氏以元貞丙申冬十月卜新阡于居邑東華山之西麓厝其高曾祖考妣凡六喪越十五寒暑當至大庚戌會孫遵道海州贛榆縣力稼後遷沂之費縣會祖通魁岸力絕人任俠不羈嘗殺徐州牧家童賈暴悖為民害者時金籙趨訖法禁已弛主郡義而原其坐起家為吏有能名竟投筆去耕于費道嘗有賑恤志限以無位卒不克施遂攻醫為活人計娶劉氏一子鈞醫道益精詣徒家豐今為豐縣人娶王氏四子璧珪瑩瑄皆以醫為業珪居華山之陽舍南有桑外密中虛色蕤蕤望之如燕鵲巢見者嗟異曰巢見桑桃二有鳥構巢孳育其上巢作繭形日夕飛鳴上下如與人相周旋家人雖以物驅嚇不去也芝生于庭五色扶疏類人指掌爪甲具時稱三瑞國子祭酒劉公標名其堂以為活人之徵娶朱氏宋

氏三子遵道遵義遵禮四女璧娶呂氏三子好敬好義好古三女瑩娶傅氏四子熙敬熙仁熙文熙載女如之瑄娶張氏許氏二子必大必昇三女撮其男女十有二人女多二人再世而下將不百人而止也遵道繇成均陞吏部吏且梯此為代美官維古醫師隸冢宰歲終稽其全失以制其食後之為醫名業全與失無所於稽故世多札瘥昔人以藥之用猶兵之用兵藥固不可苟弗精其為殺人一而已道家忌三蕃衍盛大而禽鳥草木之祥有如此者詎非活人之明驗歟因銘其阡故詳論之銘曰惟古醫師冢宰是隸其全與失厥有成制後之為醫各業其業嗟嗟天民罹此凶折於惟袁氏醫業三世活人之微動植表異宜其子孫螿螿訖訖受其報施施如活人盤盤東山業業其麓有碑方趺永揭寄躅

袁丞相渙墓

縣志墓與袁學士相近

元侍郎曹中墓

縣志在城西百步許又有白侍郎墓在縣西三十五里又有

古蹟攷

同治徐州府志卷第十八

三

丁宰相墓在灰城界明嘉靖間墓碑猶存隆慶初沙淤
徵士秦英墓

縣志在城東南三十里許當元末兵戈擾攘而徵士讀書自
若卒葬於此

趙御史恕墓

縣志在縣東南二里又有王太守正墓在縣西三十里胡太
守甯墓在縣北四十里楊名墓在城東北里許史縣令可傳
墓在縣東北六里子文燧葬其側又有崔連雲墓在城西三
里

李敏達衛墓

縣志在縣南楊家集

翼為明聽之任其識足以理其才足以集事其精誠足以
結主知而展經濟用能上下交孚想膺宸眷功績紀於族
常聲名垂於竹帛存榮汲卓乎不朽者於太子少保兵部
尚書直隸總督謚敏達李公見之矣按狀公諱簡字又玠先
世在明初以軍功世襲錦衣衛由常山遷居豐曾祖諱從
祖諱藻考諱宗靖皆以公貴贈如其官曾祖妣皇甫祖妣
並神僧授寶器而夫人公妣汪封一品太夫人初太夫人方孕
而孤哀毀若成人及長才氣橫逸識量軒豁生平讀書不求
甚解而所過目則終身不忘尤銳意經世之務遂以國子生
就選兵部武選司員外郎裁定案例賄請不行陽城田文端
公時為少司馬一見器之日非常才也此席他日屬君矣閱
二載陞戶部廣西司郎中事遇紛糾長官恒委裁決悉合條
理西旱饑從高安朱文端公奉命賑濟悉心籌畫全活無算
所過郡邑雖盤殮之饋不受文端公以才能敏幹操守清廉
薦授直隸巡道諭九卿曰曹郎實心任事如李衛者蓋無幾人
持授直隸巡道諭九卿曰曹郎實心任事如李衛者蓋無幾人
聖祖仁皇帝固心眷注公矣御批奏牘有剛直居心莅事忠誠
雲南鹽驛道廓清積弊政使仍管鹽驛道事兼管通省銅廠
勤敏之褒旋陞雲南布政使仍管鹽驛道事兼管通省銅廠
請制府兵勦定三苗特給兩代封典賜御書公勤廉幹
古蹟攷

匾額隨有浙江巡撫之命入見賜花翎公曾以母病乞
 歸省故令就為母壽人以為親瀧宸翰永錫康寧四大字及參
 嚴條約有司皆稟奉職無敢違時鹽務海塘俱歸兼理
 所興革利弊不能殫述更為紆南米賠墊轉派之累清丈錢
 江漲沙起科以抵仁錢兩邑難賠丁額隨事規畫所無所容
 又行順庄均田役法革數百年里書圖甲之弊豪猾無所
 而通賦頓清動帑金三十萬倉以備平糶適奉截南漕以資
 之缺額者請即以所存川米資之不待徵漕而事集繼又因
 省之命公請即省城永濟倉以備平糶適奉截南漕以資
 淮宿水災請以餘米轉輸平糶成報可公之隨應變公忠
 無我皆類此也丁未晉階總督管巡撫公兼鹽政並管理江
 蘇諸府州縣捕思所以報効天子公素嫻武藝每操演兵旅
 起夜分不寐督捕事前此未有委任彌隆公愈自勵味爽而
 登壇指揮軍容甚盛江洋多盜出沒於江浙交界太湖之
 公廉得其姓名居適江而南巡查御史王君肅章抵任公移
 扎密商漏網與巡察會界上而潛遣兵役躡賊不三日積匪
 獲無一僧裝投宿祠廟中夜渠魁或以應捕私梟數百人密令
 或咸服厥辜又除黃河濱積賊及奸捕私梟數百人密令
 捕東南數千里無盜賊之警公之發奸捕私梟數百人密令
 此東南數千里無盜賊之警公之發奸捕私梟數百人密令
 惟南北海三關衡量百貨酌定規則刊木榜立關前詳察從

洋從乍浦出口首向多挾貨居奇公告諭以天朝威德
 倭皆願首順命以故銅額無缺至若疏西湖淤塞以資灌溉
 葺前賢祠以志景仰築城玉環山聽民耕種以重海疆修舉
 廢墮湖人士大悅服已酉奉命召入朝日賜尚方珍膳
 命遊覽御園遣畫工圖公狀貌以示眷異晉階兵部尚書
 回任中送溫旨慰留尋加太子少保辛未再入朝命在軍
 請終喪乘馬入紫禁城旋署刑部尚書每日批閱堂稿
 機處行走乘馬入紫禁城旋署刑部尚書每日批閱堂稿
 累年積案直隸總督合省提鎮悉受節制公馳歷塞外查閱
 邊防足軍實練武勇於保定募兵二千悉成勁旅整肅官吏
 請設大名兵備道以重彈壓復請以巡道事務歸各河道領
 之屬員有廉幹而因公望謨者請予錄用効去其貪懦吏賞
 罰明信人皆思奮郡邑定擬招案必反復研究以益書院
 南飛賊積窩密訪捕戮三輔咸稱神明更捐養廉以益書院
 諸生膏火百務修舉其措置不異撫浙時而幾務愈紛處之
 愈裕西睡用兵請効力行間不允甲寅貴州苗蠢動請以長子星
 垣從軍尋以奏捷不果行而公感激報効之誠亦可見也
 世宗憲皇帝賜龍馭上賓公入朝哭臨極哀皇可也
 寢殿賜以龍馭上賓公入朝哭臨極哀皇可也
 隸總河公往返三千里周歷永定河東西兩淀及運河海口
 古責文

應修築開濬者以聞報可丁已畿輔望雨
 勞公奏請停徵減糶留漕貯穀諸事詔即施行其秋奉
 命賑濟沾惠甚渥更貸麥種籽粒以濟民之無力耕種者
 午秋復苦雨奉命發倉給帑散賑被淹諸民亦漸積勞成
 連遇歉歲而民以不饑而公以河工賑卹諸務亦漸積勞成
 疾是歲八月皇上帝上展謁以河工賑卹諸務亦漸積勞成
 疾作而回上急遣太醫診視頒賜內府參藥旋入朝
 解任調治未幾而公竟以疾逝矣遺疏聞
 之稱公累任封疆實心辦事勇往直前無所瞻顧遣內大臣
 馳往酌奠茶酒喪還命所過郡縣內外二十餘年生平
 議卹典以聞卓賜公謚曰敏達公駁歷內莫釵護送詔禮臣
 所建立設施卓卓可稱述且受公駁歷內莫釵護送詔禮臣
 大畧而不可朽於後世矣公兄衡早卒禮事寡嫂以彰公
 後義田千畝為族人公產捐地五頃入徐州義學又嘗散粟
 賑荒此皆可稱道者公生於康熙二十七年正月十一日
 於乾隆三年十月二十二日葬於縣南楊家集之
 一品夫人繼配王氏誥封一品夫人子五長星垣丙辰
 進士一甲第三人御前二等侍衛嗣兄後星聚生現任
 戶部雲南司員外郎星照戊午副榜貢生星曜附監生星
 尚幼女四俱適名族孫男四光裕光朝光顯光隆孫女五人
 將以十月二十二日葬於縣南楊家集之

娥墓

縣志在縣西北三十里舊志未詳姓氏蓋古烈女云有娥墓

塚

放生池

縣志在城內西南隅

人傑請銘其隧道之石于不獲辭爰系以銘曰雲龍城
 猷茂焉 倣倣 帝冠朝列發軔即署海應藩宣建牙秉鉞厥
 之疾苦條列并陳 帝任股肱國資幹濟契合一心用深倚毗民
 顧彌隆夙夜盡瘁以勵匪躬天子曰俞令下如春直前不撓眷
 寵資超軼倫儕備極哀榮易名示後於燦 九列華階 褒賜
 在城葱鬱丕荷龍光 哀榮易名示後於燦 九列華階 褒賜
 勒銘徵信永世無忘

古蹟攷

代理徐州府學教授丁鎮瀛校

同治徐州府志卷第十八下

古蹟攷

沛縣

古小沛城

古沛國

按說文邑部輶國也水部沛水在遼東番汗塞外據此知豐沛之沛當从邑作輶後世假借作沛非正字

也秦縣歷代因之

詳紀事沿革表

元和志縣理城即秦沛縣城也寰

宇記亦云縣理城即秦沛縣城是今舊城即秦漢宋元故治

可知寰宇記又云微山在縣東南上有微子冢山下有故沛

城存焉樂氏於微山之沛不言漢縣意謂縣之別城非秦縣

亦明甚乃明一統志方輿紀要皆謂沛縣故城在微山下不

知隋以前微山屬留縣

隋書地理志留縣有微山是也

唐廢留縣始并入沛

古蹟攷

同治徐州府志卷第十八下

秦漢之間中有廣戚沛治何緣闌入其境今以元和志寰宇

記推之當從原志即今舊治為是水經注泗水南逕小沛縣東縣治故縣南垓上東岸

有泗水亭所指小沛縣治宋即仍其舊以泗水亭推之是其明證詳見泗水亭下蓋秦漢而後縣治亦畧有移徙於此可見一端詳

建置攷按通鑑興平元年劉備屯小沛胡三省注沛國治相而沛自為縣屬沛國時人謂沛為小沛孔宙碑陰弟子沛

國小沛周升字仲甫潛研堂金石文跋尾云碑立於延熹末

己有小沛之名疑當時縣名故有小字非土俗之稱也魏郡

治鄴不治魏此碑籍魏郡魏縣者二人不稱小魏與沛國小

沛書法迥異則小沛為縣名審矣元和志寰宇記亦云漢改泗水為沛郡理相城以此為小沛自是至南北朝皆稱小沛

蕭齊建武三年魏主宏如小沛是也縣東又有泗水城方輿

紀要相傳秦泗水郡治此唐劉長卿雨中登沛縣樓贈表兄

晚陂帶殘雨白水昏漠漠佇立收煙氣洗然靜寥廓卷簾高樓上萬里看日落為客頻改絃辭家尚如昨故山不見此

鳥那可託小邑務常閑吾兄宦何薄高標青雲器獨立滄江鶴惠愛原上情慙慙邱中諾何當遂良願歸卧青山郭鮑溶

懷古詩煙蕪歌風臺此是赤帝鄉赤帝今已矣大風邈淒涼惟昔仗孤劍十年朝入荒人言生處樂萬乘巡東方高臺何

魏魏行殿起中央興言萬代事四坐沾衣裳我為異代臣酌水祀先王撫事復懷昔臨風獨彷徨元傳若金詩縣路迷青

草行人蔭綠楊時逢浦父老能說漢君王芒碭來秋氣彭城送夕陽凭高發慷慨遠色正蒼蒼明顏瑄過沛縣獨坐蓬窗

對月明靜聞蕭鼓已三更舟將泊處聞人語驛未臨時見吏迎泗水亭前荒草遍歌風臺上宿雲平英雄同首今何在撫

景空懸萬古情歸有光詩泗水抱城闌東去日潏潏豐沛至今存漢事已干春嗟我亦何為獨嘆往來頻封侯不可期白

日空傳泗水亭井邑擬未真城外綠楊柳高帘懸風塵猶有民空傳泗水亭井邑擬未真城外綠楊柳高帘懸風塵猶有

賣酒家王媪幾世親高廟神靈在英雄却笑人國朝紀足過沛有階成產祿禍其勢由漸積可憐戚夫人母子遭虺蜺社稷易

搖搖兒女漫嘖嘖壯哉朱虛侯拔劍侍前席將種虺蜺社稷易古蹟攷

呂三奪魄漢祚不可移焉用右袒楊紛紛南北軍撫掌陳曲
逆邵大業詩擗冠人起白蛇傾欄醉東隣帝業成王氣自隨
三尺劍霸才能乞一杯羹雪迷衰草荒溝合日落
寒原野燒明回首繡衣憐下相東歸寂寞竟宵行

合鄉故城

春秋為合邑左傳襄十七年合左師漢縣後改合城旋復北

齊省詳沿革寰宇記沛縣有合鄉故城引劉芳徐州記云古

之互鄉春秋大事表引彭城古蹟志徐州沛縣有合鄉大事

表又云近志合鄉在嶧縣西北晉滅偃陽以封向戌是就其

初封以益之也二縣本接壤

故留城

秦漢故縣唐初始廢詳見紀事在今縣東南五十里與銅山

縣接界城今陷入微山湖元和志寰宇記留城在沛縣方輿

紀要從之府志及銅山志列入銅山界非是唐劉長卿歸沛

侯城詩訪古此城下子房安在哉白雲去不返危堞空崔嵬

伊昔楚漢時頗聞經濟才運籌風塵下能使天地開蔓草日

已積長松日已摧功名滿青史祠廟唯蒿萊百里暮城遠孤

舟川上迴進帆東風便轉岸山前來楚水澹相引沙鷗閒不

猜扣船從此去延佇仍徘徊

偃陽故城

周國漢為傅陽縣晉沒於胡縣廢詳辭封沿春秋大事表偃

陽在徐州府沛縣與山東兗州府嶧縣南接界案今夏鎮利

國韓莊三處為滕嶧銅沛四邑錯界偃陽立國適當其地故

或云在嶧或云在沛顧氏說最該洽今從之

廣戚故城

漢縣晉沒於胡縣廢詳紀事一統志故城在今沛縣東北方

古蹟攷

輿紀要在今沛縣東北四十里縣志同舊志引水經注云泗水自沛縣又東南逕廣戚縣故城南今縣東有廣戚鄉蓋因故縣得名縣志謂在東北四十里與水經注不合今按漢戚縣屬東海郡其故城據一統志滕縣志皆云山東滕縣南七十里戚城卽廢戚縣以今地攷之夏鎮北里許之戚城北距滕七十里西南距沛四十里或謂之漢戚縣或謂之漢廣戚豈有一城分屬兩郡之理舊志疑之是也然廣戚之治舊志未能確指其地攷之通典徐州沛縣卽漢廣戚故城寰宇記旣云沛治城卽秦故縣又云沛宮在縣東南一里今在廣戚城中據此則漢之廣戚與沛縣相去僅一里後漢廣戚屬徐州彭城國沛屬豫州沛國一里之間頓分兩州揆之理勢亦頗不順竊疑寰宇記所載微山下之故沛城實卽通典之沛縣治通典之沛實卽漢廣戚縣治晉以後隋以前則地屬留縣故隋地理志留縣有微山魏地形志留縣有廣戚城也唐時必曾移沛縣治廣戚故通典云然杜佑而後人但知爲沛城而廣戚之名掩寰宇記附沛城於微山附沛宮於廣戚於是城雖在而名實殺矣名猶存而時代亂矣若從寰宇記謂廣戚距沛一里何以魏收志廣戚城不屬沛而屬留杜佑當時曾爲徐帥必親見沛治廣戚不知何時復還舊治遂啟後人之訛誤耳水經注泗水先經沛宮東南經廣戚又東南經留城經流判然可爲明證餘互見山川攷微山下

戚縣故城

古蹟攷

秦縣晉沒於胡縣廢

詳紀事沿革表

滕縣志縣南七十里故戚城周

四里今沛屬夏鎮城與戚城對峙

銛柝相聞二城中皆滕沛

錯界

去沛東北四十里

明泃河通判所駐卽此城也攷唐宋地志皆

不詳此城方輿紀要滕縣下漢戚縣治此沛縣下廣戚亦治

此蓋采之兩縣志故復見輦域記滕縣南七十里戚城卽

漢爰戚縣是又以戚城當爰戚也按史記曹相國世家攻爰

戚及亢父正義曰今在兗州南近亢父一統志在山東嘉祥

縣西南曹參自下邑虞西北道爰戚攻亢父北救阿由今虞

單嘉祥而至濟甯東阿志在急救田榮斷無折趨滕沛之理

此非爰戚明甚廣戚已見前一統志戚縣故城在滕縣南七

十里則專以戚縣當今戚城與漢書高帝紀秦泗川守北牧

兵敗于薛走至戚地勢脗合最爲可據今從之通典以爲戚

姬家故名戚城蓋唐時相傳如此戚姬定陶人是說未詳是

否姑存之

湖陵故城

秦縣後改湖陸劉宋省

詳紀事沿革表

方輿紀要在縣北五十里南

至廟道口十八里與魚臺縣接界漢書地理志補注按說文

作胡陵史記諸紀傳亦作胡陵湖胡古通

上邳城

商仲虺漢劉鄩封國

詳壽封表

水經注邳有下故此爲上矣亦名

仲虺城晉書地道記仲虺城在薛城西三十里齊乘曰俗曰

斗城潮水經城北西入於泗按滕縣與徐州城南北相直得

古蹟攷

同治後州府志卷第十八

五

百九十里故薛城在滕南四十里仲虺城在薛西三十里是城當在徐州西北百數十里昭陽湖內實為沛屬無疑方輿紀要徐州西北百二十里有灰城疑即虺城之訛也縣東北四十里有驩城縣志相傳齊右師王驩食邑兗州府志謂即虺城之轉音未詳是否姑附此

許城

地道記云沛有許邑定八年鄭伐許續漢郡國志注引此今左氏傳無此文滕縣志疑即詩居嘗與許之許通志云嘗許俱在薛城左右或嘗屬滕許屬沛歟今不詳所在又有灌城在縣治西北二十里方輿紀要引舊縣志相傳漢將灌嬰所築又方輿紀要泗河東岸有舊城相傳為張士誠所築

千秋城

魏地形志高平有千秋城即此舊志在縣治西北六十五里夏鎮西城

縣志始於萬曆十六年工部主事楊信築土垣於南北西三面十七年主事余繼善補築東面四門各有樓東曰見泰西曰瞻華南曰延慶北曰拱極東面臨河特多關二門曰洪濟曰小水門方輿紀要隆慶二年管界分司自沽頭移駐於此順治十五年員外郎顧大申始建磚城十七年主事李禧熊繼修康熙七年地震四門樓並圯按今夏鎮圩砦在運河東岸此城在西岸所謂部城是也又縣志縣治東十五里舊泗東岸有沽頭城明嘉靖二十二年工部主事東平侯甯建四十四年圯於水方輿紀

古蹟攷

司台徐州府志卷第十八下

要明管界分司舊駐南沽頭卽此

卧龍岡

在縣治東一里

泗水亭

〔水經注〕縣治南坨上東岸有泗水亭地道記沛有泗水亭亭

有高祖碑班固爲文漢班固高祖泗水亭碑銘皇皇聖漢兆

龔唐末風寸天尺土無埃斯亭建號宣基維以沛公場威斬

蛇金精催傷涉關陵郊係獲秦王應門造勢斗璧納忠天期

乘祚受爵漢中勒陳東征劉擒三秦靈威神佑鴻滿是乘漢

軍改歌楚眾易心誅項討羽諸夏以康陳張畫策蕭勃翼終

出爵褒賢裂土封功炎火之德彌光以明源清流潔本盛末

榮敘將十入贊述股肱是仍於皇舊亭苗嗣是承天之福佑萬

是升根生葉茂舊邑是仍於皇舊亭苗嗣是承天之福佑萬

年興晉陸雲盛德頌余行經泗水高帝昔爲亭長於此瞻

望山川有意慨然遂奏章以通情焉并爲之頌云爾晉太子

舍人龔士臣雲稽首再拜上書皇帝陛下臣雲頓首死罪伏

惟陛下下詔軒轅之版哲越三代之高蹤膺有聖之元景蘊生

命鑿民頤天思文獻聖以宅神器六合炎駕八荒星錯企皇

居於阿房倚逸鹿於九野謀猷回適天人匪祚乃爾斯國授

漢於西京是以克紹五緯章太素神下螭蟠泗水龍躍下亭慶

闢授命之符鈞天清建皇威肇於斷蛇神武基於豐沛掩四緘以

雲徘徊紫塵熠燿皇威肇於斷蛇神武基於豐沛掩四緘以

蔚拔足崇長指之賓吐殫納獻規之客元猷上通德輝下濟

仰翰雲禽俯躍魚鱗是以四海之內莫不企景嶽以接羣望

廣川而鱗集乘山涉水視險若夷奔波闕廷思效死節乃鳴

鸞在衡奔馳服乘山涉水視險若夷奔波闕廷思效死節乃鳴

補闕乎內威謀兼席卷項籍以分逋虜霧散遺寇蓋於蒼昊時

山嶽華不重三秦席卷項籍以分逋虜霧散遺寇蓋於蒼昊時

濟宇宙德被羣生天以蕭地馳廣密於丹輿鍊峻蓋於蒼昊時

而陛下猶復允執高讓成功靡有普天歸德羣后固請然後

古蹟攷

司台余川子示卷第一八下

二

班固撰錄聖功竊承陛下扶桑始照天暉未融之日嘗臨御
此川於是即命舟人弭楫水止瞻仰山川舊物不替永惟聖
輝罔識所憑遠眺念感物興哀終懷靡及拊心遐慕臣命
違千載之運身生四野之外恨不得役力聖明之鑒萬目風
塵之會揮戈前隊待罪下軍抽鋒威陽之關提鉞項籍之領
痛心自悼不知所裁行役之臣奉制朝憲雖懷方雖聖靈登
監肅將言邁實銜周極臣遊魂變化神道無方雖聖靈登
遐降步在天連光五精流輝太乙或冀神輿降觀薄狩五服
時邁玉輅言巡茲邑是以下臣仰瞻紫宮俯息恍惚情振
蕩靡審所如不勝延頸紫微結心閭闔之情謹住水濱拜章
陳愚臣雲誠惶誠恐頓首頓首死罪死罪以聞臣雲言
臣聞歌詠所以宣成之功烈詩頌所以美盛德之容是以聞
其聲則重華之道彌新存其操則文王之容可覩永惟陛下
聖德豐化比隆前代元勳茂功超縱在昔故詩歌之所依詠
金石之所踰揚者也臣謹上盛德頌一篇雖不足以仰度天
高伏則地厚貴獻狂夫區區之情臣雲云晉太子舍人臣
陸雲上於皇漢祖纂有唐平章在昔文思百王丹輝樓列
火精幽光爰茲聖緒頹維弛綱靈曜燿燦隋景扶桑則天未
墜重規吳蒼其規伊何橫乾作峻厥德不回矩地能順憑河
拓景喪嶽股頤龍章炳何倬虎質碩變有秦不競罔極黔首震
驚子師思虔神主上帝曰咨天鑒有赫乃眷伊漢此惟予宅
明明聖皇既受帝社上帝曰咨天鑒有赫乃眷伊漢此惟予宅

諸華爰祀天人天入攸嘉爰朝蒸徒蒸徒既和既和既順乃
矢德音豐沛之旅其會如林朱旗虹超形旆電尋推師蕭曹
撫劍高吟元戎薄伐時罔不龜凌波川潰肆野塗沈咸陽克
殄既係秦后我我阿房乃清帝宇穆穆聖皇天保攸定有項
吟援不式王命王命既既我西土於鑠王師遵時匪怒爰
赫乘鬻席卷三夏嗚嗚我軒矯矯乘馬爨伐強楚至于該下
天誅薄曜暴籍授首區區既混宇宙蒙父肅肅帝居巍巍神
器有皇于登是歸天位繡文于裳組華于黻明明天子有穆
蓄萬邦思樂皇慶協于時雍琴瑟在御大予舞功越裳委贄
肅慎來王明明聖皇開國乘制分圭祚勞河山命誓禮律克
彰典文垂藝有漢恢恢疏罔不替聖功克明九方孔安良宰
內幹武臣外閑漸澤冀域沾被戎蠻連光大素萬載不刊元
冥澄浦公亭詩遙山寂寂對危亭壞砌欹沙柳自青四海久
非劉社稷千秋猶有漢精靈豐西霧散烟沉浦場北雲來雨
入庭坐覺酒酣思猛士歌風臺下晚冥冥王侯宿浦燈客
亭驛維舟當泗水涼雨洗炎蒸砧杵孤城月漁舟別浦燈客
愁秋更甚鄉夢遠難憑千古龍飛地令人感廢興又汪乾利
詩芒碭山前秋草多彭城王業竟如何雲來還作真人氣風
起猶傳帝子歌朔鴈南飛離紫塞淮流東下接黃河知君躍
馬能乘興一路江山取次過袁凱泗上書懷為客山川遠封

古蹟攷
司台余川守志卷之八下

侯歲月遲後生方爾汝吾輩復驅馳豈是逢迎倦深知氣力
哀還將歸老意先報海鷗知國朝趙執信詩漢祖遺墟古道
旁秋波東去管興亡驪山氣向沙邱盡泗水雲連芒碭長豪
吏甯知季成事沐猴安得帝歸鄉賈生漫會歌風意前席無
緣問四方吳錫麒詩列岫森彭門迴風盪泗水真人昔魚服
大度表鄉里歛魄素靈藏承符赤曜起收秦見銜壁蔽楚無
費矢稜威攝區馭炎德受圖璽綿叢細禮興戎亭眷戈止時
來奮英雄事往思壯士荒波閃餘明故蹟標榮峙雲氣碭山
歸落日
照猶紫

沛廷

漢書高帝立為沛公祠黃帝祭蚩尤於沛廷

沛宮

括地志在縣治東南二十里漢祖宴父老於沛宮即此史記

孝惠五年以為高祖原廟按寰宇記所載沛宮在縣東南一

里與括地志異未詳孰是明萬壽祺再入沛宮詩二首故宮

老歲時猶設醴碑亭日月已忘年八心思漢皆如此鹿走興
上豈偶然却望魚膏然火處秦皇空使鑿重泉泗亭春盡樹
婆娑漢帝宸遊不再過魂魄有時還至沛樓臺落日半臨河
風吹大澤龍蛇近天入平沙鴈鷺多我亦遠隨藟綺去東山
重唱采芝歌國朝朱彝尊彭城經漢高祖廟作百字令詞歌
風亭長剩二楹遺廟斷垣推動芒碭雲霧銷已盡惟見馬頭
山擁逐鹿人亡斬蛇溝冷一片閒邱隴綠幡斜掛綠楊絲裏
飄動贏得割據羣雄六朝五季各自誇龍種魂魄千秋還此
地人疑野雞誰共社古粉榆村遙巫覡
孰管神迎送行人憑弔看來終勝劉仲

曹相國宅

今無攷

樊巷

縣志在縣治東南舊泗東岸舞陽侯故里也舊有古碑今斷
裂

滕公宅

古蹟攷

今無攷

周田

縣志縣治西北二十里相傳周勃居此

安國侯故里

縣志縣西北三十里有安國集相傳王陵居此土人因以名集

豫州牧廨

縣志昭烈屯小沛時所居今廢

劉伶宅

縣志引輿圖備攷沛有劉伶宅今無攷

齧桑亭

方輿紀要在縣西南徐廣曰梁與彭城間有齧桑謂此地也漢武帝瓠子歌齧桑浮兮淮泗滿

靜安亭

縣志在飛雲橋東南元季邑人符世榮所構吳興陳繹為記今不存

永賴亭

縣志在鎮山書院後萬厯初工部主事錢錫汝建志朱公功也今廢

春雨樓

縣志卽夏鎮城見泰樓也今圯又有洪濟樓在夏鎮運河西岸今毀又有康阜樓在運河東岸與洪濟樓對峙

國朝顧大申春雨樓

古蹟攷

同治徐州府志卷第十八

臨河面郭簪朱樓縹緲波光樓上頭東海萬山分障列兗州
泗水抱城流望中烟繞長隄柳天際雲浮錦纜舟况復夜涼
憑眺裏水晶
澄碧起吳鈎

鷄鳴臺

縣志在沙河東岸上明嘉靖時河決於此詳見河防攷

橫空陣氣長雲黑戈鏡照耀旌旗色龍跳虎躍神鬼愁漢楚
存亡一絲隔相持兩地皆雄據楚力疑非漢能拒瑞起炎圖
芒錫雲悲歌霸業烏江路空餘故壘傳遺蹟離合山河幾劫
敵戰塵吹盡水東流落日沙場春草碧明徐渭醉燼酒卧媼
墟武家墟呼野呼豐沛中羣酒徒噓季鼻大糟所都誰喚
隆準而公平十二年左囊還著紅衫應午炎七尺所臨萬馬
環諸王列侯敢不虔獵徒酒作隘巷看獨召故老金爵
乾惜青齊赭朱顏乃思猛士得將安歸問野雞還我韓

歌風臺

漢書高帝紀自淮南還過沛留置酒沛宮作歌令兒皆和習
之縣志臺在今縣治東南舊泗水岸屢圯屢葺

劉郎作帝歸博前一曲大風辭才如信越猶蒞臨安用思他
猛士為負鑄詩漢祖高風百尺臺十年客土生蒿萊無窮人
事水東去如故地地形三四來江淮猶沸鯨鯢血八十一車枉
歸轍白叟逢迎皆故人斗酒歡呼將別嶠灑迢遙非我鄉
死生此地烏能忘酒闌鳴笳動雲物青衿兒曹隨抑揚爾時
可無股肱力端思猛士守四方君不聞淮陰就縛何慷慨解
道鳥盡良弓藏文天祥詩長陵有神氣萬歲光如虹有時風
雲變魂魄來沛宮壯哉遊子鄉一覽萬宇空擊筑戒復隍帝
業愼所終重瞳愛梁父此情豈不同錦衣絢行書丈夫何淺
中緬懷首即意自足分雌雄向昔霸心存慷慨懷勇功不見
往年事烹狗與藏弓早知致兩生禮樂三代隆匹夫事已往
安用責乃翁我來湯沐邑白楊吹悲風永言三侯章隱隱聞
兒童葉落皆歸根飄零獨秋蓬登臺共悽惻目送南飛鴻元
吳澄詩黃屋魏巍萬乘尊千秋遊子故鄉魂韓彭自取夷三
族平勃猶堪託後昆湛露只今玉迹熄大風終古霸心存當
時儘是規模遠願起河汾與細論揭侯斯詩萬乘東歸火德
開漢皇曾此宴高臺沛中父老謳歌入海內英雄倒載回湯
沐空餘清泗在風雲猶似翠華來穹碑立斷蒼苔上靜閱人
間幾劫灰于欽詩素靈夜哭赤旗開鴻鵠高飛楚舞回猛氣
消沉人易老白雲千載遶荒臺楊祖恕詩怒濤突干騎上有
崢嶸臺六合一望萬里天風來疇昔龍虎氣芒錫深雲堆
古蹟攷

古蹟攷

同治徐州府志卷第十八下

海內故鄉重徘徊
被後乘駘朗詠三
崔嵬山東噫氣聲
沛中無此意伯心
歌首厭秦暴龍德
黔首飛雲揚九州
陵進庶羞悲歌落
求至終賢聖誰能
各置酒君王歸酒
宮同沽衣一歌豐
空寒未傾心未息
高臺誰敢相馳逐
鹿重瞳誰敢相馳
麟牛月天無光陰
壽稱明良拍社歸
侯草兒童拍社歸
傳授新英雄吐氣
尺神呵鬼護蛟龍
山橫空暮烟起行
度香城水練魯詩

鄉亦在茲酣歌自
馳帝業亦有在真
自取六馬馳上騰
出入李鳳詩一劍
罪家日猶自悲歌
成前春草碧三尺
為帝王龍泉三飛
鄉里中故老爭拜
半隨龍半為鬼翻
宙極四海一榻之
鄉土可憐創業垂
金戈鐵馬立戰勳
英傑遺孀手血戰
皆擊肘還鄉却賦
見今事無不然稍
來此見無不然稍
矣今人哀悲感慨
存溪石高嵯峨漢
年布衣起老嫗悲
陽春老劍磨血消
草沒荒城狐掉尾
古責攷

此亭長還鄉作天子沛公不樂復何為諸母父兄知舊事酒
酣起舞和兒歌眼中盡是漢山河韓彭誅夷黠布戮且喜壯
士今無多縱酒極歡留十日慷慨傷懷淚沾臆萬乘旌旗不
自尊魂魄猶為故鄉惜由來樂極易生哀泗水東流不再回
西風霸陵雨漢家社稷四百年荒臺猶是開基處劉原俊詩
六國無人祖龍死布衣提劍山東起入年置酒未央宮千載
猶思復田里風飛雷厲來咸陽錦衣其如歸故鄉登臺作歌
醉眼白俯視四海諸侯王寂寞河邊一邱土煙樹蒼茫接齊
魯行人何必重傷心世事回頭今已古明揚士奇詩漢皇清
勢排雲霧往績示殊偉不圖懷永固寬仁運乾剛四百降鴻
祚至今千載餘光華垂竹素崇臺面河曲穹碑倚煙樹我來
屬秋杪維舟久瞻顧橋首芒碭雲濤澹青空曙曾榮詩秦皇
失其鹿成陽為飛灰沐猴萬人敵叱咤生風雷堂堂隆準翁
仗劍起蒿萊天威動四海顧視羣雄推垂衣坐關中黃屋高
崔嵬一朝念鄉土萬乘忽歸來酒酣發浩歌意氣何壯哉大
風撼粉榆白日照尊巒焉知天運移埃飄飄芒碭雲飛散
後秋草翳荒臺流景能幾時昆明起塵埃飄飄芒碭雲飛散
不復回至今中陽里惻愴令人哀薛瑄詩故城南畔泗河隈
桑柘蕭疎盡芒碭雲霞散漫開一自鼎湖龍去後英雄幾幾復

沛中來又素靈夜哭秋郊月漢祖吳鉞三尺血芒碭雲氣從
飛龍威揚竹帛隨煙滅獨細羣策驅羣雄漢中一旅紅旗東
韓郎對語識成敗董公遮說開天衷王者之師仁以武諸侯
効順力如虎關河百戰芟羣雄垓下一歌散強楚風塵蕩滌
天下清萬乘不忘布素情黃屋歸來見鄉邑燕飲父老如平
生酒酣拔劍高歌起我詞激烈揚天地雄志深知大業成霸
來淚沾臆魂魄千秋思故鄉遂令此邑為湯沐獨承天寵何
優沃一四休運同始終三國遺民想興復至今有臺泗水濱
雄豪一去千餘春壞堦層層積蒼蘚平原漠漠生黃塵我來
正值清秋暮桑柘蕭蕭葉飛雨泗水南流芒碭高霸業王風
復何許徘徊重是古帝郊摩挲石刻心焦勞俯仰秋天莽空
闊杳杳鴻鵠凌風高季時勉詩君不見歌風昔日有高臺古
人不見今人哀露砌荒涼餘白石斷碑剝落生蒼苔憶昨歌
風臺下路鳳輦歸時花滿樹錦筵戲樂天上來嬌娥舞袖雲
中度威加海內未可論何如歸見舊山村青雲壯士古來有
白髮遺民今少存秋風日經過望齊魯野草寒花是誰主遠色
平分碭北雲寒聲曉度豐西雨層臺疊樹勢轉奇世人相逢
那得知好漢時從此啟銅雀姑蘇空爾為季東陽詩風急
高城湧暮波舊時臺榭此山阿鹿當秦楚黃塵合龍去芒碭
紫氣多海內英雄休戰伐里中耆舊喜經過功成坐失蕭牆
計遺恨當年猛士歌唐順之詩我來擬上歌風臺豈意臺空
古蹟攷

只平地琉璃古井亦崩塌斷碑無字苔蘚翳當年此地說豪
華富貴歸鄉多意氣粉榆社裏列黃麾泗水亭前張赤幟里
中父老競來窺昔日劉郎今作帝共談疇昔帝一喙季固大
言少成事惟牛張宴里開空進錢今日幾萬計坐中只戴竹
皮冠眾裏長呼武負字酒酣擊節帝起舞樂極歌殘更流涕
游子誰不悲故鄉萬歲吾魂猶樂沛賜名此朕湯沐邑世世
田疇免租稅風起雲飛又一時往事蕭條誰復記樵人不識
斬蛇藪行客還歸貫酒市臺下黃河盡日流瞬息人間幾興
廢葉向高詩漢帝歌風去不回空山落日照高臺一從芒屨
無雲氣幾見昆明有劫灰原廟草荒清蹕路斷碑苔掩濁流
隈長餘魂魄千年在凋悵粉榆事可哀屠隆詩漢家湯沐舊
山河宮樹臨淮控夜波明月可能銷豔舞西風吹不散悲歌
山中紫氣春陰合臺上黃雲秋色多萬歲歡娛歡不足平沙
輦道此經過沈夢麟詩孤舟入沛夜如何况復登臺感慨多
龍虎已銷天子氣山河元入大風歌九霄霜露凋黃葉五夜
星辰下白波獨有當時三尺劍至今光在末全磨季盤詩古
道春陰赤帝城疎籬斜竹隱丹楹鴻溝未許中分立龍彩常
驚五色橫臺上風雲豐沛酒馬頭煙雨古今情相逢莫歎山
河改鶯語猶能出漢聲王洪詩赤精自天啓黃屋逢空開富
貴歸故鄉遂築歌風臺佳人弄瑤瑟故老持金樽酒酣自擊
筑浩歌何雄哉彭城孤臺亦崔嵬百戰功不成千載令人哀
尚歸來回首望彭城孤臺亦崔嵬百戰功不成千載令人哀

樂銘錄詩黃屋初乘入故鄉悲風從此醉壺觴罔知有國因
三傑復恐無人守四方豐沛到今何寂寞風雲終古自飛揚
荒臺獨上追陳迹空見殘碑傍夕陽萬壽祺詩日暮高臺風
大呼沛宮子弟尚存無莫言猛士今安得已識眞人先有符
楊柳岸高懸野渡桃花沙暖入平蕪瀾瀾泗水環祠廟誰見
塵埃舊酒徒國朝邵長蘅懷古芒碭眞人秉赤龍故鄉行幸
有遺宮壁埋蚪蚪荒碑在木落牛羊寢殿空湯沐百年歡顧
老衣冠十日擁兒童淮陰已族黥彭醢慷慨何須悲大風顧
大申雪後登歌風臺示沛令一劍收秦鹿秋風萬里心悲歌
誰掩泣壯士已成禽并邑新豐舊筑憶龍蛇大澤深殘碑埋
雪後此登臨袁枚二首高臺擊筑憶英雄馬上歸來句亦工
一代君臣酣飲後千年魂魄散盡滿村牧笛是歌童泣下龍顏
河山有大風百二十人飄散盡滿村牧笛是歌童泣下龍顏
氣槩麤子孫世世免全租有情果是真天子無賴依然舊酒
徒父老尚知皇帝貴水流如聽筑聲孤
千秋萬歲風雲在似此還鄉信丈夫

琉璃井
縣志在歌風臺西偏

樊井
古蹟攷

同治徐川序

縣志相傳縣南門外井為樊噲屠狗處萬厯間知縣羅士學立坊表之

射戟臺

縣志臺在今南門內即呂布中戟解鬪處

射箭臺

縣志在縣治東南五里明成祖南下時築上有天妃行宮

清風潭

縣志在夏鎮城中河防同知行署後皮工妻女沈水處

苞橋

一作泡橋宋元嘉中魏兵敗于此詳紀事表方輿紀要在今

沛縣西又古泗水亭東南舊有石梁水經注載之詳碑碣攷

英會寺

舊府志在留城金大定三年建又有功德禪院在留城西

昭慶寺

在縣東北三十五里高村金賜昭慶寺牒碑記佛法東來流

行住坐卧四威儀無所去故號如來天人師仰智慧超三界
德高最無上一切威儀法燈燭作法舟航作法梯階作法津
梁濟渡眾生出離煩惱故缺趨異名分流合體故諸佛出世
惟一大事百億三昧無非度門舍利弗之智慧羅刹羅之
密行須菩提之解空皆最上乘證第一缺差磅萬劫而不
遺燾載恒沙而不可復歸無物而不無六通四缺咸歸依遵
之如上帝仰之如神明故十族之鄉百家之間必立鐵福延
生粵邑古沛高村村之背坎崇臺巖然廣袤方大榛荒缺七
八年建置道場額奈賓寺歲月缺敗基遺址蕭然塵存至缺
工庀材崇飾繪宇精舍攸墮後遭靖康建炎之亂玄關琳宇
化為缺圓念我佛之悲涼悼故宮之堙燼煥然一新尊崇像儼
眾檀越缺締構補壞支傾髮形輪奐煥然一新尊崇像儼
供聖賢包容缺乃佛力弘大梵宇鬱興落成滋久際大定二
年詔賜天下寺觀未名者額以昭慶頌焉易奈賓之號光賈
古蹟攷

林麓飲以眾生從無始來種種顛倒開不二門示真實際出
濁惡苦缺諸趣生慶善地亦以明矣而韓愈以為上古未有
佛時同家連缺壽考非因事佛而致然也自漢明帝始有佛
法其後亂缺相繼缺覺妙明偏十方界常善救人常善救物
商人告倦自息缺城窮子缺等恒河沙億劫修行盡天地墨
弘濟四生大庇三有佛何容心哉缺缺大德者必得其壽有大
德者必得其祿有德者必得其名有德者必得其壽有大德者
必得其壽有德者必得其壽有德者必得其壽有德者必得其壽
必得餘慶此庶人之慶也天子之慶也來章有慶譽吉此臣鄰之慶也邦
之缺天子之慶也天子之慶也天子之慶也天子之慶也天子之慶也
別宿植德本缺月黎元樂康寶祚延洪率由此道也昔周家
忠厚仁及草木卜世卅缺顯如此勿謂小善為無益而不為
小惡為無傷而不去禍福自己灾祥在缺味矣凡方袍褒衣
緇褐上首戴西方教奉竺軋法緇經梵唄當以天下昭缺作
矣

龍泉寺

縣志在縣治運河東岸又有隆興寺在縣北二十里白水寺
在縣東北二十里今廢丁村寺在縣東二十里昭陽寺在縣

東北二十里新興寺在縣東二十里草堂寺在縣東二十里
崇慶寺在夏鎮陶陽寺在縣東北二十五里臨隄寺在縣南
八里永甯寺在縣東北三十五里歡城集粟子寺在縣西南
二十里青墩寺在縣南二十五里

汲冢寺

縣志在縣西二十五里又有龍興寺在縣西四十里大盤龍
村秦村寺在縣南二十里無兒寺在縣西南二十里黃龍寺
在縣南十里石樓寺在縣東北十二里祥國寺在縣東南二
十五里興隆寺在縣北四十里曉明寺在縣西十里白雲寺
在縣西二十里龍岡寺在縣西北二十里揚名寺在縣西二
十里大安寺在縣西三十五里釋迦寺在縣西南二十里七

古蹟攷 同治餘州府志卷第十八下

山永寺在縣西北四十里

廣度寺

縣志在夏鎮新河東岸康阜樓內舊貯佛經一藏寺僧大千募置又有延壽寺在夏鎮城東一里四面佛寺在廟道口又其東湖中有馬家寺

崇勝寺

在夏鎮城中有唐天寶八載心經碑

丁思禮監心經碑記

知其永歸無漸教則莫詳其肇發亦如大川之相也初淺而後深之之行也爰有清信士丁思禮頌德純孝諒直彰仁賢彩若丹詞林缺落早揚儒訓曷際釋流宿殖善缺一門深入妻朱氏芳蘭佳秀智炬恒暉雖染世塵常樂無離往因東邁路屈灰浦遇見古碑墮壞彌極于時稽顙遂發願言敬鑄阿彌陀佛一鋪蜜多心經一卷願則彼作碑在此修竭力盡忠繼踵前跡雖殊異功乃無差百福莊嚴檀波為一足時也惠風梵響曙色舒輝緇緇黃聯闌衣冠霧集日以珠投濁水便

觀音寺二

一在縣東二十里一在縣東南十五里上沽頭

大覺寺二

一在縣西三十里桑子村一在縣東北二十五里丁村

彌陀寺二

一在縣西二十里高房集一在縣東北五十五里

華巖寺二

一在縣東南八里一在縣東北二十里西小房

小房寺

古蹟攷

縣志在廟道口北湖中其西有邢家寺又有丁莊寺在廟道
口西五里洪福寺在賀堦集迤東

臥佛寺二

縣志一在高房集南一在夏鎮北僧圓融建閣爾梅爲記

清涼院

縣志在縣南關又有福勝院在縣西北四十里灌城村廣福
禪院在縣東北三十五里高村久廢

三教寺四

縣志一在縣西南三里一在縣東北二十里卜家村一在夏
鎮見岱門內一在縣東北歡城集

觀音堂五

縣志一在縣治西南護城隄內一在縣北十二里張家莊一
在縣北廟道口一在縣西十八里鴨子嘴一在夏鎮北門內

白衣觀音堂五

縣志一在縣治西門內一在縣東南一里一在縣東南十里
一在夏鎮南門外一在縣西十里

地藏堂

縣志在夏鎮運河東一里又有鴻溝堂在縣東八里三聖堂
在孟家橋隄口內其東一堂名白衣觀

五聖堂

縣志一在五堡一在東閻興集又東南鄉有二堂

七聖堂

古蹟攷

縣志一在西門外劉家園其後為觀音閣一在谷里村亦有觀音閣一在安家口

老君堂

縣志在張仙林後又有南極堂在里仁集北無生堂在夏鎮延慶門外廣生殿在縣治東南十五里

三元宮二十二

縣志一在東門外一在西門外古城址上一在南關油房口一在三里河南岸曰裴家堂一在射箭臺上一在城東十五里曰秦家廟一在二十里舖曰朱家閣一在城北八里屯一在官莊一在廟道口舊運河東一在鷄鳴臺上一在揚名集一在七山集一在房家營一在夏鎮又運河東岸二處咸城

東門外二處南莊一處傅家集朱梅集各一

三清觀六

縣志一在東關玉虛宮右一在呂母冢西南一在四堡北一在六堡北一在張仙林北一在新河口

紫陽宮

縣志在夏鎮又有混元廟在縣治西南十五里朝元觀在夏鎮文昌閣後

仲虺墓

在虺城

張良墓

史記留侯死并葬黃石每伏臘上冢並祭魏地形志留縣有

古蹟攷

同治徐州府志卷之八下

七

張良冢有張良祠舊州志在城北七十里留城南又云在微
山上有碑刻漢丞相張良留侯之墓明徐惟賢詩羣山迴合
閉英雄披棘還來認舊
踪石徑殘雲留短屐墓門斜日倒深松運籌本為韓仇出
辟穀終辭漢爵封千古九原如可作高風逸逸定誰從

顏公墓

縣志在學宮西南數十武公名瓌又作環建文時死難子有

為陪葬其旁又有蔡僉事楫墓在蔡家村張太常貞觀墓在

東郭內明彭勛沛令顏公墓記知縣顏公墓在沛邑南關公
名環字伯璋廬陵薊城人也相傳為唐魯公之裔素

以學行稱於州里洪武末由明經授知是邑民悅其政太宗
靖難之兵壓境伯璋父子同日就死邑人義之遂殮葬焉歲

久塚平人莫能知正統初監察御史彭勛巡教至邑詢於致
仕戶部主事孟式得其葬處乃合有司起墳立祠而祭之以

文曰人孰不死公獨死義荒塚纍纍我獨公祭勛非要譽於
鄉黨蓋欲振綱常於百世維靈爽之洋洋永廟食於此地

山雲墓

在留城明史山雲傳雲為都督出鎮廣西卒於鎮正統四年

諭葬於此錢習禮撰神道碑

呂母冢

魏書地形志沛有呂母冢縣志在縣治西北一里

郭青兒墓

縣志在北門外宏治時烈女

許牡丹墓

縣志在東郭內嘉靖時貞孝婦人也順治間有人經其墓纔

舉足則地下有聲連振之則聲不絕嗣後過者皆然有長老

指為某貞婦墳有碑湮沒久矣因相與封墓扣出其碑遂寂

然

古蹟攷

同治徐州府志卷之六

清風烈女墓

縣志在夏鎮城北運河西岸下

耶孝子墓

縣志在縣治東南五里孝子名祺吳人死葬於此

張僊林

縣志在縣治西南二十里

龍化堦

縣志在夏鎮城西南雙耶對峙又有汲冢在縣西二十里黃

冢在縣治南十五里白冢在廣戚城北二里又有雙冢在三

河口疑皆古人冢墓也

邳州

下邳故城

州志在舊邳城東三里西距葛嶧山六里古國秦縣梁改歸

政旋復名下邳元省見沿革紀事表宋武北征記下邳城凡三重

城周十二里半寰宇記作十里半其南門曰白門中城周四里呂布

所築又有小城周二里州城西又有一小城周三百四十步

相傳皆石崇所築胡氏渭禹貢錐指下邳故城在今邳州東

三十里尋攷諸書更無他證蓋十字衍文也宋陳師道和寇

重門傑觀屹相望表裏山河自一方小市張燈歸意動輕衫

當戶晚風長孤臣白首逢新政遊子青春見故鄉富貴本非

吾輩事江湖安得便相忘元傳若金下邳懷留侯豪傑關休

運乾坤屬遠猷自須成漢業豈獨報韓仇黃石嗟長往青山

感舊游同時多草莽事定見封侯又貢奎邳州二首古城結

危構交遼哀招延朱碧遞懸見岡迥勢晚蟬填車縱橫遊重

屋光華鮮扣門多乞食民饑遠流遷桑柘重靄綠鬱鬱浮蒼

煙念此萬里道我舟亦已旋雲樹列環岫晴見散平川炬赫

古蹟攷

司台徐州府志卷第十

驪珠光隨風墮靈篇神清契高冥性飲涵靜淵出處古異途
世故甯紉纏簡書誠可樂軒冕非自捐推蓬晚逾迅凝霞助
孤鶩荒城十載路重經暫曠扁舟坐驛亭春到梅花何處白
雪晴山色向人青驚心家遠書難寄迎風寒酒易醒莫憶
牽衣兒女態曉猿夜鶴笑林局又陳字詩沂水碧潯潯汀沙
白鳥閒林邊鄰子國煙際暉陽山茅屋秋先破荒城夜不關
烹魚呼濁酒一笑夕陽間又陳秀民詩青山一髮見邳州落
日雲迷故國愁父老空傳黃石在仙人已伴赤松遊乾坤不
信無青氣河水胡為向濁流野樹皆鴉棲未定數聲衰角起
高樓明揚土奇夜泊邳州有懷平無漠柳依依迢遞煙村
夜火微遠水孤舟人語靜重城殘月滿聲稀心馳北闕應先
到山在下邳城浩浩未歸明過地橋須訪古酣歌母惜典春衣
峯山事有懷張都憲道經下邳城飛背人去又李東陽過頭見
青山高連雲樹白鳥自幽閒雙飛背人去又李東陽過頭見
州即事有懷張都憲道經下邳城飛背人去又李東陽過頭見
吏未語眉先羣張都憲道經下邳城飛背人去又李東陽過頭見
互相吞象山山水來浩蕩蒼崖根羣流所匯集勢欲凌高晏
川流失故道散入農家村疊岸頽磊何平田盡濼淪瀾浸極
千里連延踰兩甸居人半通徒津吏漫譏巡丁男不自保况
復論難豚膏民髮半白未嘗見與間憶昔當昏墊適余南使
辰幸得一葉舟避此千丈潭歸來歲暮水去當猶存移燈
屢更僕坐為將軍四顧指屋宇半是波濤痕此信咄咄

相逢漫云張公秉節城憂國意殷勤移文諭郡邑繪圖上
佩宸願言溥澤澤山谷同陽春蒼生正翹首慎勿埋雙輪又
李點秋夜泊下邳直雨濁河元楚塞古驛自秦城旅泊河山
異飄零風雨生波濤喧獨枕鐘鼓暗更深更秋事方蕭索應知
枉把六經灰火底橋邊猶有未燒書鄭明選邳州晚泊日落
留侯廟春深呂布城殘花晴抱蝶細柳暗啼鶯漸集河船密
遙生野燒明客愁無可慰膝上一經橫張瀚下邳道中黃河
故道沙為阜青草新陂水拍天社燕城烏渾不解飛鳴猶自
夕陽邊國朝邵葆醢邳州道中將曉留明鏡殘輝照客顏寒
沙微有樹薄霧不成山村遠鷄聲近秋涼馬意閒生平追勝
蹟今日傍江關霍紫綬詩湖水潺湲抱郭斜西風撲面卷蘆
花草橋進履人何在
落日荒城噪暮鴉

舊邳州城

舊志在今州城南九十里舊州志謂金城金人所置明洪武
十三年指揮王恒因舊址重築周五里門三北曰鎮北西曰
通沂南曰望淮康熙七年六月地震河溢城圯於水今之趙

古蹟攷

同治後州志卷之六

城驛俗稱舊邳是也

良城

邳州志在今城西北二十里春秋良地史記越王無疆謂齊使者曰願齊之試兵南陽莒地以聚常郊之境常即良矣漢

良成縣晉改良城唐省見沿革表寰宇記曰古良城在下邳縣北

六十里今其地在偃武鄉泖口社俗名梁王城按寰宇記良城下有齊天

保七年省之文而隋志不載未知何據

武原故城

漢縣後周廢詳沿革表舊志云在今邳州西方輿紀要在今州西

北八十里今州指舊邳也咸豐州志去今城十五里基址猶存

艾山廢縣

州志在艾山東北里許距今城六里魏縣後周廢詳沿革表今微

有城迹按魏志分僮實也僮在今唯甯境西與艾山懸絕必有誤矣

開遠廢縣

魏置後周廢詳沿革表今堙

歸正廢縣

後魏置隋廢詳沿革表及攷辨按縣故城今堙以魏地形志縣有陳

珪墓推之墓在今州治則縣故治當去艾山不遠也

余行省城

州志在受賢鄉元末平章王信築俗呼行如杭矣方輿紀要

云余行鎮在州北七十里謂舊城其地有余行省城舊志在今

州南二十里

古蹟攷

司台余州府志卷第一八

高遷鄉

漢延熹中封周永為高遷亭侯見前封表州志引十三州志云下邳有高遷鄉永之所封乃食高遷鄉為亭侯顧氏乃謂有高遷亭江南通志沿之亦誤也

剛亭城

見水經注武原水下今失所在

源雀鎮

州志在州東北天金國志正大四年北軍長驅而南於是并力守黃河保潼關自洛陽三門析津東至邳州之源雀鎮二千餘里差四行院各分地嚴兵以守即此地也

石羊岡

州志引魏書孝明帝末年韋鼎為東徐州刺史梁遣田麤憚來攻鼎破之於石羊岡今邳州有石羊埠或即其地

礪子堦

州志引金史紅襖賊數萬破邳州礪子堦得船數百艘將跨河為亂行省侯摯以聞今失所在

徐里

隋書地理志在良城

昇仙亭

舊城西南相傳郡人劉綱昇仙之所後人築亭立祠

高妃里

州志在鳳皇山州民高浩女明宣德三年浩家晝落一星不

古蹟攷

逾月徵其女入侍

沂水橋

即圮上在舊城東南俗呼圮橋應劭曰汜水之上也文穎曰

沂水上橋也西征記有沂水自城西南注泗別下迴城南亦

注泗舊有橋張良與黃石公會處

一卷長者三期昔稱韓相今為帝師穀城餘石還歸舊祠唐
李德裕圮上圖覽夫天所以降清者其氣理也故能四時變
化萬物粲然倦則陰陽為災光景不耀則於人乎人亦肖
圓方之形稟清濁之氣存神索智極物窮情則倚伏之先見
其如視矣子房潛心於神而達之見其圖狀如得其奧則有
女子之粹美嬰兒之專和粹所以合至精專所以研至蹟散
萬金之資柔毅也若乃五萬乘之仗仁勇也學履倉君履方也
名退不離國心不忘乃五期三往增敬則尾生之信違道
矣退不離國心不忘乃五期三往增敬則尾生之信違道
望仙路以鴻冥優游於綺皓之門髮鬢乎赤松之際豈不
始善終哉黃石者其天地之蘊神明之靈歟不然則無以
悟子房輔翼大漢嗟乎喪亂既定帶置而保嗣之生也奉符

毀而司空有以見子房之神交不渝矣唐梁肅圮橋石表銘
并序臨淮之下邳有古圮橋蓋漢少傅留文成侯張良受神
人黃石公兵書之地初留侯醜秦高帝在豐龍虎不起風雲
未會黃石公知天衢欲平否極必傾秦之亡而漢之昌故先
也故以號云夫受命之君與佐命之臣將欲敘天道定人倫
則必幽贊神明協成助在黃帝氏方平蚩尤時乃元女啟
符風后行誅然後迎日推炎天下大治在帝堯方被水害時
乃洛出九疇禹成九功後萬國底甯黎民時雍在漢祖方征
秦項時乃黃石授兵留侯演成然後繼嬰軼道斬羽垓下自
昔元圖元命著在篆籀皆片言隱辭無益帝載惟此三后感
及神書文章昭明大業用與易稱神謀鬼謀百姓與能又曰
則道設教而天下服蓋謂是矣凡志不定則事不成謀不從
則業不廣留侯不遭黃石無以定其志高祖不獲留侯無以
廣其業人神參并漢道乃行不然何通聖賢君臣遇合上
得天統中為帝師如此其盛也夫歷年子旅遊次墮履之
地於是鑽石勒銘揚於邳圮席待力遠天徽功妄作之輩於
以敬戒之爾銘曰陰陽之精不測曰神厥有黃石假形為人
告謨留侯夷項滅秦跡寄穀城精還氤氳惟帝軒后肇興兵
謀元女降符實平蚩尤爰洎陶唐洪水橫流天乃錫禹洪範
九疇亂秦紛如帝在草茅赫矣黃石亦命留侯不顯有唐紹
漢絕風革暴承天與軒比崇亦有反常貪亂圖功人神莫從
古蹟攷

司合余州并示

卷一八下

動罔弗凶有開必先惟德乃同宜究茲道順於家邦作爲紀
銘永鑒無窮唐李白逕下邳地橋懷張子房子房未虎嘯破
產不爲家滄海得壯士推秦博浪沙報韓雖不成天地皆振
動潛匿遊下邳豈曰智非勇我來地橋上懷古欽英風惟見
碧流水曾無黃石公歎息此人去蕭條徐泗空胡曾圮橋詩
廟算張良獨有餘少年逃難下邳初遂巡不進泥中履爭得
先生一卷書國朝蘇峴圮橋懷古炎劉一劍幾更遷納履遺
蹤尚宛然不信老人能化石須知孺子愛求仙報韓志遂堪
千古滅楚功成只五年爲讀幾
碑延佇久荒城薄暮起寒烟

石崇別業

州志在舊城北一里有漆井今湮又有漁亭在舊城西沂河
東相傳石崇漁於此

項井

州志在舊城西南

葛洪井

州志在葛嶧山巔

巨川神祠

魏書地形志注在沂水上

石室祠

州志在徐山偃王走死武原民鑿山爲室祀焉

藏梅寺

邳州志在昔山唐建

清涼寺

邳州志在宿羊山元至正中建

瑞香寺

邳州志在宿羊山古松千章蒼黝隱然

古蹟攷

同治徐州府志卷第十八下

興國寺

在過滿山元泰定三年建有碑寺東有古楓古槐類千餘年
物又殿前古柿一株亦數百年物交枝虬結莫究端緒殿廊

一石光明若鏡以水瀉沃見雙鶴宛然元興國寺碑記

缺興國寺在邳西缺五里缺孟家缺王德缺之子名春者
缺地入政德俊缺始寺基德其缺遠虛靜可缺建佛殿一其

楹四方丈一其楹六宏壯堅缺寺之興植缺之庭植槐四
今皆合抱煙擁雲屯寺西南缺院缺潤廣茶毗而德後來

構與國缺也鼻祖之弟子五人缺道缺吾之伯也缺道肇吾
之師也于道清缺安先歿道月雲遊吾師侍其側疾革缺寺

事命缺吾缺之弟子長即惠澄次缺金缺惠澄嗣居法會于
茲二年泰定乙丑秋缺缺缺缺釋迦佛文殊普缺義勇武安王

力所成而實賴鄉耆缺缺其函經有增缺今年缺非惠澄獨
戊迄泰定丙寅首尾四十一其事跡缺之沙門無以稽考

冀煩大筆一揮毋悞予缺不獲已乃為記之因而告曰儒者
缺也雖然竊聞之有差有等缺之缺古四今六廬居火書之

詳其明缺當因所學可缺本心所缺惠澄之慧而未缺之文

暢若也憶今在蘭若缺紛缺特惠澄而已是以缺心未得而
愛而差等六不缺四而思逃百無所謁膠於見聞缺死不缺
世之聞道者缺懷慮其居之缺而乏火其書之力可勝歎哉
可勝歎哉予固缺之班缺因歎豁然而悟曠然而易名教缺
遵冠巾我用缺屋我居六籍我明然
後感鄙缺請故缺諸石以諗達者

洪福寺

在新城北門外

宗善禪寺

邳州志在舊城羊山頂明成化中太監徐瑛請敕賜名

半戈山寺

今改名觀音堂

觀音堂

在舊城大隄竹竿菴

古蹟攷

同治徐州府志卷第十一

三

準提菴

在舊城大隄上又有龍興寺在沂河西岸昭東觀在舊城東南十里俱廢

白玉寺

在石羊埠

陳球墓

水經注泗水東南過下邳縣故城又東南至下相縣故城

之西有太尉陳球墓墓前有三碑

漢故太尉陳公碑銘君諱球字伯真有虞氏之褒也當周盛德有虞遏父為陶師公生公子完適齊為桓公公正其後強大遂有齊土楚漢之師官生毛有令名廣漢太守公既纂世業不墜前執孝友祗穆師典誥微言雅頌情指憲發綱統莫不守其條貫綜其倫理采師換東城門侯虔恭職司夙夜匪懈遷繫陽令竟以鐵二溫而師不遺跡邈而不喪母去官服除辟司徒府拜侍御史與陸梁荆揚州郡

莫能禁禦太尉楊秉舉公師師奚鐵二弱鐵三難一缺而平
詔書鐵五十萬州師公發遣屬辟鐵二難公赫師有言者
斬而悉與人民老弱缺共鐵三材為大弧師攻前缺遇之弘
眾而遁全郡保鐵六拜子男師作大匠孝和晏駕鐵四躬親
功師司徒高元表公為河南缺惟明克缺公師遂作司空通
導水泉稼嗇繁阜陰陽師致仕賜榮而退復拜永樂少府光
和師而不撓雖有周之申甫漢佐之匡翟師知公之明德其
辭曰於顯明德峻喆鐵二直缺平度伊師故太尉陳公碑陰
故吏鐵九息缺故吏鐵二平恩缺三祖師允明千故吏鐵
字嚴鐵三五百故吏鐵六五師祖允明千故吏鐵
嚴缺子夏二百故吏鐵三嚴追季祖三百故吏鐵
二百故吏鐵二許缺顯德二百故吏鐵五遷二百故吏鐵
吳憲元將千故吏鐵二毛缺君缺五百故吏鐵二王缺子缺
五百故吏鐵四元起五百故吏鐵三侯高君舉五百故吏鐵
周清文德五百故吏鐵二李忠世持二百故吏鐵五百故吏鐵
然五百故吏鐵二千趙師故吏鐵三百故吏鐵二岐周子
乘儀元表二千趙師故吏鐵三百故吏鐵二岐周子
故吏繁陽張師故吏鐵三百故吏鐵二岐周子
故吏繁陽張師故吏鐵三百故吏鐵二岐周子
百故吏繁陽張師故吏鐵三百故吏鐵二岐周子
黃馮鐵三三百故吏鐵二內黃焦松鐵三三百故吏鐵
干故吏鐵三三百故吏鐵二內黃焦松鐵三三百故吏鐵
古蹟攷

安缺訓三干故吏列人孟條缺二二百錢難下缺三漢
 故太尉陳公後碑君諱球字伯真廣漢太守之元子也蓋周
 營州來宅海淮世航典籍兼通勤海振表謁即徵聘答宰司
 荷顯貢者繼世而傳焉至公剛寡欲缺懿惠和高明柔克
 甘味道藝強學博物凡墳素遺訓聖賢立言物精極微無缺
 不究缺除郎中尚書符節郎恆陵園令換中東城門侯遷繁
 陽令養老長孤救災匡節化惡以善擾逆以缺韋厥澤鴻幸
 則百姓敬之如神祇愛之如慈親矣暨子孝績遭繼母憂禮
 紀向闕羣公爭招遂缺拜侍御史爾時蠻賊胡蘭李研等
 蜂聚蛾動剝落荆揚出師命將輒有奔北之困太尉楊缺下
 公嚴缺曲陳為鷲為缺兵揚霆激暮月獻捷有詔厚賜榮書
 歎述續遇叛兵朱蓋等建缺三牧二守零陵之宜初缺阻缺
 土地平夷編木為城舊有過夜未嘗能亢蓋等望缺以爲缺
 吏入便就館穀公慨然抑留妻子以鎮民心援甲登卑親帥
 震南夷功光王室詔拜子為郎缺優缺二勞事死仍隨缺威
 郡太守徵拜將作大匠會孝相皇帝崩實掌梓宮缺事身安
 茶缺南陽太守父病去官居家半年弘授廷尉入議定缺二
 無辜民乃遷衛尉遂作司空缺士缺二濟可黜否不選能缺二
 仕復拜廷尉進登太常三禮咸缺二時西戎不王選能缺二
 朝缺舉荒傷千戈斯戰缺三烈又拜永樂少府年六十有二

光思樹缺法三應符守八作卿缺二任相缺慎在幸割缺二
 茂缺是凡我困蒙灑掃之缺下顧秉心茲隆天命弗缺嗚乎哀
 哉缺不朽實任傳紀乃相缺三缺助績銘缺玄石缺五凶播恩
 降茲缺耗爰作民牧遠鎮南缺近撫缺服茂缺五凶播恩
 缺升大鹿沛乎如川礪缺猶缺缺休休之志天缺為之墮我
 梁缺勿思是用
 鑽勒永缺萬基

陳珪墓

州志引魏志歸正縣下有陳珪墓在今州治也

陳琳墓

州志在舊城見九域志今皆無攷唐溫庭筠過陳琳墓曾於

古墳詞客有靈應識我霸才無主始憐君石麟埋沒藏秋

李婆墓

夷堅志下邳境內有古邱相傳為李婆墓莫知其何時又言

古蹟攷

同治後州府志卷第十八下

三

多藏珍寶積爲亡賴惡子所睥睨紹興丁巳歲僞齊之末羣盜肆行焚廬發冢畧無虛日遂從事於李墓呼聚三百人畚鍤備集自晨至午啟鑿及於塹中棺槨皆露眾疲困憩臥或餐乾糲俄一媪長七尺餘髮白面黑形極醜素練寬衣端坐槨上彈指長嘯響振林壑溪谷涓流一切沸涌眾怖而散走須臾煙靄四合神鬼出沒或聞闐闐車馬聲隱隱如雷移時開晴一盜有膽者復往視已失棺槨所在但存空穴嗟悔而歸五旬中多暴死及無故顛隕者里民爲悉力掩壙且致祭焉

義士王台輔墓

舊志在縣北四十五里象山巔國朝李玉鉉明義士王台輔墓石銘冰雪爲骨金石作肝

克配孤竹作對文山孤陽一綫獨殿歲寒扶義殉君不負其丹諡曰貞夷百世孔安周修齡謁象山王義士墓日暮長河去高山處士即廬陵歸正氣孤竹結同儔草白荒塘月石寒古道秋九原終有憾揮淚付東流

孝婦冢

州志孝婦聶氏明舊志在受賢鄉陶合社

宿遷縣

司吾故城

古鍾吾國漢司吾縣魏省爲峒嵒戍寰宇記故城在縣西十

里按字有缺當作舊志縣北六十里有司吾鎮縣志今鎮東

二里有故城遺址尙存在今縣東北七十里非西北也按宿

遷志稿謂司吾疑同吾之誤故宋書州郡志僑縣改司吾曰

桐梧魏書元禹傳帶桐梧戍主通鑑後漢乾祐二年敗唐兵

古蹟攷

司台徐剛好志卷第一八下

于同梧鎮胡身之注峒達貢翻皆其證也志稿又云古人鍾同字通如周禮六律六同漢書作六律六鐘是也然則由鍾而通為同轉為桐為峒由同而譌為司後人反譏胡氏音釋非是互見紀事沿革表

公猶故城

古國漢縣後漢省詳沿革表元和志宿遷漢為公猶縣舊志在縣境按史記樗里子傳索隱引戰國策智伯欲伐仇猶韓子作仇由地理志臨淮有公猶縣是司馬氏以智伯所伐之國即此公猶而張守節正義羅泌路史俱以為智伯所伐不在是

二說不同要之漢縣得名必因古國無疑也互見爵封表沿革攷辨

下相故城

秦縣應劭曰相水出浦國故加下魏盱眙治臨清郡治此北齊廢詳沿革表江南

通志縣西北七里有下相社舊志同

按唐宿遷仍晉宿預舊治故括地元和兩志俱謂下相在縣西北七十里以寰宇記故宿預城距下邳里數較之則括地志所謂西北七十里與江南通志之縣西北七里實近也詳宿預城下唐張說下相九日城北亭子詩西楚茱萸節淮南戲馬臺甯知相水上復有菊花杯亭帳憑高出親朋自遠來短歌將急景同使興情催國朝吳偉業下相懷古驅車馬陵山落日見下相憶昔楚項王拔山氣何壯太息取祖龍大言竟非妄破釜救邯鄲功居入關上殺降復父讐不比諸侯將杯酒釋沛公殊有君人量胡為去咸陽遭人扼其吭亞父無諍言奇計非所望重瞳顧柔仁隆準至暴抗脫之掌握中骨肉俱無恙所以哭魯兄仍具威儀葬古來名與色英雄不能忘力戰兼悲歌西風起酸醞廢廟枕荒岡虞兮待帷帳烏騅伏坐旁踣地哀鳴狀我來訪遺跡登高見芒砀長陵竟杯土萬事同惆悵又戲馬臺前拜魯公興王何必定關中故人子弟多豪傑弗及封侯呂馬童

故凌城

秦縣漢泗水國治此晉廢詳沿革表亦名凌柵水經注泗水又東

古蹟攷

同治後州府志卷第十八

逕凌柵南西征記曰舊凌縣之治是也方輿紀要在縣東南五十里縣志凌城卽下古城今縣東南有古城驛蓋卽下古城也據水經注凌柵在宿預故城東南恐不止五十里矣

高平故城

漢縣後漢省詳沿革方輿紀要宿遷縣有高平城

宿預故城

按宿遷志稿云宋書梁書北齊書水經注俱作預晉書魏書南齊書隋書南北史新唐書俱作豫舊唐書

通鑑或作豫預或作豫古宿國遷處寰宇記晉縣爲郡治梁東徐州魏東楚州陳安州

周隋泗州下邳郡皆治此唐避代宗諱改宿遷詳紀事沿革表又梁

朝陽臨沐二郡皆治宿豫隋書地理志方輿紀要及舊志皆云故城在今縣東南按寰宇記宿預城在下邳縣東南百八十里

下邳故城卽今舊邳東南距今宿遷縣治百二十里是宿預

故城在今縣東南六十里當與凌城相近其城唐以前治所

也至宋時始遷今治故寰宇記宿遷縣在淮陽軍治下邳東今舊邳

一百一十里謂今治也唐錢起晚次宿預館鄉心不可問秋

迴雲隨去雁寒露滴鳴蛩延頸遙天未如聞萬國鐘宋王暉

自淮口抵宿遷風雨大作拖舟入清口適喜亂堆碧崖鎮抵

宿遷徐行纜半日朔風大作驚余不爾何凜慄江雲飛陣來涼

雨矢四集行牽人力微泥濘漕船側打頭爲旅拒遇淺殆鯨

吸波神鼓餘勇洶洶波浪黑勢張互相薄力盡硬與敵敵側

乃尋常簸蕩不可息秋江渺無涯終日困踟躕夜眠任倒懸

豈坐自撞擊試身一葉舟凌輾蛟龍窟遠道胡爲來行止吾

看坦途間風波尤莫測持身苟無方往往半乾沒居安貴不

忘過險戒無佚勿以長年老進諫及未失行入呂梁持守

要愈立又次宿遷望紫山不至河廣舟航小隄長市屋卑宿

遷元隔楚淮甸舊連邳濁浪隨時變香梗爲客炊紫山前有

古蹟攷

司治徐州府志卷第十八

金鏡白跟靦清

天我生不有命又道經宿遷望邳州中原行幾日今日纔見
山問山在何處云在徐邳間邳州山徐州水項籍不豈韓信
死龍爭虎鬪不肯止煙草漫漫青萬里古來劉季號英雄樊
崇至今已千歲元陳季古宿遷二絕淮水東流古宿遷荒郊
千里絕人烟征衫不脫夜無寐舟在西風亂荻邊日落狐鳴
野草黃鴈飛無數水茫茫鬼火寒沙上知是何年舊戰
場明王問古宿遷詩馬陵山頭落日黃白沙浩浩雲茫茫邱
湖東西少時隴黃河北來走大荒去年滿雨沂山道此水
深百尺強市門風翻波浪潤屋角人立鯨鯢長壯男倉皇奪
舟去老羸飄棄死且僵水落歸來問家舍折關不辨室與堂
高處猶存數十家泥沙在戶鮒在梁稍炊釜爨事苟活隣里
相對谷感傷新煙入雲意慘慘縣官喚爾修河防河乾餉來
期限急驅逐爾輩同驅羊形寒腹飢荷畚鍤北風吹人如蠅
鏹里門喧喧逐縣符至公家索租憂事始苗根傷盡不書災無
計輸償忽吞起逢人乞寬假恩聞者空含悽朝役城人言買
田作粥糜今日翻令鬻妻子樓船貴人日相續朝役城人言買
城北霍青漿濁飢時望蕭條無一民苦心中宿網頭啣布穀
春田油油行猶極望蕭條無一民苦心中宿網頭啣布穀
見萬斛之舟行江河中流莫遣饒風波又不見憂來病形誰
最深不在肌膚在腹心於今瀚海多胡騎政事九日過宿遷
掛席遙遙未休行程迤邐望邳州數家農舍通籬落幾處

漁舟聚流同首鄉園天渺渺驚心時序水悠悠紫莢黃菊
非無意沙鳥汀雲漫自愁又李東陽過宿遷此地仍多水居
人說往年平田翻白浪破屋帶荒烟黍穀無餘種魚蝦不
錢昨聞部使者又下九重天陳蒙詩古邑臨河水昏鴉噪
門連檣爭集市比戶自成村禾黍秋風隴牛羊落日原客愁
千萬種辛苦向誰論程敏政宿遷早發驛店蕭蕭雨落水村
喔喔鷄鳴淮枕處然夢覺沿河已有人行郭天錫舟次宿遷
值雨柳樹何處關春晡風雨滿船清興孤汝水雲心關漢節
淮山煙樹晚泊一天幽思繞江湖郭公周曉次宿遷夜色了無
荒荒成晚泊一天幽思繞江湖郭公周曉次宿遷夜色了無
幾新詩費品題亂鴉棲樹散帙照青藜雲截關山迴天將
河漢低脂車候明亂鴉棲樹散帙照青藜雲截關山迴天將
敷一夜話當年淮海幾從無那旅懷陳文灼宿遷舟中與何仲
盡一輪明月在中流陳昌言雨泊宿遷何仲頭千古霸圖蕭索
贈二篇三月鍾君道黃河浪深挑花送流水夜雨入孤衾
所遇俱成幻逢君可知此心朱絃自高調世上幾知音病豈
章老鳳麟靈珠春自抱應只愛清貧徐維超宿遷預早春風雨
深東指習靈珠春自抱應只愛清貧徐維超宿遷預早春風雨
方草將數菁兀坐南窗下托頰聽新鶯何九州詩古宿佳麗
野川原帶江介東風來幾時春色杏如畫李巽臣詩東風吹
地入芳洲淑氣還隨河水流近郭人烟恬息壤初晴草色媚
古蹟攷

平疇王孫試馬來隄上思婦凝眸到陌頭喜識春光先此地
幾回買酒欲登樓吳隱詩東風吹暖到山城宿預池開鑑水
清霜雪不侵原上草至今傳得早春名黃清耀宿遷入舟作
笨車羸馬倦歸程乍入舟航似醉醒天落黃河無日任雲流
吳會有時停馮夷縹緲親椒酒風伯招搖過塔鈴目送波瀾
成獨笑一杯吟與白鷗聽國朝屈大均舟泊宿遷作月出黃
河白微茫帶晚霞一簣同白鷺雙鬢似蘆花亂火歸漁艇寒
雲覆酒家悲來思買醉不忍賦懷沙高翊宿遷道中長隄夾
行舟千艘趁風便岸直水如絃風正颿如扇不聞柔櫓聲送
見舟子飯自笑馬上人塵沙日撲面吳錫麒宿遷見桃花盛
開二首塔隱頽陽樹隱霞征車輾轆路三叉春風作意驚顛
色寫出吾家餅樣花司家橋口錦成圍可惜花時我未歸便
到落花歸亦好孩兒蟬長鱖魚肥

濟岷故城

晉郡宋廢見沿革表方輿紀要在今縣北

晉甯廢縣

晉縣梁為郡北齊省詳沿革表故城今堙李氏兆洛云晉甯郡在

今縣東南宿遷志稿從之據魏志晉甯郡治臨清縣卽此又
按魏收志晉甯郡領招農縣下有晉甯城蓋魏招農廢縣亦
寄治此魏志又云招農武定七年改蕭衍蘭陵郡十三縣置
則梁蘭陵全郡亦俱寄此也

魏興廢縣

梁梁興臨沂興義三縣治此魏并為魏興縣齊省詳沿革表李氏

兆洛云今宿遷縣地縣志稿從之

富城廢縣

梁下邳扶風清河三郡治此魏并為富城縣齊省詳沿革表李氏

兆洛云今宿遷縣地縣志稿從之

上黨廢縣

古蹟攷

宋縣魏因之旋廢詳沿革表李氏兆洛云在今宿遷縣境按魏書

尉元傳韓念祖為上黨令與睢陵相近李氏說是也事詳宦績傳

睢陵廢縣

魏縣尋廢詳沿革表按魏睢陵屬彭城郡者在今睢甯屬臨清郡

者在今宿遷李氏謂在宿遷西北即此詳沿革表攷辨

柵淵故城

魏縣尋省詳沿革表亦名高柵陳大建七年樊毅克齊高柵等六

城胡注引魏志下邳有柵淵縣方輿紀要亦云高柵蓋即柵

淵也故城在今縣西南

臨泗廢縣

梁平原清河二縣治魏并為臨泗縣尋省詳沿革表故城今堙以

魏志縣下有竹城推之當去今縣治不遠互見竹城下又寰宇記

及方輿紀要均云泗陽城在縣東南八里按水經注泗水逕

宿預故城南又東南逕凌柵又東南逕泗陽城宿預城已在

今縣東南六十里泗陽又在凌柵東南是當屬桃源界內無

緣反近縣治疑此即臨泗故城後人訛為泗陽耳泗陽見沿革攷辨

坊亭廢縣

魏縣尋廢詳沿革表魏收志坊亭武定七年改晉甯置按晉甯郡

下又云招農有晉甯城一屬東楚州一屬東徐州似不應同

治一地疑當作分晉甯置也故城今堙以晉甯推之亦當在

縣境

市邱城

古蹟攷

〔寰宇記〕宿遷縣下郡國志云市邱城即古市邱侯來獻鼎處

樊階城

宋沈攸之退保樊階城即此齊書作樊諧詳見紀事表方輿紀要城在今

縣西北又竹城魏收志臨泗有東西二竹城縣志竹城在治

東志稿云今有僧廬曰竹城寺即其一又鵠城魏收志晉甯

郡魏興有鵠城即此城址今堙

張榮城

〔縣志〕在治北六十里峒嵒山西宋峒嵒山首領張榮築以拒

金城外有交易所俗名城子岡又條約城縣志在縣治北三

十里相傳為立條約誓眾之處俗名喬兒城

邱閣

即宿預故城治西征記曰宿預城下邳之中路舊邱閣水經

汪宿預城故下邳之宿留縣也晉元皇之為安東也督運軍

儲而為邱閣也

焦墟

〔邳州志〕宋泰始三年沈攸之援下邳屯軍焦墟曲去下邳五

十餘里以今境證之疑在宿遷境

伍員里

〔江南通志〕伍員里在宿遷縣北七十里桃溝崖縣志員里不

當在此按左傳昭公三十年吳子執鍾吾子正員仕吳之時

鍾吾後不復見地蓋為吳有矣員或食采而居此然不可攷

矣明郭軒伍員里寂寞荒村野草深居人傳說到于今獨憐一片吳門月照見將軍不死心

古蹟攷

同治徐州府志卷之八

三

項羽里

江南通志項羽里在宿遷縣舊治北一里梧桐巷

國朝吳錫麒宿遷項

王故里招魂何日返江東百二關河悵望中澤畔尙愁田父語樹頭如響大王風計遠玉玦嗟奚及連歌金刀感亦同本紀一篇垂史筆莫疑成敗論英雄

老營

縣志引康熙縣志在治北二十五里因山爲壘四面壁立周

圍五里相傳宋將屯此以禦金人有三峯高聳遠望如連珠

撻懶營

宋史紹興元年金將撻懶屯馬樂湖見紀事表

陸墩

在白鹿湖吳偉業詩原注在宿遷縣東爲紫霞年兄避兵處

賭墅湖如如監早抽簪雲遮老屋容君卧月落空潭照此心百頃荷花千尺水夜涼兄弟好披襟

白雪山堂

康熙縣志在三元宮內邑人何仲敷隱居處

望親廬

嘉慶縣志在治北七十里峒崕山中國初邑人高踰駢學仙

隱去其子晤求之不得結廬以祀之李文貞公光地額曰望

親有詩以紀其事國朝李光地題望親廬子房負奇氣此地

生雋幼慕出樊籠願瞻乏嗣息嚴君壽未終適館授荒餐卧不設苴茸云有萬里遊欲令狎瀧凍夜視盈如車拔髮弗蟻

蟲親喪妻已產一暮若騰空孝子哀求歲行又闕逢君留

有誓言吾去不可踪其兄今大耄儒俠准泗東君理猶應存

邀嬉入絃中以茲孝子思爲作望親宮屬我紀其事高揭碑

之豐我本塵土士素論薄崕峒嘉君無弱節足以厲卑風天

上有神仙不離孝與忠聞者休驚詫爲爾話參同又惠士奇

詩我亦眠雲客煙霞憶故山問君遊山嶽一去幾時還白馬

古蹟攷

仍留洛青牛已出關有
兒空戀慕頌望大刀環

壽聖寺

縣志在舊治南元大德四年僧紹清創建

明彭時記宿遷古
鍾吾子國今長淮
以之望縣也縣有寺曰壽聖在治南通衢中蓋自元大德
間僧人紹清始建焉逮我皇明洪武二年僧慈潭重加修葺
殿堂門廡煥然一新越十有五年遂開設僧會司於此以寺
僧善慈任其職厥後寺罹兵燹幾壞以廢承樂十五年僧會
善祥復葺而新之制所宜有者堅完以具規模壯觀加於其
舊遠矣善祥沒繼以宏建退休遂舉宏理任焉而住持者則
宏玘也天順改元今奉天翊衛推誠宣力武臣特進光祿大
夫柱國太子少傅廣甯侯劉公承召命回自南京道經宿遷
展祖塋間謁寺中宏玘為言廢興之故如此求觀其碑記則
毀久矣公顧宏玘曰寺以壽聖名甚宜若領徒於此朝夕禮
佛惟祝延聖天子之壽是為其所關重矣吾世荷國厚恩且
嘗家於此吾獨無力乎其間不可將買石徵文刻之用以彰
往激來可乎宏玘曰幸甚公至今念之未嘗忘一日與余同
入朝為余道之且曰願介一言鑿諸石以記之余惟佛氏之
教自東漢永平始入中土歷晉隋唐宋至今已千四百有餘
歲矣其為說與術宏闊出入無而其要以慈悲清淨息

絕慾為務蓋欲人化其言其道勸善而懲惡棄邪而趨正離
妄而歸真非有甚異也其為世道求無為焉自其徒欲昌其
教因肆為輪迴果報之說驚世怖俗強之以心從而不知理
有不然事有不盡驗者於是明理之士遂譁然非之夫非其
異說可也而併其有裨於世者廢之豈仁主良臣汲汲於利
因化民者之所能安哉其得行久而不廢將不在此歟而我
朝尤信用其教常簡其徒之精能者官之俾任綱領維持之
責而惟國家之生民是利是圖而不暇究其同異當時祇順
於下又有王侯貴戚高位重祿之臣勢尊而力富者相與崇
高之篤敬慕之深施捨莊嚴之不怠宜乎其教之行不廢而
愈盛也子聞往者是寺已廢復興公之先君嘗捐財出力以
助成之今公復念鄉土且重其上可為國祝釐下可為生民
利濟而欲追述先志勒石以垂勸方來其用心亦厚矣繼今
以往吾知是寺將益盛以興萬一久而弊衰安知無好善之
士感激興起以成公志者哉公名安字文理本宿遷人自其
祖父列爵於朝始家京師而先塋之在宿遷者如故公為人
忠謹仁厚出自天資其典兵政與待人接物一以寬和簡淨
為主而此舉有勸善之心有不忘故土之誠皆可書也併書

竹城寺

縣志在舊治東二十里洪武三年僧淨塵創建

古蹟攷

同治後州府志卷之八

興國寺

縣志在新治東門內又有洪福寺在治北瓦窰村沈黑寺亦名沈福寺在治北四十里僧沈黑建又有邵店寺在治東北四十里堰頭寺在治北七十里來龍菴在白鹿湖黃墩寺在治北百二十里界牌寺在紅花埠西極庵在洋河

龍泉寺

縣志在堰頭鎮唐時建護國庵在城北禪堂在岵嵒山地藏菴在城東北

龍泉菴

在三仙洞元延祐間建元龍泉菴碑記夫道淵至德渺漠在太易之上而不為高太極之後而不為下浩劫常存古今不朽天地之源乾坤之要萬物之母眾妙之門其無為自然之儼致修身齊家治國平天下罔非

宜之今全真而能修身與道合真自五祖傳心於六祖純陽降迹於重陽之前教已萌而祖師之後其教大扇上分五祖而聖聖襲明下列七真而心相印明明相繼開全真之正德化育元德著九州缺生莫盡化無涯處處起全真大菴曰龍泉其地水秀山嵐坎離之潛龍望火兌震之鶉鷄沐河其地非塵所侵豈凡居也自兵革以來盡經荒蕪碑石俱泯惟存窟洞開山住觀韜光大師隱真子成志謹度二子龔志明方志元褒衣竭力芟除荆棘撥去瓦礫不數年重得龔舊為前代之聖跡今作本朝之道場再整澤明潛龍出現之由重刊石像設暮瞻仰飲茅菴草舍安四海之雲朋豎碑立銘紀一朝之事跡念方灰心達於紅塵修身近於青山不戀榮華拋離愛海以修持同效巒麓念雙忘衛固一身雖嘯吸喜怒不傷其氣處無我同塵羽化而仙矣事跡有始身雖嘯吸屈伸不同其揆處世同塵羽化而仙矣事跡有始身雖嘯吸具載文繁峇之義闕恕斯語敬諾竊撰其辭銘曰大道隱然在乎否泰眾妙之門萬物之母志明元學道之夫玉陽派下菴曰龍泉景果不虛鴉鷄沐河東南所居潛龍望火前後衛護念道思真始末銘記同道綿徐

極樂菴

古蹟攷

縣志在治北馬陵山又有觀音閣在城東南觀音庵在橋北
鎮觀音堂在城南老關前觀音宮在鳳凰墩孟城菴去治五
里運河西彌陀菴華嚴菴俱在馬陵山後淨土菴在劉馬司
妙峯菴在城東北鳳凰墩泉潮菴在五華頂山隱寺在五華
頂南元延祐間建指心庵在歸仁集
國朝吳偉業過宿遷極
樂菴明日晤陸紫霞年
兄話舊有感同時知已曲江游縱酒高歌玉腕驅黃葉渾隨
諸子散白頭猶幸故人留雲堂下榻逢僧飯雪夜聽鐘待客
舟如此衝寒緣底事相逢無計訴離愁又下相極樂菴讀同
雁北使時詩卷蘭若停驂麗墨成過河持節事分明上天飛
示詩句隔歲湯休話蘭芳入祇林松風疑謾謾竹翠晚沈沈
甯愁蓮社遠每報曉鐘音

普化禪林

縣志在城北又有如意菴在城外新盛街小店茶菴在小店

集司吾茶菴洋河茶菴陸家集茶菴

國朝邵大業宿遷茶菴
記宿遷縣陸家集茶菴

創自僧龍潭龍潭姓孟氏山東淄川人八歲薙髮十入遊京
師居十二年禮上方諸名刹又謁南海九華諸勝翻然出都
念茲集湯水以飲行人垂二十餘年已而得頃地躬自糞植獲
夏儲湯於他田歲積所入購木石建茶亭五間又十餘年得有
常倍於他田歲積所入購木石建茶亭五間又十餘年得有
力者為創正殿五楹置佛像又數年得有力者為建東西樓
各三間於是夏門有堂有寮舍有庖有滷儼然梵宇而龍潭
食糗履草供冬有門有堂有寮舍有庖有滷儼然梵宇而龍潭
教近墨氏大要以操苦為本以利濟為心利濟之大者談空
說無陳因果報應能使物隨所見為之此其意誠無惡于天
也流極既衰名山淨室涉容而消聲率枯槁寂滅自矜絕詣
甚且侈金銀之氣陳聲色之觀止益流蕩而號稱苦行者或
兀坐窮廬或托鉢街市至炙背焚手拘學困頓極生人之難
堪而無足感動凡彼所為本無濟人之心則所為操苦者皆
偽耳烏觀真僧耶余往來淮宿間常見龍潭質朴類村野人
今行年七十矣猶親制備餅以飯遊僧窺其心蓋汲汲乎
濟人者濟人者佛之本也龍潭縱不得其大庶幾無愧其小
者乎乃為敘是菴興起之始末而并及
龍潭之生平俾有所藉以傳於後云

古蹟攷

司台余州府志卷之八下

玉虛觀

縣志在馬陵山

三元宮

縣志在城內今無攷

國朝何九州宿三元宮遙夜臨僊宇西風敲帝扉鐘鳴一鴈下人語四天稀桂殿生秋色蘭燈澹碧輝依依殘夢裡還見五雲飛

又有贊化宮在城內

九龍廟

在城西北運河涯

梁王墓

天啟淮安府志在龍泉社去治七十里不知何代相傳已久

漢驃騎將軍徐琪墓

縣志在治北

宋魏勝墓

天啟淮安府志魏勝墓在東南四十里縣志按本傳令有司

刻木以斂葬於鎮江此墓蓋築土以寄思耳

上將軍劉漢凝墓

龍驤將軍劉若濟墓

處士劉彥深墓

縣志以上三墓俱在治北

元張萬戶墓

縣志在治東四十里

孝女墓

淮安府志在治西十里朱山東北舊志元時人失其姓氏

縣尹王君墓

今無攷

古蹟攷

明廣甯侯劉江墓

縣志在新治西 恩設奉祀官

左都督馬儀墓

縣志在治南

潘黃門墓

縣志在治南

羅繡衣墓

縣志在治西北周圍八十畝

沈僉憲墓

縣志在治東

張義民墓

縣志在治西二十五里卽十四世同居之始祖榮俗呼金牛

墩

何烈女墓

天啟淮安府志舊治東

劉烈女墓

天啟淮安府志治南小河口

李節婦墓

朱節婦墓 樊節婦墓

縣志三墓俱在治東

葛姑墓

縣志在治南四十里葛姑明末人流寓洋河鎮事母終身不嫁里中奉為女師卒年九十餘葬時共為築巨冢至今婦孺

古蹟攷

司台余川府志卷第一八下

三

歲時猶往祭之呼以葛姑奶奶云

陸佶墓

縣志在治北十三里山中

陸奮飛墓

縣志在治北六十里峒崕山中

國朝徐用錫墓

縣志在治北七十里峒崕山陰

附義冢

縣志一在舊治南三里嘉靖十七年清軍御史楊瞻建一在新治東北半里萬曆四年知縣喻文偉建

睢甯縣

古蒲如國

商世國名後亡詳沿革路史蒲如亦作蒲姑郡國志取慮有

蒲姑陂亦作蒲隧詳沿革左氏傳昭十六年齊師至蒲隧杜預曰取

慮縣東有蒲姑陂按取慮故城在縣西南則蒲姑在縣東南境矣

取慮故城

古國漢縣梁潼州魏睢州皆治此北齊廢詳沿革唐宋地屬下

邳縣寰宇記取慮故城在今下邳縣西南是也明屬虹縣方

輿紀要取慮故城在今虹縣北百二十里是也乾隆府廳州

縣志收入睢甯云在縣西南蓋國朝縣境西南稍闕兼及

取慮故治也舊志謂取慮卽魏臨潼郡治今所稱潼郡集者

古蹟攷

詳攷魏地形志隋地理志取慮臨潼分列兩城一為睢州治一為潼郡治不應混合具見沿革表及臨潼故城下

睢陵故城

漢縣宋濟陰郡領定陶頓邱寄治此魏廢僑郡縣北齊並省
睢陵詳沿革表後漢書章懷太子注及寰宇記睢陵故城在下邳縣東南江南通志其故城即今睢甯縣治舊志引水經注睢水逕取慮故城北又東逕睢陵縣故城北今以水經注及後漢書注參攷之當在今睢甯縣南云云案北魏睢水與今水道不符酈注原文於直東東北辭多約畧未可據以為證而徑易前說至後漢書注寰宇記之說則今之睢甯正在下邳東南謂為縣南亦非確據况金史地理志明言睢甯於興定

二年四月以宿遷縣之古城置是睢甯未立之前必有古城存也通志言即縣治亦必由此推之通志說是

北陵故城

晉縣東晉廢今縣東南凌城集有故城是也詳見沿革表攷辨寰宇記下邳縣有北陵故城引晉太康地記云北陵縣屬下邳唐宋時縣境屬下邳故云然

臨潼故城

魏置郡治此縣曰晉陵齊改郡曰潼郡縣曰睢陵後周廢詳沿革表方輿紀要晉陵城在虹縣西北八十里又引靈壁志今潼郡城在縣東北七十五里今縣西南五十里有潼郡集與靈壁錯界即此城也詳與地攷

古蹟攷

司台...

...

占城

舊志在縣西北七十里俗名瞻王城內有七十四井城址猶存又新城在縣北五十里方輿紀要云相傳宋韓侂胄所築又舊志有九城在縣東二十五里國朝謝乃實占城道上詩晨起占城館征鞍拂曉霜河流如博象山隊似驅羊破浪懷宗怒揮戈憶魯陽圮橋何處問望斷水雲鄉

黃石古峒

縣志峒在黃山舊傳黃石公棲隱於此可容數十人又名黃華洞吳振宗坐黃石峒望湖西懷李條侯詩高巖屯雲物野秀綠橫塘載觀破澤勝傾耳聽滄浪依希穀城下黃石可葆藏緬懷思古人扳崖聊徜徉襟期既昭曠感歎生悲涼時哉念舊好悠悠道何長索居日已久離羣易以傷施諱先飲黃石峒口歌黃石公危橋日落春山空橋邊曾使期英雄婆娑老樹蔭深翠空山那得知我意男兒目是作帝師素書雖授何足奇收拾蛟龍性結束烟霞姿遠遊千里復萬里不得其人與終始從看車馬驅馳開風雲頃刻青蒼裏青松峒

零中峽

門知已誰陰陰石屋雲氣微荆棘披縱橫鳥獸日夕歸酌酒弔古人壯情殊可悲孺子已隨赤松去峒口殘霞留不住

魏書孔伯恭傳伯恭從睢陵城東向零中峽見紀事表案零中峽卽今凌城廟又稱靈爽廟古戴二將戰死處今在睢甯境

白路垆

縣志昔有仙姑修道於此往來之路石白如玉故名曰白路山在垆子內

仙人掌

縣志仙人掌山有仙人掌痕長尺餘隱見不時形跡宛然為睢奇觀

古蹟攷

宗善寺

縣志明憲宗敕賜宗善禪寺於羊山

崇甯寺

舊志在縣治東北明洪武十一年建於縣治北萬曆十三年遷建於此案今廢又有龍泉寺在黃山社龍泉山亦名烟寺又有鐵佛寺在劉馬莊社王家唐芹溝寺在芹溝社有磚塔普照寺在縣東北三十里荆山寺在宋山社石橋寺在黃山社石橋山

石屋寺

在黃山社國朝劉口旭題石屋寺詩嵌空石作屋寺以此知鐘聲但曉西來意昏澗巨燭明

范家寺

在縣治西南四十里

慈壽菴

舊志在縣東門外又有甘露菴在縣治東南蘇息菴在縣南門外華嚴菴在縣西門外護國菴在縣治東南二里太平菴在縣東南四十里

百子堂

舊志在縣治東北又有孫家堂在縣治北

萬壽宮

在東門內常平倉後僅存基址

元真觀

古蹟攷

舊志在北門內明洪武間建按今改三元宮

晉王祥履墓

舊志在縣城南縣志祥食邑睢陵後卒民取其履葬此明御史王友賢立碑康熙間知縣劉如晏修築置祭田五十畝

忠義冢

明古達可戴國柱冢也

國柱女史倪瑞璿過凌城廟謁古戴國柱同以忠勇見知於公史公懷宗十四年流寇袁時中寇睢古時駐宿邀戴往擊戰於凌城廟眾寡不敵俱死焉史公隨遣致祭命於所擇地刻石立忠義冢嗚呼二公真烈士也夫故丁酉秋予同母氏往過拜其墓深惜其事之未傳於史也因為詩以俟輶軒之採秋風鳴高生亂峰下斜照老樹枝交天蒼黃覆古廟入門捫殘碑太息拜遺貌憶昔明運衰羣盜起聚嘯勦撫兩失策蠱變虎豹所過無堅城蒼生任凌暴二公真人豪忠貞出天造金鐵治成心冰霜厲寒操賊鋒一容共談笑然抱擊賊人天地為震悼賊用魔魅法蟻聚蜂

明孝子孫清墓

心到眾寡勢不當頭斷臂猶掉成仁併取義日月爭光耀碧血灑平蕪賊馬不敢踏至今曠野中白日常見燒如何入！年薦紳少憑弔姓氏已稀傳父老猶相告蘭臺事纂修幽微須闡耀誰為秉筆人搜求不遺與

舊志在縣東南毛竹垌

義士朱用之墓

舊志在縣西南三里趙家灘

雙烈墓

舊志在縣東五里正德時徐雪梅嚴銳兒二女以不屈賊死

葬此流國朝姚士堅雙烈嚴徐二女贊正德六載劉寇獷猖毒煌煌此猶男子德稟陽剛嚴徐二女乃克齊芳賊執不屈完節身亡質本蘭蕙潔比冰霜江公入告睿鑒旌揚墓封雙烈地久天長孝子義士堪與爭光祠以祀之百世馨香

古蹟攷

代理徐州府學教授丁鎮瀛校

